



MISSALE SERAPHICUM







MISSALE SERAPHICUM CUM LECTIONARIO

AD USUM

FRATRUM MINORUM S. FRANCISCI
CONVENTUALIUM

MONIALIUM S. CLARAE AC TERTII ORDINIS

a S. Congregatione pro Cultu Divino approbatum

JUSSU

FR. VITALIS MARIAE BOMMARCO

Ordinis Fratrum Minorum Conventualium post Seraphicum Patriarcham
Ministri Generalis CXV

EDITUM



ROMAE
1974

Grafiche «Messaggero di S. Antonio»
PADOVA

SACRA CONGREGATIO PRO CULTU DIVINO

Prot. n. 198/73

DECRETUM

Calendario communi tribus Familiis Franciscalibus I Ordinis et III Ordinis Regularis cum peculiaritatibus pro secundo et tertio Ordine anno 1972 confirmato, diligenti cura recogniti sunt textus Missarum et Liturgiæ Horarum, quorum confirmationem ab hac Sacra Congregatione petierunt Reverendissimi Patres Constantinus Koser, Minister generalis Ordinis Fratrum Minorum, Vitalis Bommarco, Minister generalis Ordinis Fratrum Minorum Conventualium, Paschalis Rywalski, Minister generalis Ordinis Fratrum Minorum Capuccinorum, Ludovicus Secondo, Minister generalis Tertii Ordinis Regularis sancti Francisci, litteris die 17 aprilis 1973 datis.

Hæc Sacra Congregatio, vigore facultatum sibi a Summo Pontifice PAULO VI tributarum, perlibenter probat seu confirmat textus latinos, qui in adiectis prostant exemplaribus, scilicet:

1. Proprium Missarum universo Ordini Franciscali commune.
2. Proprium Missarum Monialium Clarissarum.
3. Proprium Missarum Tertii Ordinis Franciscalis.
4. Proprium Liturgiæ Horarum universo Ordini Franciscali commune.
5. Proprium Liturgiæ Horarum Monialium Franciscalium.
6. Proprium Liturgiæ Horarum Tertii Ordinis Franciscalis.

In textibus autem imprimendis mentio fiat de confirmatione ab Apostolica Sede concessa. Eorundem insuper textuum impressorum duo exemplaria ad hanc Sacram Congregationem transmittantur.

Contrariis quibuslibet minime obstantibus.

Ex ædibus Sacræ Congregationis pro Cultu Divino, die 17 novembris 1973.

† A. Bugnini
 Archiep. tit. Diocletianen.
a Secretis

Vergilius Noè
Subsecret.

SACRA CONGREGATIO PRO CULTU DIVINO

Prot. n. 701/73

ORDINIS FRATRUM MINORUM CONVENTUALIUM

Instante Reverendo Patre Vitale Bommarco, Ministro generali Ordinis Fratrum Minorum Conventualium, litteris die 30 aprilis 1973 datis, vigore facultatum huic Sacrae Congregationi a Summo Pontifice PAULO VI tributarum, textus latinos Missae et Liturgiae Horarum iuxta Calendarium proprium eiusdem Ordinis exaratos et huic decreto adnexos, perlibenter probamus seu confirmamus.

In textu autem imprimendo mentio fiat de confirmatione ab Apostolica Sede concessa et eiusdem textus impressi duo exemplaria ad hanc Sacram Congregationem transmittantur.

Contrariis quibuslibet minime obstantibus.

Ex aedibus Sacrae Congregationis pro Cultu Divino,
die 21 novembris 1973.

† A. Bugnini
Archiep. tit. Diocletianen.
a Secretis

Vergilius Noè
Subsecret.

MINISTER GENERALIS
ORDINIS FRATRUM MINORUM CONVENTUALIUM

Prot. N. 112/74

DECRETUM

Ad Missale Seraphicum cum Lectionario in praxim et usum deducendum, revisione Calendarii et Propriorum in eorum textibus diligenter peracta ad normam decretorum Concilii Vaticani II et iuxta Sanctæ Sedis instructiones, de consensu ven. Definitorii Generalis, præhabita approbatione S. Congregationis pro Cultu Divino, per has decretales Litteras præsentem editionem Propriorum Missalis Seraphici cum Lectionario uti typicam pro universo Ordine declaramus atque promulgamus, mandantes ut, cum primum in lucem prodierit, in usum assumatur.

Cura autem Ministrorum Provincialium erit vernaculas editiones pro respectivis linguarum cœtibus apparare, Definitorio Generali submitendas, ut rite Apostolicam approbationem obtineant.

Romæ, die 19 martii a. 1974,
in sollemnitate S. Ioseph,
Sponsi B. Mariæ Virginis,
Ordinis nostri Tutelaris.

Fr. Vitalis M. Bommarco
Minister Generalis

Fr. Lanfrancus M. Serrini
a Secretis

Præsens editio Propriorum Missalis Seraphici cum Lectionario,
iuxta textus *Novæ Vulgatæ* apparata, concordat cum originali a
S. Congregatione pro Cultu Divino approbato.

Fr. Gentilis M. De' Santi, O.F.M.Conv.
Revisor delegatus Ordinis

Romæ, die 10 martii a. 1974.

PRÆNOTANDA

I. De celebrationum gradibus:

1. Celebrationes Sanctorum Ordinis Seraphici inter se distinguuntur et nominantur: *sollemnitas, festum, memoria*.

2. *Memoriæ* sunt obligatoriæ vel ad libitum, et earum celebratio cum celebratione feriæ occurrentis componitur secundum normas Missalis Romani.

3. Gradus celebrationum, nempe sollemnitas, festum aut memoria, singulis diebus indicatur. Quando nulla adest indicatio, agitur de memoria ad libitum.

II. De usu Lectionarii:

In celebrationibus Sanctorum hæc attendenda sunt:

1. In *sollemnitatibus* et *festis* semper adhibendæ sunt lectiones quæ in hoc Proprio proponuntur.

2. In *memoriis* vero tam obligatoriis quam facultativis: lectiones cum non sint *propriæ* (id est, non agunt de ipsa persona Sancti; sunt tamen propriæ in memoria SS. Nominis Iesu), sed *appropriatæ* (quæ scilicet peculiarem adspexit vitæ spiritualis vel actuositatis Sancti in lucem produnt), sunt simpliciter propositæ in commodum celebrantis, id est, sunt indicativæ tantum; earum loco enim quævis alia lectio seligi potest e Communibus, vel de feria currenti.

III. De celebrationis gradus mutatione:

Cum diversis in locis vel nationibus gradus celebrationum mutatur, attendatur *sollemnitates* tres lectiones habere, quarum prima ex Vetere Testamento (tempore autem paschali ex Actibus Apostolorum vel Apocalypsi) cum psalmo responsorio, secunda vero ex Novo Testamento, tertia denique ex Evangelio.

CALENDARIUM SERAPHICUM

JANUARIUS

- 3 Sanctissimi Nominis Jesu - *Memoria*
- 4 B. Angelæ de Foligno, religiosæ, III Ordinis
- 12 B. Bernardi de Corleone, religiosi, I Ordinis
- 14 B. Odorici de Pordenone, presbyteri, I Ordinis
- 16 Ss. Berardi et sociorum, protomartyrum Ordinis - *Memoria*
- 27 * S. Angelæ Merici, virginis, III Ordinis (1)

FEBRUARIUS

- 4 S. Ioseph de Leonessa, presbyteri, I Ordinis
- 6 Ss. Petri Baptistæ, Pauli Miki et sociorum, martyrum, I et III Ordinis - *Memoria*
- 7 S. Coletæ, virginis, II Ordinis

APRILIS

- 21 S. Conradi de Parzham, religiosi, I Ordinis - *Memoria*
- 23 B. Ægidii de Assisi, religiosi, I Ordinis
- 24 S. FIDELIS DE SIGMARINGEN, presbyteri et martyris, I Ordinis - *Festum* (2)
- 28 B. Luchesii, III Ordinis

MAIUS

- 11 S. Ignatii de Laconi, religiosi, I Ordinis
- 16 S. Margaritæ de Cortona, III Ordinis - *Memoria*
- 17 S. Paschalis Baylon, religiosi, I Ordinis - *Memoria*
- 18 S. FELICIS DE CANTALICE, religiosi, I Ordinis - *Festum* (3)
- 20 S. BERNARDINI SENENSIS, presbyteri, I Ordinis - *Festum*
- 24 IN DEDICATIONE BASILICÆ S.P.N. FRANCISCI, Assisii - *Festum*
- 28 S. Mariæ Annæ Iesu de Paredes, virginis, III Ordinis

JUNIUS

- 13 S. ANTONII DE PADOVA, presbyteri et Ecclesiæ doctoris,
I Ordinis - *Festum*
30 B. Raymundi Llull, martyris, III Ordinis

JULIUS

- 4 * S. Elisabeth Lusitaniæ, III Ordinis
8 Bb. Gregorii Grassi et sociorum, martyrum, I et III Ordinis
9 Ss. Nicolai Pick, Wilhadi et sociorum, martyrum, I Ordinis -
Memoria
10 S. Veronicæ Giuliani, virginis, II Ordinis - *Memoria*
12 Ss. Ioannis Jones et Ioannis Wall, martyrum, I Ordinis
14 S. Francisci Solano, presbyteri, I Ordinis
15 S. BONAVENTURÆ, episcopi et Ecclesiæ doctoris, I Ordinis -
Festum
21 S. LAURENTII DE BRINDISI, presbyteri et Ecclesiæ doctoris
I Ordinis - *Festum* (3)
23 * S. Birgittæ, religiosæ, III Ordinis

AUGUSTUS

- 2 B. Mariæ Virginis Angelorum de Portiuncula -
Festum
4 * S. Ioannis Mariæ Vianney, presbyteri, III ordinis
7 Bb. Agathangeli et Cassiani, presbyterorum et martyrum, I Ordinis
8 S.P. DOMINICI, presbyteri, Ordinis Prædicatorum Fundatoris -
Festum
11 S.M. CLARÆ ASSISIENSIS, virginis, II Ordinis - *Festum*
14 B. Maximiliani Mariæ Kolbe, presbyteri, I Ordinis
19 S. Ludovici, episcopi, I Ordinis - *Memoria*
21 * S. Pii X, papæ, III Ordinis - *Memoria*
25 S. Ludovici IX, regis, Patroni III Ordinis - *Memoria*

SEPTEMBER

- 2 Bb. Ioannis Francisci Burté, Severini Girault et sociorum, mar-
tyrum, I Ordinis

- 4 S. Rosæ de Viterbo, virginis, III Ordinis
 17 S.P.N. FRANCISCI IN IMPRESSIONE STIGMATUM - *Festum*
 18 S. IOSEPH DE COPERTINO, presbyteri, I Ordinis - *Festum*
 20 S. Francisci Mariæ de Camporosso, religiosi, I Ordinis - *Memoria*

OCTOBER

- 4 S.P.N. FRANCISCI ASSISIENSIS, diaconi, Trium Ordinum
 Fundatoris - *Sollemnitas*
 10 Ss. Danielis et sociorum, martyrum, I Ordinis
 12 S. Seraphini de Montegranaro, religiosi, I Ordinis
 19 S. Petri de Alcàntara, presbyteri, I Ordinis - *Memoria*
 20 B. Iacobi de Strepis, episcopi, I Ordinis
 20 B. Contardi Ferrini, III Ordinis
 23 * S. Ioannis de Capestrano, presbyteri, I Ordinis - *Memoria*
 26 B. Bonaventuræ de Potenza, presbyteri, I Ordinis
 30 IN DEDICATIONE PROPRIÆ ECCLESIAE (consecratæ) -
Sollemnitas

NOVEMBER

- 4 * S. Caroli Borromeo, episcopi, Protectoris Ordinis Franciscalis -
Memoria
 13 S. Didaci de Alcalà, religiosi, I Ordinis
 14 Ss. Nicolai Tavelic et sociorum, martyrum, I Ordinis - *Memoria*
 17 S. ELISABETH HUNGARIÆ, Patronæ III Ordinis - *Festum*
 26 S. Leonardi de Porto Maurizio, presbyteri, I Ordinis - *Memoria*
 27 B. Francisci Antonii Fasani, presbyteri, I Ordinis
 28 S. Iacobi de Marchia, presbyteri, I Ordinis - *Memoria*
 29 OMNIUM SANCTORUM SERAPHICI ORDINIS - *Festum*

— COMMÉMORATIO OMNIUM DEFUNCTORUM SERAPHICI
 ORDINIS: Fratrum, Sororum, Propinquorum et Benefactorum, fit
 die 3 Novembris vel, ea impedita, prima die in qua non occurrat
 Dominica aut sollemnitas.

DECEMBER

8 * IN CONCEPTIONE IMMACULATA B. MARIÆ VIRGINIS, universi Seraphici Ordinis Patronæ et Reginæ - *Sollemnitas*

-
- (1) Celebrationes asterisco notatæ, inveniuntur inscriptæ iisdem diebus et sub eodem gradu liturgico in Calendario Romano universali.
(2) *Festum* in Germania, Helvetia et Italia; in ceteris locis, *memoria*.
(3) *Festum* in Italia; in ceteris locis, *memoria*.

Die 3 ianuarii

SANCTISSIMI NOMINIS IESU

MEMORIA

ANT. AD INTROITUM

Phil. 2, 10-11

In Nómine Iesu omne genu flectátur
cæléstium et terréstrium et infernórum
et omnis língua confiteátur
«Dóminus Iesus Christus!», in glóriam Dei Patris.

COLLECTA

Sanctíssimum Iesu Nomen venerántibus,
nobis, Dómine, concéde propítius,
ut, eius in hac vita dulcédine perfruéntes,
sempitérno gáudio in pátria repleámur.
Per Dóminum.

LECTIO PRIOR

In nomine Iesu omne genu flectatur.

Léctio Epístolæ beáti Pauli apóstoli
ad Philippénes

2, 6-11

Fratres:

Iesus Christus, cum in forma Dei esset,
non rapínam arbitrátus est esse se æquálem Deo,
sed semetípsum exinanívit formam servi accípiens,
in similitúdinem hóminum factus:
et hábitu invéntus ut homo,
humiliávit semetípsum factus obóediens usque ad mortem,
mortem autem crucis.

Propter quod et Deus illum exaltávit
et donávit illi Nomen
quod est super omne nomen,
ut in Nómine Iesu omne genu flectátur

cæléstium et terréstrium et infernórum
 et omnis língua confiteátur
 «Dóminus Iesus Christus!», in glóriam Dei Patris.
 Verbum Dei.

PSALMUS RESPONSORIUS

Ps. 112, 1-2. 3-4. 5-6.

R. Sit nomen Dómini benedíctum in sáeculum.

Laudáte, púeri Dómini,
 laudáte nomen Dómini.

Sit nomen Dómini benedíctum
 ex hoc nunc et usque in sáeculum. **R.**

A solis ortu usque ad occásum
 laudábile nomen Dómini.

Excélsus super omnes gentes Dóminus,
 super cælos glória eius. **R.**

Quis sicut Dóminus Deus noster,
 qui in altis hábitat,
 et humília réspicit
 in cælo et in terra? **R.**

ALLELUIA

Ps. 95, 2

R. Allelúia.

V. Cantáte Dómino, benedícite nómini eius,
 annuntiáte de die in diem salutáre eius.

R. Allelúia.

EVANGELIUM

Vocabis nomen eius Iesum.

✠ Lécio sancti Evangélíi secúndum Matthæum 1, 18-25

Cum esset desponsáta mater Iesu María Ioseph, ánte-
 quam convenírent invénta est in útero habens de Spíritu
 Sancto. Ioseph autem vir eius, cum esset iustus et nollet

eam tradúcere, voluit occúlte dimíttere eam.

Hæc autem eo cogitánte, ecce ángelus Dómini in somnis appáruit ei dicens: «Ioseph fili David, noli timére accíperere Mariám cóniugem tuam; quod enim in ea natum est, de Spíritu Sancto est. Páriet autem filium, et vocábis nomen eius Iesum: ipse enim salvum faciet pópulum suum a peccátis eórum».

Hoc autem totum factum est ut adimplerétur id quod dictum est a Dómino per prophétam dicéntem:

«Ecce virgo in útero habébit et páriet filium, et vocábunt nomen eius Emmánuel», quod est interpretátum «Nóbiscum Deus».

Verbum Dómini.

SUPER OBLATA

In eius Nómine, Pater omnípotens,
múnera nostra dignáre suscípere,
in quo quidquid petiérimus
nos certe consecutúros esse confídimus,
ipso Fílio tuo benigníssime pollicénte.
Qui vivit.

Præfatio de Nativitate Domini, II.

ANT. AD COMMUNIONEM

Act. 4, 12

Non est áliud nomen sub cælo datum in homínibus,
in quo opórteat nos salvos fíeri.

POST COMMUNIONEM

Tua nobis, quæsumus, Dómine, miseratióne concéde,
ut in his sacris mystériis
Dóminum Iesum dignis obséquiis venerémur,
in cuius Nómine voluísti omne genu flecti,
omnésque hómnes inveníre salútem.
Per Christum.

Die 4 ianuarii

B. ANGELÆ DE FOLIGNO

religiosæ

ANT. AD INTROITUM

Cfr. Prov. 14, 1-2

Ecce mûlier sápiens quæ ædificávit domum suam,
et timens Deum ambulávit recto itínere.

COLLECTA

Deus, qui beátam Angelam
in mysteriôrum Filii tui contemplatióne
insígnem effecísti,
ipsíus méritis et intercessióne concéde,
ut, eiúsdem mystériis in terris partícipes effécti,
in revelatióne glóriæ tuæ gaudeámus exsultántes.
Per Dóminum.

LECTIO PRIOR

*Ad destinatum persequor,
ad bravium supernæ vocationis Dei in Christo Iesu.*

Léctio Epístolæ beáti Pauli apóstoli
ad Philippénes

3, 8-14

Fratres: Exístimo ómnia detriméntum esse propter emi-
néntiam sciéntiæ Christi Iesu Dómini mei, propter quem ómnia
detríméntum feci, et árbitror ut stércora ut Christum lucrí fá-
ciam et invéniam in illo, non habens meam iustítiam quæ ex
Lege est, sed illam quæ per fidem est Christi, quæ ex Deo
est iustítia in fide, ad cognoscéndum illum et virtútem Re-
surrectiônis eius et communióne passiónum illíus, confór-
mans me morti eius, si quo modo occúrram ad resurrectiô-
nem quæ est ex mórtuis.

Non quod iam accéperim aut iam perféctus sim, pèrse-
quor autem si umquam comprehéndam, sicut et compre-
hénsus sum a Christo Iesu.

Fratres, ego me non árbítror comprehendísse; unum autem, quæ quidem retro sunt oblivíscens, ad ea vero quæ ante sunt exténdens me, ad destinátum pérsequor, ad bravíum supérnæ vocatiónis Dei in Christo Iesu.

Verbum Dei.

PSALMUS RESPONSORIUS

Ps. 15, 1-2a et 5. 7-8. 11 (R.: 5a)

R. Tu es, Dómine, pars hereditátis meæ.

Consérva me, Deus, quóniam sperávi in te.

Dixi Dómino: «Dóminus meus es tu.

Dóminus pars hereditátis meæ et cálicis mei:

tu es qui détines sortem meam». **R.**

Benedícam Dóminum qui tríbuit mihi intelléctum;

ínsuper et in nóctibus erudiérunt me renes mei.

Proponébam Dóminum in conspéctu meo semper, quóniam a dextris est mihi, non commovébor. **R.**

Notas mihi fácies vias vitæ,

plenitúdinem lætítiæ cum vultu tuo,

delectatiónes in dextera tua usque in finem. **R.**

ALLELUIA

Cfr. Mt 11, 25

R. Allelúia.

V. Benedíctus es, Pater, Dómine cæli et terræ, qui mystéria regni párvulis revelásti.

R. Allelúia.

EVANGELIUM

Abscondisti hæc a sapientibus et revelasti ea parvulis.

✠ Lécio sancti Evangélii secúndum Matthæum 11, 25-30

In illo témpore: Respóndens Iesus dixit: «Confíteor tibi, Pater, Dómine cæli et terræ, quia abscondísti hæc a sapiéntibus et prudéntibus et revelásti ea párvulis.

Ita, Pater, quóniam sic fuit plácitum ante te. Omnia mihi trádicta sunt a Patre meo; et nemo novit Fílium nisi Pater, neque Patrem quis novit nisi Fílius et cui volúerit Fílius reveláre.

Veníte ad me omnes qui laborátis et oneráti estis, et ego refíciam vos.

Tóllite iugum meum super vos et díscite a me, quia mitis sum et húmilis corde, et inveniétis réquiem animábus vestris; iugum enim meum suave et onus meum leve est».

Verbum Dómini.

SUPER OBLATA

Múnera nostra offeréntes, te, Dómine, deprecámur
ut, intercedénte beáta Angela,
de cælésti fonte
supereffluéntem grátiam hauríre mereámur.
Per Christum.

ANT. AD COMMUNIONEM

Mt 12, 50

Quicúmque fécerit voluntátem Patris mei,
qui in cælis est,
ipse meus frater et soror et mater est,
dicit Dóminus.

POST COMMUNIONEM

Divíni operátio sacraménti, omnípotens Deus,
in hac beátæ Angelæ commemoratióne
illúminet nos páriter et inflámmet,
ut et sanctis iúgiter desidériis ferveámus,
et bonis opéribus abundémus.
Per Christum.

Die 12 ianuarii

B. BERNARDI DE CORLEONE
religiosi

ANT. AD INTROITUM

Sir. 3, 20-21

Humiliávit se in ómnibus
et coram Deo invénit gratiam,
quóniam magna poténtia Dei
et ab humílibus honorátur.

COLLECTA

Deus, qui beátum Bernárdum
admirábilis pæniténtiæ et christianárum virtútum
exémplar nobis propónere dignátus es,
præsta, quæsumus, ut et nos
dignos pæniténtiæ fructus fácere in terris,
et ætérnam cónsequi mercédem valeámus in cælis.
Per Dóminum.

LECTIO PRIOR

*Impietas impii non nocebit
quacumque die conversus fuerit*

Léctio Ezechiélis prophétæ

33, 12-16

Iustítia iusti non liberábit eum in quacúmque die pec-
cáverit, et impietas impii non nocébit ei in quacúmque die
convérsus fúerit ab impietáte sua, et iustus non póterit ví-
vere in iustítia sua in quacúmque die peccáverit.

Etiámsi díxero iusto quod vita vivat, et confísus in
iustítia sua fécerit iniquitátem, omnes iustítiæ eius oblivíoni
tradéntur, et in iniquitáte sua quam operátus est, in ipsa
moriétur.

Si autem díxero ímpio: Morte moriéris, et égerit pæni-
téntiam a peccáto suo fecerítque iudícium et iustítiam et
pignus restitúerit ille ímpius rapinámque reddíderit, in man-

dátis vitæ ambuláverit nec fécerit quidquam iniústum, vita
vivet et non moriétur: ómnia peccáta eius quæ peccávit, non
imputabúntur ei, iudícium et iustítiam fecit, vita vivet.

Verbum Dei.

PSALMUS RESPONSORIUS

Ps. 50, 8-12; 17. 19 (R.: 12a)

R̃. Cor mundum crea in me, Deus.

Ecce veritátem in corde dilexísti,
et in occúlto sapiéntiam manifestásti mihi.

Aspérges me hyssópo, et mundábor;
lavábis me, et super nivem dealbábor.

Audíre me facies gaudium et lætítiam,
et exsultábunt ossa quæ humiliásti. R̃.

Avérte fáciem tuam a peccátis meis,
et omnes iniquitátes meas dele.

Cor mundum crea in me, Deus,
et spíritum firmum ínnova in viscéribus meis. R̃.

Dómine, labia mea apéries,
et os meum annuntiábit laudem tuam.

Sacrificíum Deo spíritus contribulátus,
cor contrítum et humiliátum, Deus, non despícies. R̃.

ALLELUIA

Sir. 17, 20

R̃. Allelúia.

Ṽ. Pæniténtibus dedit Deus viam iustítiæ,
et destinávit illis sortem veritátis.

R̃. Allelúia.

EVANGELIUM

*Gaudium est in cælo
super peccatore pænitentiam agente.*

✠ Lécio sancti Evangélii secúndum Lucam

15, 3-7

In illo témpore: Iesus ait parábolam istam, dicens: «Quis ex vobis homo qui habet centum oves, et si perdíderit unam ex illis, nonne dimíttit nonagínta novem in desérto et vadit ad illam quæ perierat donec invéniat illam?

Et cum invénerit eam impónit in úmeros suos gaudens, et véniens domum cónvocat amícos et vicínos, dicens illis: Congratulámini mihi, quia invéni ovem meam quæ perierat.

Dico vobis: Ita gáudium erit in cælo super uno peccatóre pæniténtiam agente quam super nonagínta novem iustis qui non índigent pæniténtia».

Verbum Dómini.

SUPER OBLATA

Clementíssime Deus, qui, vétère hómíne consúmpo,
noyú secúndum cor tuum
in beáto Bernárho creáre dignátus es,
concéde propítius, ut nos páriter renováti,
hanc placatiónis hóstiam tibi acceptábilem offerámus.
Per Christum.

ANT. AD COMMUNIONEM

Mt 16, 24

Si quis vult post me veníre, ábneget semetípsum
et tollat crucem suam et sequátur me.

POST COMMUNIONEM

Dómine Iesu, per beátum Bernárdum
fídei et constántiæ exémplum nobis reliquisti:
concéde propítius, ut sacro convívio refécti,
eius humilitátis et fortitúdinis imitémur vestígia.
Qui vivis et regnas.

Die 14 ianuarii

B. ODORICI DE PORDENONE
presbyteri

ANT. AD INTROITUM

Is. 52, 7

Quam pulchri super montes
pedes annuntiántis et prædicántis pacem,
annuntiántis bonum, prædicántis salútem!

COLLECTA

Deus, qui per beáti Odoríci apostólicam curam
multis Oriéntis pópulis
Evangélii lúmine Ecclésiám tuam amplificásti,
da nobis, eius intercessióne,
in fidei stabilitáte consístere,
et in spe Evangélii, quod prædicávit,
constánter permanére.
Per Dóminum.

LECTIO PRIOR

*Volebamus tradere non solum Evangelium,
sed etiam animas nostras.*

Léctio Epístolæ primæ beáti Pauli apóstoli
ad Thessalonicénses

2, 2b-8

Fratres: Fidúciam habúimus in Deo nostro loqui ad
vos Evangélium Dei in multa sollicitúdine.

Exhortátio enim nostra non ex erróre, neque ex im-
mundítia neque in dolo, sed sicut probáti sumus a Deo ut
crederétur nobis Evangelium, ita lóquimur, non quasi homí-
nibus placéntes, sed Deo qui probat corda nostra.

Neque enim aliquándo fúimus in sermóne adulationis,
sicut scitis, neque sub prætéxtu avarítiæ, Deus testis, nec
quæréntes ab homínibus glóriam, neque a vobis neque ab
aliis, cum possímus óneri esse ut Christi apóstoli, sed facti

sumus párvuli in medio vestrum, tamquam si nutrix fóveat fílios suos, ita desiderántes vos, cúpide volebámus trádere vobis non solum Evangélium Deí, sed etiam ánimas nostras, quóniam caríssimi nobis facti estis.

Verbum Dei.

PSALMUS RESPONSORIUS

Ps. 95, 1-2a. 2b-3. 7-8a. 10 (R̃.: 3)

R̃. Annuntiáte in ómnibus pópulis mirábília Dómini.

Cantáte Dómino cánticum novum,
cantáte Dómino, omnis terra.

Cantáte Dómino, benedícite nómini eius. R̃.

Annuntiáte de die in diem salutáre eius.

Annuntiáte inter gentes glóriam eius,
in ómnibus pópulis mirábília eius. R̃.

Afférte Dómino, famíliæ populórum,
afférte Dómino glóriam et poténtiam,
afférte Dómino glóriam nóminis eius. R̃.

Dícite in géntibus: «Dóminus regnávít».

Etenim corréxit orbem terræ qui non commovébitur;
iudicábit pópulos in æquitáte. R̃.

ALLELUIA

Mt 28, 19a. 20b

R̃. Allelúia.

Ṽ. Eúntes docéte omnes gentes, dicit Dóminus;
ego vobíscum sum ómnibus diebus
usque ad consummationem sáeculi.

R̃. Allelúia.

EVANGELIUM

Euntes in mundum universum, prædicate Evangelium.

✠ Lécio sancti Evangélii secúndum Marcum 16, 15-20

In illo témpore: Appárens Iesus Undecim dixit eis:
«Eúntes in mundum univérsum prædicáte Evangélium omni creatúræ.

Qui credíderit et baptizátus fúerit, salvus erit, qui vero non credíderit, condemnábitur. Signa autem eos qui credíderint hæc sequéntur: in Nómine meo dæmónia eícient, linguis loquéntur novis, serpéntes tollent, et si mortíferum quid bíberint non eos nocébit, super ægrótos manus impónt, et bene habébunt».

Et Dóminus quidem Iesus postquam locútus est eis, assúptus est in cælum et sedit a dextris Dei.

Illi autem profécti prædicavérunt ubíque, Dómino cooperánte et sermónem confirmánte, sequéntibus signis.

Verbum Dómini.

SUPER OBLATA

Réspice quas offérimus hóstias, omnipotens Deus,
in beáti Odoríci commemoratióne, et præsta,
ut, qui domínicæ passiónis mystéria celebrámus,
imitémur quod ágimus.
Per Christum.

ANT. AD COMMUNIONEM

Mc 16, 15; Mt 28, 20

Eúntes in mundum univérsum prædicáte Evangélium:
ego vobíscum sum ómnibus diebus, dicit Dóminus.

POST COMMUNIONEM

Huius mystérii virtúte
confirma, Dómine, fámulos tuos in fide veritátis,
ut eam ubíque ore et ópere confiteántur,
pro qua beátus Odorícus laboráre non déstitit
et vitam suam impéndit.
Per Christum.

Die 16 ianuarii

SS. BERARDI ET SOCIORUM

martyrum

MEMORIA

ANT. AD INTROITUM

Gaudent in cælis animæ Sanctórum,
qui Christi vestígia sunt secúti;
et quia pro eius amóre ságuinem suum fuderunt,
ídeo cum Christo exsúltant sine fine.

COLLECTA

Deus, qui sanctórum mártyrum tuórum
Berárdi et sociórum glorióso certámine
Ordinis Minórum inítia consecrásti,
concéde, ut sicut illi pro te mori non dubitárunť,
ita nos fortes in tua confessióne vívere valeámus.
Per Dóminum.

LECTIO PRIOR

Spectaculum facti sumus mundo et angelis et hominibus.

Léctio Epístolæ primæ beáti Pauli apóstoli
ad Corínthios

4, 9-14

Fratres: Deus nos apóstolos novíssimos osténdit tamquam morti destinátos, quia spectáculum facti sumus mundo et ángelis et homínibus.

Nos stulti propter Christum, vos autem prudéntes in Christo; nos infírmi, vos autem fortes; vos gloriósi, nos autem ignóbiles.

Usque in hanc horam et esurímus et sitímus et nudi sumus et cólaphis cáedimur et instábiles sumus et laborámus operántes mánibus nostris; maledícti benedícimus, persecutióne passí sustinémus, blasphemáti obsecrámus; tamquam purgaménta mundi facti sumus, omnium peripséma, usque adhuc.

Non ut confúndam vos hæc scribo, sed ut, quasi filios
meos caríssimos, móneam.

Verbum Dei.

PSALMUS RESPONSORIUS

Ps. 125

R. Qui sémant in lácrimis, in exsultatióne metent.

In converténdo Dóminus captivitátem Sion,
facti sumus quasi somniántes.

Tunc replétum est gaudio os nostrum,
et lingua nostra exsultatióne. **R.**

Tunc dicébant inter gentes:
«Magnificávit Dóminus fácere cum eis».
Magnificávit Dóminus fácere nobíscum;
facti sumus lætántes. **R.**

Convérte, Dómine, captivitátem nostram,
sicut torréntes in Austro.
Qui sémant in lácrimis,
in exsultatióne metent. **R.**

Eúntes ibant et flebant,
semen spargéndum portántes;
veníentes autem vénient in exsultatióne
portántes manípulos suos. **R.**

ALLELUIA

R. Allelúia.

V. Hæc est vera fraternitas quæ vicit mundi crimina;
Christum secúta est, ínclýta tenens regna cæléstia.

R. Allelúia.

EVANGELIUM

Qui perseveraverit usque in finem hic salvus erit.

✠ Lécio sancti Evangélii secúndum Matthæum 10, 16-22

In illo témpore: Dixit Iesus discíulis suis: «Ecce ego mitto vos sicut oves in medio lupórum; estóte ergo prudéntes sicut serpéntes et símlices sicut colúmbæ.

Cavéte autem ab homínibus; tradent enim vos in concíliis, et in synagógis suis flagellábunt vos; et ad præsides et ad reges ducémini propter me, in testimónium illis et géntibus.

Cum autem tradent vos, nolíte cogitáre quómodo aut quid loquámini; dábitur enim vobis in illa hora quid loquámini. Non enim vos estis qui loquímini sed Spíritus Patris vestri qui lóquitur in vobis.

Tradet autem frater fratrem in mortem, et pater filium; et insúrgent filii in paréntes et morte eos afficient. Et éritis ódio ómnibus propter nomen meum: qui autem perseveráverit in finem, hic salvus erit».

Verbum Dómini.

SUPER OBLATA

Súscipe, sancte Pater, múnera
quæ in sanctórum mártýrum
Berárdi et sociórum commemoratióne deférimus,
et nobis fámulis tuis concéde,
ut in confessióne tui nóminis
inveníri stábiles mereámur.
Per Christum.

ANT. AD COMMUNIONEM

Cfr. Lc 22, 28-30

Vos estis qui permansístis mecum in tentatióibus meis;
et ego dispóno vobis Regnum, dicit Dóminus,
ut edátis et bibátis super mensam meam in Regno meo.

POST COMMUNIONEM

Deus, qui crucis mystérium
in sanctis martýribus tuis
Berádo et sóciis mirábíliter illustrásti,
concéde propítius, ut ex hoc sacrificio roboráti,
Christo fidéliter hæreámus
et in Ecclésia ad salútem ómnium operémur.
Per Christum.

Die 4 februarii

S. IOSEPH DE LEONESSA

presbyteri

ANT. AD INTROITUM

Is. 52, 7

Quam pulchri super montes
pedes annuntiántis et prædicántis pacem,
annuntiántis bonum, prædicántis salutem!

COLLECTA

Deus, qui beátum Ioseph
exímium in Evangélica prædicatione operárium effecísti,
eius quásumus intercessióne concéde,
ut, eódem caritátis igne succénsi,
ánimas quærere, tibíque soli servíre valeámus.
Per Dóminum.

LECTIO PRIOR

Quam pulchri pedes prædicantis pacem.

Léctio Isaíæ prophétæ

Is. 52, 7-10

Quam pulchri super montes pedes annuntiántis et præ-
dicántis pacem, annuntiántis bonum, prædicántis salutem, di-
céntis Sion: Regnabit Deus tuus!

Vox speculatórum tuórum: levavérunt vocem, simul lau-
dábunt, quia óculo ad óculum vidébunt cum convérterit Dó-
minus Sion.

Gaudéte et laudáte simul, déserta Ierúsalem, quia con-
solátus est Dóminus pópulum suum, redémit Ierúsalem.

Parávit Dóminus bráchium sanctum suum in óculis
ómnium géntium, et vidébunt omnes fines terræ salutáre
Dei nostri.

Verbum Dei.

PSALMUS RESPONSORIUS

Ps. 125, 1-5

R. Magnificávit Dóminus fácere nobíscum.

In converténdo Dóminus captivitátem Sion,
facti sumus quasi somniántes.

Tunc replétum est gaudio os nostrum,
et lingua nostra exsultatióne. **R.**

Tunc dicébant inter gentes:

«Magnificávit Dóminus fácere cum eis».

Magnificávit Dóminus fácere nobíscum;
facti sumus lætántes. **R.**

Convérte, Dómine, captivitátem nostram,
sicut torréntes in Austro.

Qui sémant in lácrimis,
in exsultatióne metent. **R.**

ALLELUIA

Mt 22, 14; 10, 37

R. Allelúia.

V. Multi sunt vocáti, pauci vero elécti.

Qui amat patrem aut matrem plus quam me
non est me dignus, dicit Dóminus.

R. Allelúia.

EVANGELIUM

Sequar te quocumque ieris.

✠ Lécio sancti Evangélii secúndum Lucam

9, 57-62

In illo témpore: Ambulántibus Iesu et discípulis suis
in via, dixit quidam ad illum: «Sequar te quocúmque ieris».

Et ait illi Iesus: «Vulpes fóveas habent et vólucres
cæli nidos, Fílius autem hóminis non habet ubi caput reclínet».

Ait autem ad álterum: «Séquere me». Ille autem dixit:
«Dómine, permítte mihi primum ire et sepelíre patrem
meum».

Dixítque ei Iesus: «Sine ut mórtui sepéliant mórtuos
suos, tu autem vade, annúntia Regnum Dei». Et ait alter:

«Sequar te, Dómine: sed primum permítte mihi renuntiáre his qui domi sunt».

Ait ad illum Iesus: «Nemo mittens manum suam in arátrum ét aspiciens retro, aptus est Regno Dei».

Verbum Dómini.

SUPER OBLATA

Réspice quas offérimus hostias, omnípotens Deus,
et præsta ut mystérium domínicæ passiónis,
cuius signa beátus Ioseph in suo corpore expértus est,
corda nostra iúgiter inflámmet.

Per Christum.

ANT. AD COMMUNIONEM

Mc 16, 15; Mt 28, 20

Eúntes in mundum univérsum prædicáte evangélium;
ego vobíscum sum ómnibus diebus, dicit Dóminus.

POST COMMUNIONEM

Huius mystérii virtúte,
confírma Dómine, fámulos tuos in fídei veritáte,
ut eam ubíque ore et ópere confiteántur,
pro qua beátus Ioseph laboráre non déstitit
et vitam suam impéndit.

Per Christum.

Die 6 februarii

SS. PETRI BAPTISTÆ, PAULI MIKI ET SOCIORUM

martyrum

MEMORIA

ANT. AD INTROITUM

Gaudent in cælis ánimæ Sanctórum,
qui Christi vestígia sunt secúti;
et quia pro eius amóre ságuinem suum fuderunt,
ídeo cum Christo exsúltant sine fine.

COLLECTA

Deus, ómnium fortitúdo sanctórum,
qui beátos mártýres
Petrum Baptístam, Paulum eorúmque sócios
per crucem ad vitam vocáre dignátus es,
præsta, quæsumus, ut, eórum intercessióne,
fidem quam profitémur usque ad mortem fórtiter teneámus.
Per Dóminum.

LECTIO PRIOR

Vivo autem, iam non ego; vivit vero in me Christus.

Léctio Epístolæ beáti Pauli apóstoli ad Gálatas 2, 19-20

Fratres: Ego per Legem Legi mórtuus sum ut Deo vivam.

Christo confíxus sum cruci: vivo autem iam non ego, vivit vero in me Christus; quod autem nunc vivo in carne, in fide vivo Fílii Dei, qui diléxit me et trádedit se ipsum pro me.

Verbum Dei.

PSALMUS RESPONSORIUS

Ps. 125

R. Qui séminant in lácrimis in exsultatióne metent.

In converténdo Dóminus captivitátem Sion,
facti sumus quasi somniántes.

Tunc replétum est gáudio os nostrum,
et língua nostra exsultatióne. **R.**

Tunc dicébant inter gentes:

«Magnificávit Dóminus fácere cum eis».

Magnificávit Dóminus fácere nobíscum;
facti sumus lætántes. **R.**

Convérte, Dómine, captivitátem nostram,
sicut torréntes in Austro.

Qui séminant in lácrimis,
in exsultatióne metent. **R.**

Eúntes ibant et flebant,
semen spargéndum portántes;
veniéntes autem venient in exsultatióne
portántes manípulos suos. **R.**

ALLELUIA

Mt 28, 19a. 20b

R. Allelúia.

V. Eúntes docéte omnes gentes, dicit Dóminus;
ego vobíscum sum ómnibus diebus
usque ad consummationem sáculi.

R. Allelúia.

EVANGELIUM

Euntes docete omnes gentes.

✠ Lécio sancti Evangélii secúndum Mattháeum 28, 16-20

In illo témpore: Undecim discípuli abiérunt in Galiléam,
in Montem ubi constitúerat illis Iesus, et vidéntes eum
adoravérunt, quidam autem dubitavérunt.

Et accédens Iesus locútus est eis dicens: «Data est mihi

omnis potestas in cælo et in terra. Eúntes ergo docéte omnes gentes baptizántes eos in Nómine Patris et Fílii et Spíritus Sancti, docéntes eos serváre ómnia quæcúmque mandávi vobis: et ecce ego vobíscum sum ómnibus diébus usque ad consummationem sæculi».

Verbum Dómini.

SUPER OBLATA

Fiat tibi, quæsumus, Dómine,
hostia sacránda placábilis
pretiósí celebritáte martýrii,
quæ et peccáta nostra puríficet
et tuórum tibi vota concíliet famulórum.
Per Christum.

ANT. AD COMMUNIONEM

Lc 22, 28-30

Vos estis qui permansístis mecum in tentatió nibus meis;
et ego dispóno vobis Regnum, dicit Dóminus,
ut edátis et bibátis super mensam meam in Regno meo.

POST COMMUNIONEM

Pane cælésti nutritos
et in Christo unum corpus efféctos,
da nos, quæsumus, Dómine,
ab eius caritáte numquam separári
et sanctórum mártýrum tuórum exémplo,
propter eum qui diléxit nos, ómnia fórtiter superáre.
Per Christum.

Die 7 februarii

S. COLETÆ

virginis

ANT. AD INTROITUM

Gaudeámus et exsultémus
quia Dóminus omnium
diléxit vírginem sanctam atque gloriósam.

COLLECTA

Dómine Deus, qui beátam Colétam
multis virgínibus
evangélicæ perfectiónis exéplum et ducem præposuísti,
da quæsumus, ut spíritus ille seráphicus
quem sapiénter dócuit
et sanctitátis exéplis mirífice confirmávit,
purus in nobis iúgiter persevéret.
Per Dóminum.

LECTIO PRIOR

Virgo cogitat quæ Domini sunt.

Léctio Epístolæ primæ beáti Pauli apóstoli
ad Corínthios

7, 25-35

Fratres: De virgínibus præcéptum Dómini non hábeo, consílium autem do, tamquam misericórdiam consecútus a Dómino ut sim fidélis.

Exístimo ergo hoc bonum esse propter instántem necessitátem, quóniam bonum est hómini sic esse. Alligátus es uxóri? Noli quærere solutióem; solútus es ab uxóre? Noli quærere uxórem. Si autem accéperis uxórem, non peccásti; et si núpserit virgo, non peccávit.

Tribulatióem tamen carnis habébunt huiúsmodi, ego autem vobis parco. Hoc itaque dico, fratres, tempus breviátum est; réliquum est ut et qui habent uxóres tamquam

non habéntes sint, et qui flent tamquam non flentes, et qui gaudent tamquam non gaudéntes, et qui emunt tamquam non possidéntes, et qui utúntur hoc mundo tamquam non abuténtes; præterit enim figúra huius mundi.

Volo autem vos sine sollicitú-dine esse. Qui sine uxóre est sollicitus est quæ Dómini sunt, quómodo pláceat Dómino; qui autem cum uxóre est sollicitus est quæ sunt mundi, quómodo pláceat uxóri, et divísus est.

Et múl-ier innúpta et vír-go cógitat quæ Dómini sunt, ut sit sancta et corpore et spíritu; quæ autem nupta est cógitat quæ sunt mundi, quómodo pláceat viro.

Porro hoc ad utilitátem vestram dico, non ut láqueum vobis iníciam, sed ad honéstum et ad adhæréndum Dómino sine distractió-ne.

Verbum Dei.

PSALMUS RESPONSORIUS

Ps. 44, 11-12. 14-15. 16. (R.: cfr. Mt 25, 6)

R̃. Ecce Sponsus, exíte óbvi-
am ei.

Audi, fí-lia, et vide, et inclína
aurem tuam, et oblivíscere
pópulum tuum et domum
patris tui; et concupíscet
rex spéciem tuam.

Quóniam ipse est dóminus
tuus et adóra eum. R̃.

Gloriós-a nimis fí-lia regis
intrínsecus, textúris áureis
circumamícta.

In vés-tibus variegátis
adducétur regi. R̃.

Vír-gines post eam, próxi-mæ
eius, afferúntur tibi. Afferúntur
in lætítia et exsultatió-ne,
adducúntur in domum regis. R̃.

ALLELUIA

Cfr. Lc 11, 28

R̃. Allelúia.

Ṽ. Beáti qui áudiunt verbum
Dei et custódiunt.

R̃. Allelúia.

EVANGELIUM

*Martha excepit illum in domum suam.
Maria optimam partem elegit.*

✠ Lécio sancti Evangélii secúndum Lucam

10, 38-42

In illo témpore: Intrávit Iesus in quoddam castéllum, et mulier quædam Martha nómine excépit illum.

Et huic erat soror nómine María, quæ etiam sedens secus pedes Dómini audiébat verbum illíus. Martha autem satagébat circa frequens ministérium; quæ stetit et ait: «Dómine, non est tibi curæ quod soror mea relíquit me solam ministráre? Dic ergo illi ut me ádiuvet».

Et respóndens dixit illi Dóminus: «Martha, Martha, sollicita es et turbáris erga plúrima, porro unum est necesárium: María enim óptimam partem elégit, quæ non aufe-rétur ab ea».

Verbum Dómini.

SUPER OBLATA

Dicátæ, quásumus, Dómine, capiámus oblatiónis efféctum,
ut beátæ Colétæ exémplo,
terrénæ vetustátis conversatióne mundáti,
cæléstis vitæ proféctibus innovémur.
Per Christum.

ANT. AD COMMUNIONEM

Cfr. Mt 25, 4. 6

Quinque prudéntes vírgines
accepérunt óleum in vasis cum lampádibus suis.
Média nocte clamor factus est:
Ecce sponsus, exíte óbviám Christo Dómino.

POST COMMUNIONEM

Córpōris et Sāguinis Unigéniti tui sacra percēptio,
Dómine, ab ómnibus nos cadúcis rebus avértat,
ut exémplo beátæ Colétæ
valeámus tui et sincéra in terris caritáte profícere,
et perpétua in cælis visiōne gaudére.
Per Christum.

Die 21 aprilis
S. CONRADI DE PARZHAM
religiosi
MEMORIA

ANT. AD INTROITUM

Lc 11, 9

Pétite et dábitur vobis;
quárite et inveniétis;
pulsáte et aperiétur vobis, dicit Dóminus.

COLLECTA

Miséricors Deus, qui per beátum Conrádum
misericórdiae tuæ iánuam fidélibus patére voluísti,
te súplices exorámus,
ut eius spíritum paupertátis et cordis humilitátem
in servítio fratrum nostrórum prosequámur.
Per Dóminum.

LECTIO PRIOR

Vivo autem, iam non ego; vivit vero in me Christus.

Léctio Epístolæ beáti Pauli apóstoli ad Gálatas

2, 19-20

Fratres: Ego per Legem Legi mórtuus sum ut Deo vi-
vam. Christo confíxus sum cruci: vivo autem iam non ego,
vivit vero in me Christus; quod autem nunc vivo in carne,
in fide vivo Fílii Dei, qui diléxit me et trádidit se ipsum
pro me.

Verbum Dei.

PSALMUS RESPONSORIUS

Ps. 22 (R.: 1)

R. Dóminus pascit me, et nihil mihi déerit.

In páscuis viréntibus me collocávit,
super aquas quiétis edúxit me,
ánimam meam refécit.

Dedúxit me super sémitas iustítiæ propter nomen suum. **R.**

Nam et si ambulávero in valle umbræ mortis,
non timébo mala, quóniam tu mecum es.
Virga tua et báculo tuus
ipsa me consoláta sunt. *R.*

Parásti in conspéctu meo mensam
advérsus eos qui tríbulant me;
impinguásti in óleo caput meum,
et calix meus redúndat. *R.*

Etenim benígnitas et misericórdia subsequéntur me
ómnibus diébus vitæ meæ,
et inhabitábo in domo Dómini
in longitudínem diérum. *R.*

ALLELUIA

Cfr. Mt 6, 19. 21

R. Allelúia.

V. Nolíte thesaurizáre vobis thesáuros in terra,
sed in cælis;
ubi enim est thesáurus tuus, ibi erit et cor tuum.

R. Allelúia.

EVANGELIUM

Qui petit, accipit.

✠ Lécio sancti Evangélii secúndum Lucam

11, 9-13

In illo témpore: Dixit Iesus ad discípulos suos:

«Pétite et dábitur vobis; quærite et inveniétis; pulsáte
et aperiétur vobis. Omnis enim qui petit, áccipit, et qui
quærit, ínvenit, et pulsánti aperiétur.

Quem autem ex vobis patrem fílius petíerit piscem,
numquid pro pisce serpéntem dabit illi? Aut si petíerit ovum,
numquid pórriget illi scorpíonem?

Si ergo vos, cum sitis mali, nostis dona bona dare fíliis
vestris, quanto magis Pater de cælo dabit Spíritum Sanctum
peténtibus se».

Verbum Dómini.

SUPER OBLATA

Múnera nostra, Dómine, deferéntes humíliter deprecámur,
ut intercedénte beáto Conrado,
temporalia nobis colláta præsídia
ad vitam proficiant ætérnam.
Per Christum.

ANT. AD COMMUNIONEM

Mt 11, 29

Tóllite iugum meum super vos et díscite a me,
quia mitis sum et húmilis corde,
et inveniétis réquiem animábus vestris.

POST COMMUNIONEM

In amóre tuo congregáti
et de uníus panis participatióne refécti,
te, Dómine, deprecámur
ut tibi sancta conversatióne placére
et Christi testes fidéles semper éffici mereámur.
Per Christum.

Die 23 aprilis
B. ÆGIDII DE ASSISI
religiosi

ANT. AD INTROITUM

Ps. 91, 13-14

Iustus ut palma florébit,
sicut cedrus Líbani succrésceť.
Plantáťi in domo Dómini,
in átriis Dei nostri florébunt.

COLLECTA

Deus, qui beátum Ægídium
ad excélsæ contemplatiónis vérticem sublimáre dignátus es,
ipsíus intercessióne concéde,
ut actiόνibus nostris in te semper inténti,
pacem quæ exsúperat omnem sensum consequámur.
Per Dóminum.

LECTIO PRIOR

Qui timetis Dominum credite, sperate, diligite.

Léctio libri Sirácidæ

2, 7-13

Metuéntes Dóminum sustinéte misericórdiam eius
et non deflectátis ab illo, ne cadátis.
Qui timétis Dóminum créдите illi,
et non evacuábitur merces vestra.
Qui timétis Dóminum speráte in illum,
et in oblectatióne veniet vobis misericórdia.
Qui timétis Dóminum dilígite illum,
et illuminabúntur corda vestra.
Respícite, filii, natiónes hóminum et scitóte
quia nullus sperávit in Dómino et confúsus est.
Quis enim permánsit in mandátis eius et derelíctus est?
aut quis invocávit eum, et despéxit illum?
Quóniam pius et miséricors est Deus

et remittet in die tribulati6nis peccata
et protector est 6mnibus exquirentibus se in veritate.
Verbum Dei.

PSALMUS RESPONSORIUS

Ps. 15, 1-2a et 5. 7-8. 11 (R.: 5a)

R. Tu es, D6mine, pars hereditatis meae.

Conserva me, Deus, qu6niam speravi in te.

Dixi D6mino: «D6minus meus es tu.

D6minus pars hereditatis meae et calicis mei:

tu es qui detines sortem meam». **R.**

Benedicam D6minum qui tribuit mihi intellectum;

insuper et in noctibus erudi6runt me renes mei.

Propon6bam D6minum in conspectu meo semper,
qu6niam a dextris est mihi, non commov6bor. **R.**

Notas mihi facies vias vitae,

plenitudinem laetitiae cum vultu tuo,

delectati6nes in dextera tua usque in finem. **R.**

ALLELUIA

Mt 5, 3

R. Allel6ia.

V. Beati pauperes sp6ritu,
qu6niam ips6rum est regnum cael6rum.

R. Allel6ia.

EVANGELIUM

*Vos qui reliquistis omnia et secuti estis me,
centuplum accipietis.*

✠ L6ctio sancti Evang6lii sec6ndum Matthaeum 19, 27-29

In illo tempore: Dixit Petrus ad Iesum: «Ecce nos reliquimus 6mnia et secuti sumus te: quid ergo erit nobis?»

Iesus autem dixit illis: «Amen dico vobis quod vos, qui secuti estis me, in regenerati6ne, cum sederit F6lius

hóminis in throno glóriæ suæ, sedébitis et vos super thronos duódecim iudicántes duódecim tribus Israel.

Et omnis qui relíquit domos vel fratres aut soróres aut patrem aut matrem aut filios aut agros propter nomen meum, céntuplum accípiet et vitam ætérrnam possidébit».

Verbum Dómini.

SUPER OBLATA

Hóstias ad altáre tuum offeréntibus, Dómine,
da nobis illum pietátis afféctum
quem beáto Ægídio infudísti,
ut pura mente ac férvído corde rei sacræ attendámus,
et sacrificíum tibi plácitum nobísque profícuum celebrémus.
Per Christum.

ANT. AD COMMUNIONEM

Mt 11, 28

Veníte ad me omnes qui laborátis et oneráti estis,
et ego refíciam vos, dicit Dóminus.

POST COMMUNIONEM

Sacramentórum tuórum, Dómine,
commúnio sumpta nos salvet,
et in tuæ veritátis luce confirmet.
Per Christum.

Die 24 aprilis

S. FIDELIS DE SIGMARINGEN
presbyteri et martyris

FESTUM

ANT. AD INTROITUM

1 Tim. 1, 12

Grátiam hábeo ei qui me confortávit
Christo Iesu Dómino nostro,
quia fidélem me existimávit ponens in ministério.

COLLECTA

Deus, qui beátum Fidélem, amóre tuo succénsum,
in fidei propagatióne martýrii palma decoráre dignátus es,
ipso interveniénte, concéde,
ut, in caritáte fundáti,
cum illo resurrectionis Christi virtútem cognóscere mereámur.
Per Dóminum.

LECTIO PRIOR

*Omnes qui pie volunt vivere in Christo Iesu
persecutionem patientur.*

Léctio Epístolæ secúndæ beáti Pauli apóstoli
ad Timótheum

2, 8-13; 3, 10-12

Caríssime: Memor esto Iesum Christum resuscitátum
esse a mórtuis, ex sémine David, secúndum Evangélium
meum in quo labóro usque ad víncula quasi male óperans,
sed verbum Dei non est alligátum.

Ideo ómnia sustíneo propter eléctos, ut et ipsi salútem
consequántur quæ est in Christo Iesu cum gloria æténa.
Fidélis sermo: nam si commórtui sumus, et convivémus; si
sustinémus, et conregnábimus; si negábimus, et ille negábit
nos; si non crédimus, ille fidélis manet, negáre enim se ipsum
non potest.

Tu autem assecutus es meam doctrinam, institutionem, propositum, fidem, longanimitatem, dilectionem, patientiam, persecutiones, passionem, qualia mihi facta sunt Antiochiæ, Iconii, Lystris, quales persecutiones sustinui; et ex omnibus me eripuit Dominus.

Et omnes qui volunt pie vivere in Christo Iesu persecutionem patientur.

Verbum Dei.

PSALMUS RESPONSORIUS

Ps. 118, 137-144

R. Ignitum eloquium tuum vehementer,
et servus tuus dilexit illud.

Iustus es, Domine,
et rectus in iudiciis tuis.
Mandasti in iustitia testimonia tua,
et in veritate nimis. **R.**

Consumpsit me zelus meus,
quia obliti sunt verba tua inimici mei.
Ignitum eloquium tuum vehementer,
et servus tuus dilexit illud. **R.**

Adulescentulus sum ego et contemptus;
mandata tua non sum oblitus.
Iustitia tua iustitia in æternum,
et lex tua veritas. **R.**

Tribulatio et angustia invenérunt me;
præcepta tua delectatio mea est.
Iustitia testimonia tua in æternum;
intellectum da mihi, et vivam. **R.**

ALLELUIA

Cfr. Apoc. 3, 12

R. Allelúia.

V. Qui vicerit faciam illum columnam in templo Dei mei
et scribam super eum nomen Dei mei.

R. Allelúia.

EVANGELIUM

Bonus pastor animam suam dat pro ovibus suis.

✠ Lécio sancti Evangélii secúndum Ioánnem 10, 11-16

In illo témpore: Dixit Iesus: «Ego sum pastor bonus: bonus pastor ánimam suam ponit pro óvibus; mercenárius et qui non est pastor, cuius non sunt oves própriæ, videt lupum veniéntem et dimíttit oves et fugit — et lupus rapit eas et dispérgit — quia mercenárius est, et non pértinet ad eum de óvibus.

Ego sum pastor bonus: et cognósko meas, et cognóscunt me meæ, sicut novit me Pater, et ego agnósko Patrem: et ánimam meam pono pro óvibus.

Et alias oves hábeo quæ non sunt ex hoc ovíli, et illas opórtet me addúcere, et vocem meam áudient, et fient unus grex, unus pastor».

Verbum Dómini.

SUPER OBLATA

Réspice quas offérimus hostias, omnípotens Deus,
in beáti Fidélis festivitáte,
et præsta, ut qui domínicæ passiónis mystéria celebrámus,
imitémur quod ágimus.
Per Christum.

Præfatio de sanctis Martyribus.

ANT. AD COMMUNIONEM

Apoc. 2, 10

Esto fidélis usque ad mortem,
et dabo tibi corónam vitæ, dicit Dóminus.

POST COMMUNIONEM

Huius mystérii virtúte,
confírma, Dómine, fámulos tuos in fide veritátis,
ut eam ubíque ore et ópere confiteántur,
pro qua beátus Fidélis laboráre non déstitit
et vitam suam impéndit.
Per Christum.

Die 28 aprilis

B. LUCHESII

III ordinis

ANT. AD INTROITUM

Ps. 91, 13-14

Iustus ut palma florébit,
sicut cedrus Líbani multiplicábitur.
Plantáti in domo Dómini,
in átriis Dei nostri florébunt.

COLLECTA

Deus, qui beátum Luchésium, ad pæniténtiam evocatúm,
pietátis et caritátis opéribus clarére fecísti;
da nobis, eius intercessióne et exémplo,
dignos fácere pæniténtiæ fructus,
et bonis opéribus iúgiter abundáre.
Per Dóminum.

LECTIO PRIOR

Si fides non habeat opera, mortua est in semetipsa.

Lectio Epístolæ beáti Iacóbi apóstoli

2, 14-17

Quid próderit, fratres mei, si fidem quis dicat se habére,
ópera autem non hábeat? Numquid póterit fides salváre eum?

Si frater aut soror nudi sunt et índigent victu cotidiáno,
dicat autem áliquis de vobis illis: «Ite in pace, calefacímini
et saturámini», non dedéritis autem eis quæ necessária sunt
córporis, quid próderit?

Sic et fides, si non hábeat ópera, mórtua est in semetípssa.

Verbum Dei.

PSALMUS RESPONSORIUS

Ps. 111, 1-2. 3-4. 5-7a. 7b-8. 9 (R.: 1a)

R̃. Beatus vir qui timet Dóminum.

Beatus vir qui timet Dóminum,
in mandátis eius cupit nimis.

Potens in terra erit semen eius,
generatio rectorum benedicetur. *R.*

Gloria et divitiæ in domo eius,
et iustitia eius manet in sæculum sæculi.
Exortum est in tenebris lumen rectis,
misericors et miserator et iustus. *R.*

Iucundus homo qui miseretur et commodat,
disponet res suas in iudicio,
quia in æternum non commovebitur.
In memoria æterna erit iustus,
ab auditione mala non timebit. *R.*

Paratum cor eius, sperans in Domino,
confirmatum est cor eius, non timebit,
donec despiciat inimicos suos. *R.*

Distribuit, dedit pauperibus;
iustitia eius manet in sæculum sæculi,
cornu eius exaltabitur in gloria. *R.*

ALLELUIA

Cfr. Mt 19, 27. 29

R. Allelúia.

V. Vos qui reliquistis omnia propter Evangelium,
centuplum accipietis, dicit Dominus,
et vitam æternam possidebitis.

R. Allelúia.

EVANGELIUM

Vendit universa quæ habet, et emit agrum illum.

✠ Lectio sancti Evangelii secundum Matthæum 13, 44-46

In illo tempore: Dixit Iesus turbis: «Símile est Regnum cælorum thesauro abscondito in agro, quem qui invenit homo abscondit, et præ gaudio illius vadit et vendit universa quæ habet et emit agrum illum.

Iterum símile est Regnum cælorum homini negotiatori quærenti bonas margaritas.

Invénta autem una pretiósa margaríta, ábiit et véndidit
ómnia quæ hábuit et emit eam».

Verbum Dómini.

SUPER OBLATA

Accépta tibi sint, quæsumus, Dómine,
múnera nostræ servitútis
pro beáti Luchésii commemoratióne altári tuo propósita,
et concéde, ut, a terrénis impediméntis absolúti,
te solo dívites efficiámur.
Per Christum.

ANT. AD COMMUNIONEM

Mt 11, 28

Veníte ad me, omnes qui laborátis et oneráti estis,
et ego reficiam vos, dicit Dóminus.

POST COMMUNIONEM

Sacraménti salutáris, Dómine, pasti delíciis,
tuam súpplíces deprecámur pietátem,
ut, beati Luchésii caritátis imitatóres effécti,
consórtes simus et glóriæ.
Per Christum.

Die 11 maii
S. IGNATII DE LACONI
religiosi

ANT. AD INTROITUM

Cfr. Gen. 12, 2-3

Benedícam tibi et magnificábo nomen tuum,
erísque benedíctus.
Benedícam benedicéntibus tibi
et in te benedicéntur hómines.

COLLECTA

Deus, qui beátum Ignátium
per sémitas humilitátis,
innocéntiæ et caritátis erga fratres
ad sanctitátis fastígium perduxísti,
tribue nobis ut, eius virtútes æmulánte,
in veritáte et ópere
caritátem in terris exercére valeámus.
Per Dóminum.

LECTIO PRIOR

Qui gloriatur, in Domino gloriatur.

Léctio Epístolæ primæ beáti Pauli apóstoli
ad Corínthios

1, 26-31; 2, 1-2

Vidéte vocatióem vestram, fratres, quia non multi sapiéntes secúndum carnem, non multi poténtes, non multi nóbiles; sed quæ stulta sunt mundi elégit Deus ut confúndat sapiéntes, et infírma mundi elégit Deus ut confúndat fortia, et ignobília mundi et contemptibília elégit Deus, quæ non sunt, ut ea quæ sunt destrúeret, ut non gloriétur omnis caro in conspéctu Dei.

Ex ipso autem vos estis in Christo Iesu, qui factus est Sapiéntia nobis a Deo et iustítia et sanctificátió et redémptio,

ut quemádmódum scriptum est: «Qui gloriátur, in Dómino gloriétur».

Et ego cum veníssem ad vos, fratres, veni non per sublimitátem sermónis aut sapiéntiæ annúntians vobis mystérium Dei.

Non enim iudicávi scire me áliquid inter vos nisi Iesum Christum et hunc crucifíxum.

Verbum Dei.

PSALMUS RESPONSORIUS

Ps. 111, 1. 4-7. 9

R. Iucúndus homo qui miserétur et cómmodat.

Beátus vir qui timet Dóminum,
in mandátis eius cupit nimis.

Exórtum est in ténebris lumen rectis,
miséricors et miserátor et iustus. **R.**

Iucúndus homo qui miserétur et cómmodat,
dispónet res suas in iudício,
quia in ætérnum non commovébitur. **R.**

In memória æténa erit iustus,
ab auditióne mala non timébit.
Parátum cor eius, sperans in Dómino. **R.**

Distríbuit, dedit paupéribus.
Iustítia eius manet in sáeculum sáeculi,
cornu eius exaltábitur in glória. **R.**

ALLELUIA

Mt 18, 4

R. Allelúia.

V. Quicúmque humiliáverit se sicut párvulus iste,
hic est máior in Regno cælórum.

R. Allelúia.

EVANGELIUM

Nisi efficiamini sicut parvuli non intrabitis in regnum cælorum.

✠ Lécio sancti Evangélii secúndum Matthæum 18, 1-5

In illa hora accessérunt discípuli ad Iesum dicéntes:
«Quis putas máior est in Regno cælórum?»

Et ádvocans párvulum, státuit eum in médio eórum et dixit: «Amen dico vobis: Nisi convérsi fuéritis et efficiámini sicut párvuli, non intrábitis in Regnum cælórum.

Quicúmque ergo humiliáverit se sicut párvulus iste, hic est máior in Regno cælórum.

Et qui suscéperit unum párvulum talem in Nómine meo, me súscipit».

Verbum Dómini.

SUPER OBLATA

Recoléntes memóriam beáti Ignátii,
nostræ paupertátis dona
super altáre tuum pónimus, Dómine,
supplíciter deprecántes,
ut ea in nostræ salútis
poténter effícias transíre mystérium.
Per Christum.

ANT. AD COMMUNIONEM

Lc 18, 17

Amen dico vobis:

Quicúmque non accéperit Regnum Dei sicut puer,
non intrábit in illud.

POST COMMUNIONEM

Per huius virtútem sacraménti, quæsumus, Dómine,
beáti Ignátii exémplo, deduc nos iúgiter in tua dilectióne,
et opus bonum quod cœpísti in nobis
pérfice usque in diem Christi Iesu.
Qui vivit.

Die 16 maii

S. MARGARITÆ DE CORTONA

MEMORIA

ANT. AD INTROITUM

Sir. 17, 28. 27

Quam magna misericórdia Dómini
et propitiatio illíus converténtibus ad se.
Laudábis Deum et gloriáberis in miseratióibus illíus.

COLLECTA

Deus, qui non vis mortem peccatóris
sed ut magis convertátur et vivat,
concéde propítius, ut sicut fámulam tuam Margarítam
de perditiónis sémita
ad viam salútis misericórditer attraxísti,
ita nos, culpárum vínculis liberáti,
pura tibi mente servíre valeámus.
Per Dóminum.

LECTIO PRIOR

*Cum averterit se impius ab impietate sua,
animam suam vivificabit.*

Léctio libri Ezechiélis prophétæ

18, 21-23. 27-28

Si impius égerit pæniténtiam ab ómnibus peccátis suis
quæ operátus est, et fécerit iudícium et iustítiam, vita vivet
et non moriétur; ómnium iniquitátum eius, quas operátus
est, non recordábor; in iustítia sua, quam operátus est, vivet.

Numquid voluntátis meæ est mors ípii? dicit Dóminus
Deus, et non ut convertátur a viis suis et vivat?

Et, cum avérterit se impius ab impietáte sua, quam ope-
rátus est, et fécerit iudícium et iustítiam, ipse ánimam suam
vivificábit; consíderans enim et avértens se ab ómnibus ini-
quitátibus suis, quas operátus est, vita vivet et non moriétur.

Verbum Dei.

PSALMUS RESPONSORIUS

Ps. 102, 1-2. 3-4. 8-9. 11-12 (R.: 17a)

R. Misericórdia Dómini ab ætérno et usque in ætérnum.

Bénedic, ánima mea, Dómino;
et ómnia quæ intra me sunt, nómini sancto eius.
Bénedic, ánima mea, Dómino,
et noli oblivísci omnes retributiónes eius. **R.**

Qui propitiátur ómnibus iniquitatibus tuis,
qui sanat omnes infirmitátes tuas;
qui rédimit de intéritu vitam tuam,
qui coronat te in misericórdia et miseratióibus. **R.**

Miserátor et miséricors Dóminus,
longánimis et multæ misericórdiæ.
Non in perpétuum conténdet,
neque in ætérnum irascétur. **R.**

Quóniam, quantum exaltátur cælum a terra,
præváluit misericórdia eius super timéntes eum;
quantum distat ortus ab occidénte,
longe fecit a nobis iniquitátes nostras. **R.**

ALLELUIA

Lc 15, 7

R. Allelúia.

V. Gáudium erit in cælo super uno peccatóre
pæniténtiam agente,
quam super nonagínta novem iustis
qui non índigent pæniténtia.

R. Allelúia.

EVANGELIUM

Gaudium est in cælo super peccatore pænitentiam agente.

✠ Lécio sancti Evangélli secúndum Lucam **15, 1-10**

In illo témpore: Erant appropinquátes Iesu omnes publicáni et peccatóres ut audírent illum.

Et murmurábant Pharisæi et scribæ dicéntes: «Hic peccatóres récipit et mandúcat cum illis».

Et ait ad illos parabolam istam dicens: «Quis ex vobis homo qui habet centum oves et si perdiderit unam ex illis, nonne dimittit nonaginta novem in deserto et vadit ad illam quæ perierat donec invéniat illam? Et cum invenerit eam impónit in úmeros suos gaudens, et véniens domum cónvocat amícos et vicínos, dicens illis: Congratulámini mihi, quia invéni ovem meam quæ perierat.

Dico vobis: Ita gáudium erit in cælo super uno peccatóre pæniténtiam agente, quam super nonaginta novem iustis qui non índigent pæniténtia.

Aut quæ múlter habens drachmas decem, si perdiderit drachmam unam, nonne accéndit lucérnam et evérrit domum et quærit diligénter donec invéniat? Et cum invenerit, cónvocat amícas et vicínas dicens: Congratulámini mihi, quia invéni drachmam quam perdíderam.

Ita dico vobis: Gáudium fit coram ángelis Dei super uno peccatóre pæniténtiam agente».

Verbum Dómini.

SUPER OBLATA

Placatiónis hostia quam tibi offérimus, Dómine,
beátæ Margaritæ interveniénte suffrágio,
optátæ nobis indulgéntiæ plenitúdinem elargiátur.
Per Christum.

ANT. AD COMMUNIONEM

Lc 15, 10

Gáudium fit coram ángelis Dei
super uno peccatóre pæniténtiam agente.

POST COMMUNIONEM

Divíni operátio sacraménti, omnípotens Deus,
in hac festivitáte beátæ Margarítæ
illúminet nos páriter et inflámmet,
ut et in sanctis iúgiter desidériis ferveámus
et bonis opéribus abundémus.
Per Christum.

Die 17 maii
S. PASCHALIS BAYLON
religiosi
MEMORIA

ANT. AD INTROITUM

Sir. 47, 9-10

In omni ópere dedit confessiónem Sancto et Excélso
in verbo glóriæ;
de omni corde suo laudávit Dóminum
et diléxit Deum qui fecit illum.

COLLECTA

Deus, qui beátum Paschálem
erga Córporis et Ságuinis Fílii tui sacra mystéria
mirífica dilectióne decorásti,
concéde propítius, ut quam ille
ex hoc divíno convívio spíritus percépit pinguédinem,
eámdem et nos percípere mereámur.
Per Dóminum.

LECTIO PRIOR

Qui gloriatur, in Domino gloriatur.

Léctio Epístolæ primæ beáti Pauli apóstoli
ad Corínthios

1, 26-31

Vidéte vocatióem vestram, fratres, quia non multi sapiéntes secúndum carnem, non multi poténtes, non multi nóbiles; sed quæ stulta sunt mundi elégit Deus ut confúndat sapiéntes, et infírma mundi elégit Deus ut confúndat fortia, et ignobília mundi et contemptibília elégit Deus, quæ non sunt, ut ea quæ sunt destrúeret, ut non gloriétur omnis caro in cospéctu Dei.

Ex ipso autem vos estis in Christo Iesu, qui factus est Sapiéntia nobis a Deo et iustítia et sanctificátio et redémptio,

ut quemádmódum scriptum est: «Qui gloriátur, in Dómino gloriétur».

Verbum Dei.

PSALMUS RESPONSORIUS

Ps. 33, 2-4. 5-6. 7. 9. 10-11 (R.: 9b)

R̃. Beátus vir qui sperat in Dómino.

Benedícam Dóminum in omni témpore,
semper laus eius in ore meo.

In Dómino gloriábitur ánima mea,
áudiant mansuétí et læténtur.

Magnificáte Dóminum mecum,
et exaltémus nomen eius in idípsum. R̃.

Exquisívi Dóminum, et exaudívit me,
et ex ómnibus terróribus meis erípuit me.

Respícite ad eum, et illuminámini,
et fácies vestræ non confundéntur. R̃.

Iste páuper clamávit, et Dóminus exaudívit eum,
et de ómnibus tribulatió nibus eius salvávit eum.

Gustáte et vidéte quóniam suávis est Dóminus;
beátus vir qui sperat in eo. R̃.

Timéte Dóminum sancti eius,
quóniam non est inópia timéntibus eum.

Dívites eguérunt et esuriérunt,
inquiréntes autem Dóminum non defíciant omni bono. R̃.

ALLELUIA

Cfr. Mt 6, 19. 21

R̃. Allelúia.

Ṽ. Nolíte thesaurizáre vobis thesáuros in terra,
sed in cælis;
ubi enim est thesáurus tuus,
ibi erit et cor tuum.

R̃. Allelúia.

EVANGELIUM

Complacuit Patri vestro dare vobis regnum.

✠ Lécio sancti Evangélii secúndum Lucam 12, 32-34

In illo témpore: Dixit Iesus discípulis suis: «Nolíte timére, pusíllus grex, quia complácuít Patri vestro dare vobis Regnum.

Véndite quæ possidéti et date eleemósynam: fácite vobis sácculos, qui non veteréscunt, thesáurum non deficiéntem in cælis, quo fur non apprópiat neque tínea corrúmpit: ubi enim thesáurus vester est, ibi et cor vestrum erit».

Verbum Dómini.

SUPER OBLATA

Hóstias ad altáre tuum offeréntibus, Dómine,
da nobis illum pietátis afféctum
quem beáto Pascháli infudísti,
ut pura mente ac férvído corde rei sacrae attendámus
et sacrificíum tibi plácitum nobisque profícuum celebrémus.
Per Christum.

ANT. AD COMMUNIONEM

Ps. 33, 9

Gustáte et vidéte quóniam suavis est Dóminus;
beátus vir qui sperat in eo.

POST COMMUNIONEM

Sacraménta quæ sumpsimus, Dómine,
in commemoratióne beáti Paschális,
mentes et corda nostra sanctíficent,
ut divínæ consórtes natúrae éffici mereámur.
Per Christum.

Die 18 maii

S. FELICIS DE CANTALICE
religiosi

FESTUM

ANT. AD INTROITUM

Cfr. Col. 1, 12

Cum gáudio grátias ágéntes Patri,
qui idóneos nos fecit
in partem sortis sanctórum in lúmine.

COLLECTA

Deus, qui beátum Felícem
evangélicæ simplicitátis vitæque innocéntiæ exémplum
família Seráphicæ et Ecclésiæ donásti,
præsta nobis, ut eius vestigia sectántes
solum Christum cum gáudio amáre et prósequi studeámus.
Qui tecum vivit.

LECTIO PRIOR

Caritatem habete, quod est vinculum perfectionis.

Léctio Epístolæ beáti Pauli apóstoli ad Colossénses 3, 12-17

Fratres: Indúite vos, sicut elécti Dei, sancti et dilécti, víscera misericórdiæ, benignitátem, humilitátem, mansuetúdinem, patiéntiam, supportántes ínvicem et donántes vobis ipsis si quis advérsus áliquem habet querélam; sicut et Dóminus donávit vobis ita et vos; super ómnia autem hæc caritátem, quod est vínculum perfectiónis.

Et pax Christi dominétur in córdibus vestris, ad quam et vocáti estis in uno córpore; et grati estóte.

Verbum Christi hábitet in vobis abundánter, in omni sapiéntia docéntes et commonéntes vosmetípsos psalmis, hymnis, cánticis spiritalibus, in grátia cantántes in córdibus vestris Deo; et omne quodcúmque fácitis in verbo aut in

ópere, ómnia in Nómine Dómini Iesu, grátias agéntes Deo Patri per ípsum.

Verbum Dei.

PSALMUS RESPONSORIUS

Ps. 15, 1-2a et 5. 7-8. 11 (R.: 5a)

R. Tu es, Dómine, pars hereditátis meæ.

Consérva me, Deus, quóniam sperávi in te.

Dixi Dómino: «Dóminus meus es tu.

Dóminus pars hereditátis meæ et cálicis mei:

tu es qui détines sortem meam». **R.**

Benedícam Dóminum qui tríbuit mihi intelléctum;

ínsuper et in nóctibus erudiérunt me renes mei.

Proponébam Dóminum in conspéctu meo semper,
quóniam a dextris est mihi, non commovébor. **R.**

Notas mihi fácies vias vitæ,

plenitúdinem lætítiæ cum vultu tuo,

delectatiónes in délixtera tua usque in finem. **R.**

ALLELUIA

Mt 5, 3

R. Allelúia.

V. Beáti páuperes spíritu,
quóniam ipsórum est Regnum cælórum.

R. Allelúia.

EVANGELIUM

Quærite primum regnum Dei.

✠ Lécio sancti Evangélii secúndum Lucam 12, 22-31

In illo témpore: Dixit Iesus ad discípulos suos: «Dico vobis: nolíte solliciti esse ánimæ quid manducétis, neque córpori quid vestiámini. Anima enim plus est quam esca et corpus quam vestiméntum.

Consideráte corvos quia non séminant neque metunt, quibus non est cellárium neque hórreum et Deus pascit illos:

quanto magis vos pluris estis volúcribus. Quis autem vestrum cogitádo potest adícere ad ætátem suam cúbitum? Si ergo neque quod mínimum est potéstis, quid de céteris solíciti estis?

Consideráte lilia quómodo crescunt: non labórant, neque nent; dico autem vobis: Nec Sálomon in omni glória sua vestiebátur sicut unum ex istis. Si autem fenum, quod hodie in agro est et cras in clíbanum míttitur, Deus sic vestit, quanto magis vos, pusíllæ fídei.

Et vos nolíte quærere quid manducétis aut quid bibátis, et nolíte solíciti esse; hæc enim ómnia gentes mundi quærunt; Pater autem vester scit quóniam his indigétis.

Verúmtamen quæríte Regnum eius, et hæc adiciéntur vobis».

Verbum Dómini.

SUPER OBLATA

Dona quæ tu nobis elargítus es, Dómine,
super altáre tuum pónimus:
concéde, ut beátum Felícem imitátes
puro et hílari corde tibi servíre valeámus.
Per Christum.

Præfatio de sanctis Religiosis.

ANT. AD COMMUNIONEM

Ps. 21, 27

Edent páuperes, et saturabúntur,
et laudábunt Dóminum qui requírunť eum:
«Vivant corda eórum in sáeculum sáeculi».

POST COMMUNIONEM

Per huius virtútem sacraménti,
concéde nobis quæsumus, Dómine,
ut, exémplo beáti Felícis,
abscónditam cum Christo vitam iúgiter ágere valeámus.
Qui vivit.

Die 20 maii

S. BERNARDINI SENENSIS
presbyteri

FESTUM

ANT. AD INTROITUM

Phil. 2, 10-11

In nómine Iesu omne genu flectátur
cæléstium et terréstrium et infernórum,
et omnis lingua confiteátur:
«Dóminus Iesus Christus!», in glóriam Dei Patris.

COLLECTA

Deus, qui beáto Bernardíno presbýtero
sancti nóminis Iesu amórem exímium tribuísti,
eius méritis precibúsque concéde,
ut spíritus nos semper tuæ dilectiónis accéndat.
Per Dóminum.

LECTIO PRIOR

Non est in alio aliquo salus.

Léctio Actuum Apostolórum

4, 8-12

In diébus illis: Petrus replétus Spíritu Sancto dixit:
«Príncipes pópuli et senióres, si nos hodie diiudicámur in
benefácto hómínis infírmi, in quo iste salvus factus est, notum
sit ómnibus vobis et omni plebi Israel quia in nómine Iesu
Christi Nazaréni, quem vos crucifixístis, quem Deus susci-
távit a mórtuis, in hoc iste astat coram vobis sanus.

Hic est lapis qui reprobátus est a vobis ædificatóribus,
qui factus est in caput ánguli.

Et non est in alio áliquo salus, nec enim nomen áliud
est sub cælo datum in homínibus in quo opórtet nos salvos
fieri».

Verbum Dei.

PSALMUS RESPONSORIUS

Ps. 144, 1-6 (R.: 21)

R. Laudatióem Dómini loquétur os meum.

Exaltábo te, Deus meus rex,
et benedícam nómini tuo
in sáculum et in sáculum sáculi.
Per singulos dies benedícam tibi,
et laudábo nomen tuum
in sáculum et in sáculum sáculi. **R.**

Magnus Dóminus et laudábilis nimis,
et magnitúdinis eius non est investigátio.
Generátio generatióni laudábit ópera tua,
et poténtiam tuam pronuntiábunt. **R.**

Magnificéntiam glóriæ maiestátis tuæ loquéntur,
et mirabília tua enarrábunt.
Et virtútem terribílium tuórum dicent,
et magnitúdinem tuam narrábunt. **R.**

Memóriam abundántiæ suavitátis tuæ eructábunt,
et iustítia tua exsultábunt. **R.**

ALLELUIA

Ps. 5, 12-13

R. Allelúia.

V. Gloriabúntur in te, Dómine, qui díligunt nomen tuum;
quóniam tu benedíces iusto.

R. Allelúia.

EVANGELIUM

Quodcumque petieritis in Nomine meo, hoc faciam.

✠ Lécio sancti Evangélii secúndum Ioánnem 14, 12-17

In illo témpore: Dixit Iesus discípulis suis: «Qui credit in me, ópera quæ ego fácio et ipse fáciat, et maióra horum fáciat, quia ego ad Patrem vado.

Et quodcúmque petiéritis in nómine meo, hoc faciam, ut glorificétur Pater in Fílio: si quid petiéritis me in nómine meo, ego fáciam.

Si diligitis me, mandata mea servabitis; et ego rogabo Patrem et alium Paracletum dabit vobis ut maneat vobiscum in aeternum, Spiritum veritatis, quem mundus non potest accipere, quia non videt eum nec scit: vos cognoscitis eum, quia apud vos manet et in vobis erit».

Verbum Domini.

SUPER OBLATA

Mentes nostras, Domine,
haec oblatio tibi dicanda purificet,
et intercedente beato Bernardino,
sancti nominis tui timorem pariter et amorem
faciat nos habere perpetuum.
Per Christum.

Præfatio de sanctis Religiosis.

ANT. AD COMMUNIONEM

Cfr. Io 17, 6. 17

Domine, manifestavi nomen tuum hominibus;
sanctifica eos in veritate.

POST COMMUNIONEM

Sumptum pignus futurae gloriae
nos, Domine, vivificet semper et muniat,
ut in confessione nominis Iesu adunati in terris,
cum ipso in caelis triumphare mereamur.
Qui tecum vivit et regnat.

Die 24 maii
IN DEDICATIONE
BASILICÆ S.P.N. FRANCISCI, ASSISII

FESTUM

ANT. AD INTROITUM

Apoc. 21, 2

Civitátem sanctam Ierúsalem novam vidi
descendéntem de cælo a Deo,
parátam sicut sponsam ornátam viro suo.

COLLECTA

Deus, qui de vivis et eléctis lapídibus
æternum habitáculum tuæ præparas maiestáti,
múltiplica in Ecclésia tua spíritum gratiæ quam dedísti,
ut, intercedénte beáto Patre Francíscó,
fidélis tibi pópulus
in cæléstis ædificatióem Ierúsalem semper accréscat.
Per Dóminum.

LECTIO PRIOR

Ecce tabernaculum Dei cum hominibus.

Léctio libri Apocalýpsis beáti Ioánnis apóstoli

21, 2-5a

In diébus illis: Ego Ioánnes civitátem sanctam Ierúsalem novam vidi descendéntem de cælo a Deo, parátam sicut sponsam ornátam viro suo.

Et audívi vocem magnam de throno dicéntem: «Ecce tabernáculum Dei cum homínibus, et habitábit cum eis, et ipsi pópuli eius erunt, et ipse Deus cum eis erit, eórum Deus, et abstérget omnem lácrimam ab óculis eórum, et mors ultra non erit, neque luctus neque clamor neque dolor erit ultra: quia prima abiérunt».

Et dixit qui sedébat super throno: «Ecce nova fácio ómnia».

Verbum Dei.

PSALMUS RESPONSORIUS

Ps. 94, 1-2. 3-5. 6-7

R̃. Accedámus in conspéctum Dómini cum láudibus.

Veníte, exsultémus Dómino;
iubilémus Deo salutári nostro.
Præoccupémus fáciem eius in confessióne,
et in psalmis iubilémus ei. **R̃.**

Quóniam Deus magnus Dóminus,
et rex magnus super omnes deos.
Quia in manu eius sunt profúnda terræ,
et altitúdines montium ipsíus sunt. **R̃.**

Quóniam ipsíus est mare, et ipse fecit illud,
et siccam manus eius formavérunt. **R̃.**

Veníte, adorémus et procidámus,
et génua flectámus ante Dóminum qui fecit nos,
quia ipse est Deus noster,
et nos pópulus páscuæ eius et oves manus eius. **R̃.**

ALLELUIA

Apoc. 21, 3

R̃. Allelúia.

V. Ecce tabernáculum Dei cum homínibus,
et habitábit cum eis.

R̃. Allelúia.

EVANGELIUM

Oves meæ vocem meam audiunt.

✠ Lécio sancti Evangélíi secúndum Ioánnem 10, 22-30

Facta sunt Encáenia in Hierosólymis, hiems erat, et ambulábat Iesus in templo in pórticu Salomónis.

Circumdedérunt ergo eum Iudái et dicébant ei: «Quo-úsque ánimam nostram tollis? Si tu es Christus, dic nobis palam».

Respóndit eis Iesus: «Dixi vobis et non créditis; ópera quæ ego fácio in nómine Patris mei, hæc testimónium pérhi-

bent de me. Sed vos non créditis, quia non estis ex óvibus meis.

Oves meæ vocem meam áudiunt, et ego cognósco eas, et sequúntur me, et ego vitam ætérnam do eis, et non períbunt in ætérnum, et non rápiet eas quisquam de manu mea.

Pater meus quod dedit mihi maius ómnibus est, et nemo potest rápere de manu Patris. Ego et Pater unum sumus».

Verbum Dómini.

SUPER OBLATA

Mémores diei quo domum tuam, Dómine,
in honórem beáti Patris Francísci
glória dignátus es ac sanctitáte replére,
nosmetípsos, quáesumus, fac hóstias tibi semper accéptas.
Per Christum.

PRÆFATIO

℣. Dóminus vobíscum.

℞. Et cum spíritu tuo.

℣. Sursum corda.

℞. Habémus ad Dóminum.

℣. Grátias agámus Dómino Deo nostro.

℞. Dignum et iustum est.

Vere dignum et iustum est, æquum et salutáre,
nos tibi semper et ubíque grátias ágere:
Dómine, sancte Pater, omnípotens ætérne Deus:

Qui domum oratiónis muníficus inhabitáre dignáris,
ut, grátia tua perpétuis fovénte subsidiis,
templum Spíritus Sancti ipse nos perfícias,
acceptábilis vitæ splendóre corúscans.

Sed et visibílibus ædifíciis adumbrátam,
Christi sponsam Ecclésiám perénni operatióne sanctíficas,
ut, innumerábili prole mater exsúltans,
in glóriam tuam collocétur in cælis.

Et ídeo, cum Sanctis et Angelis univérsis,
te collaudámus, sine fine dicéntes:

Sanctus, Sanctus, Sanctus Dóminus Deus Sábaoth, **etc.**

ANT. AD COMMUNIONEM

1 Petr. 2, 5

Tamquam lápides vivi ædificámini
domus spiritális in sacerdotium sanctum.

POST COMMUNIONEM

Deus, qui nobis supérnam Ierúsalem
per temporále Ecclésiæ tuæ signum adumbráre voluísti,
da, quæsumus, ut, huius participatióne sacraménti,
nos tuæ grátiae templum effícias,
et habitatiónem glóriæ tuæ íngredi concédas.
Per Christum.

In Basilica S.P.N. Francisci, Assisii, pro partibus Missalis adhibeatur
COMMUNE (A.) *«in ipsa Ecclesia dedicata»*.

Die 28 maii

S. MARIÆ ANNÆ IESU DE PAREDES
virginis

ANT. AD INTROITUM

Veni, sponsa Christi, áccipe corónam
quam tibi Dóminus præparávit in ætérnum.

COLLECTA

Deus, qui inter sáeculi etiam illécebras
beátam Mariám Annam ut lílium inter spinas
virgináli castitáte et iúgi pæniténtia floréscere voluísti,
præsta quæsumus, ut eius méritis et intercessióne,
retrahámur a vítiis et perfectióra sectémur.
Per Dóminum.

LECTIO PRIOR

Qui gloriatur, in Domino gloriatur.

Léctio Epístolæ secúndæ beáti Pauli apóstoli
ad Corínthios

10, 17-18; 11, 1-2

Fratres: Qui gloriátur in Dómino gloriétur; non enim
qui se ipsum comméndat, ille probátus est, sed quem Dómi-
nus comméndat.

Utinam sustinerétis módicum quid insipiéntiæ meæ; sed
et supportáte me.

Aemulor enim vos Dei æmulatióne, despóndi enim vos
uni viro vírginem castam exhibére Christo.

Verbum Dei.

PSALMUS RESPONSORIUS Ps. 148,1-2. 11-13a. 13c-14 (℞.: cfr. 12a. 13a)

℞. Laudem dico tibi, Dómine, cum vita mea.

Laudáte Dóminum de cælis,
laudáte eum, in excélsis.

Laudáte eum, omnes ángeli eius,
laudáte eum, omnes virtútes eius. R̃.

Reges terræ et omnes pópuli,
príncipes et omnes iúdicēs terræ,
iúvenes et vírgines,
senes cum iunióribus
laudent nomen Dómini. R̃.

Conféssio eius super cælum et terram,
et exaltávit cornu pópuli sui.
Hymnus ómnibus sanctis eius,
fíliis Israel, pópulo qui propínquus est ei. R̃.

ALLELUIA

R̃. Allelúia.

Ṽ. Haec est virgo sápiens,
quam Dóminus vigilántem invénit;
veniéntē Dómino, intrávit cum eo ad núptias.

R̃. Allelúia.

EVANGELIUM

Maria optimam partem elegit, quæ non auferetur ab ea.

✠ Lécio sancti Evangélíi secúndum Lucam 10, 38-42

In illo témpore: Intrávit Iesus in quoddam castéllum
et múlíer quædam Martha nómine excépit illum. Et huic
erat soror nómine María, quæ etiam sedens secus pedes
Dómini audiébat verbum illíus.

Martha autem satagébat circa frequens ministérium;
quæ stetit et ait: «Dómine, non est tibi curæ quod soror mea
reliquéit me solam ministráre? Dic ergo illi ut me ádiuvet».

Et respóndens dixit illi Dóminus: «Martha, Martha, sol-
lícita es et turbáris erga plúrima, porro unum est necessárium:
María enim óptimam partem elégit, quæ non auferétur ab ea».

Verbum Dómini.

SUPER OBLATA

Súscipe, Dómine, obséquium humilitátis nostræ
quod tibi in commemoratióne
beátæ Mariæ Annæ vírginis exhibémus,
et nos per immaculátam hóstiam da iúgiter in tuo conspéctu
pio sanctóque amóre flagráre.
Per Christum.

ANT. AD COMMUNIONEM

Cfr. Lc 10, 42

Optimam partem elégit sibi virgo prudens,
quæ non auferétur ab ea.

POST COMMUNIONEM

Cælésti alimónia refécti,
súplices te, Dómine, deprecamur,
ut ab omni labe mundáti,
et córpore tibi placeámus et mente.
Per Christum.



Die 13 iunii

S. ANTONII
DE PADOVA

presbyteri et Eccl. doctoris

FESTUM

ANT. AD INTROITUM

Cfr. Lc 4, 18-19

Spíritus Dómini super me,
propter quod unxit me evangelizáre paupéribus,
misit me sanáre contrítos corde,
prædicáre captívís remissionem et cæcis visum.

COLLECTA

Omnípotens sempitérne Deus, qui pópulo tuo
beátum Antónium prædicatórem insígnem dedísti
eúmque in necessitatibus intercessórem,
concéde ut, eius auxílio,
christiánæ vitæ documenta sectántes,
in ómnibus adversitatibus te subveniéntem sentiámus.
Per Dóminum.

[Tres proponuntur lectiones si ut *Sollemnitas* celebratur; si
uti *Festum*, eligitur prima vel secunda, ad libitum.]

LECTIO PRIMA

Divitias nihil esse duxi in comparatione sapientiæ.

Léctio libri Sapiéntiæ

7, 7-14

Optávi et datus est mihi sensus,
et invocávi, et venit in me spíritus sapiéntiæ;
et præpósui illam regnis et sédibus

et divítias nihil esse duxi in comparatióne illíus.
 Nec comparávi illi lápidem pretiósus;
 quóniam omne aurum
 in comparatióne illíus aréna est exígua,
 et tamquam lutum æstimábitur argéntum in conspéctu illíus.
 Super salútem et spéciem diléxi illam
 et propósui pro luce habére illam,
 quóniam inexstinguíbile est lumen illíus.
 Venérunt autem mihi ómnia bona páriter cum illa,
 et innumerábilis honéstas per manus illíus;
 et lætátus sum in ómnibus,
 quóniam antecedébat me ista sapiéntia,
 et ignorábam quóniam horum ómnium mater est.
 Quam sine fictiÓne dídici et sine invídía commúnico
 et honestátem illíus non abscondo.
 Infinítus enim thesáurus est homínibus;
 quo qui usi sunt partícipes facti sunt amicítiae Dei,
 propter disciplínae dona commendáti.
 Verbum Dei.

PSALMUS RESPONSORIUS

Ps. 39, 3-4. 10-11. 17

R. Annuntiávi veritátem tuam, Dómine.

Státuit Dóminus super petram pedes meos,
 et firmávit gressus meos.

Et immísit in os meum cánticum novum,
 carmen Deo nostro. **R.**

Annuntiávi iustítiam tuam in ecclésia magna;
 ecce lábia mea non prohibébo, Dómine, tu scisti.

Iustítiam tuam non abscondi in corde meo,
 veritátem tuam et salutáre tuum dixi.

Non abscondi misericórdiam tuam
 et veritátem tuam ab ecclésia magna. **R.**

Exsúltent et læténtur in te omnes quæréntes te,
 et dicant semper: «Magnificétur Dóminus»
 qui díligunt salutáre tuum. **R.**

LECTIO SECUNDA

*Veritatem facientes in caritate,
crescamus in Christo per omnia.*

Léctio Epístolæ beāti Pauli apóstoli
ad Ephésios

4, 7. 11-15

Fratres: Unicuïque nostrum data est grátia secúndum mensúram donatiónis Christi. Propter quod dicit: «Ascéndens in altum captívam duxit captivitátem, dedit dona homínibus» — illud autem 'ascéndit' quid est nisi quia et descéndit in inferiôres partes terræ? Qui descéndit ipse est et qui ascéndit super omnes cælos ut impléret ómnia —.

Et ipse dedit quosdam quidem Apóstolos, quosdam autem Prophétas, álios vero Evangelístas, álios autem pastôres et doctôres, ad instructiônem sanctórum in opus ministérii, in ædificatiônem cörperis Christi, donec occurrámus omnes in unitátem fidei et agnitiónis Fílii Dei, in virum perféctum, in mensúram ætátis plenitúdinis Christi, ut iam non simus párvuli, fluctuántes et circumácti omni vento doctrínæ, in fallácia hóminum, in astútia ad circumventiônem erróris; veritátem autem faciéntes in caritáte crescámus in illum per ómnia, qui est caput Christus.

Verbum Dei.

ALLELUIA

Prov. 10, 20-21

R̃. Allelúia.

Ṽ. Argéntum eléctum lingua iusti:
et labia illíus eruditio multórum.

R̃. Allelúia.

EVANGELIUM

Euntes in mundum universum, prædicate Evangelium.

✠ Léctio sancti Evangélíi secúndum Marcum

16, 15-20

In illo témpore: Appárens Iesus Undecim dixit eis:
«Eúntes in mundum univérsum prædicáte Evangélium omni

creatúrae. Qui credíderit et baptizátus fúerit, salvus erit, qui vero non credíderit, condemnábitur.

Signa autem eos qui credíderint hæc sequéntur: in Nómine meo dæmónia eícient, linguis loquéntur novis, serpéntes tollent, et si mortíferum quid bíberint non eos nocébit, super ægrótos manus impónent, et bene habébunt».

Et Dóminus quidem Iesus postquam locútus est eis, assúmptus est in cælum et sedit a dextris Dei.

Illi autem profécti prædicavérunt ubíque, Domino cooperánte et sermónem confirmánte, sequéntibus signis.

Verbum Dómini.

SUPER OBLATA

Illa nos, quæsumus, Dómine, divína tractántes,
Spíritus Sanctus fídei luce perfúndat,
qua beátum Antónium
ad glóriæ tuæ propagatióem iúgiter collustrávit.
Per Christum.

Præfatio de sanctis Pastoribus.

ANT. AD COMMUNIONEM

1 Cor. 1, 23-24

Nos prædicámus Christum crucifíxum,
Christum Dei virtútem et Dei sapiéntiam.

POST COMMUNIONEM

Sacraménta quæ sumpsimus, Dómine Deus noster,
illam nobis fidem innútriant,
quam et apostólica dócuit prædicátio,
et beáti Antónii sollicitúdo custodívit.
Per Christum.

Die 30 iunii

B. RAYMUNDI LLULL

martyris

ANT. AD INTROITUM

Iste Sanctus pro lege Dei sui certávit usque ad mortem,
et a verbis impiórum non tímuit;
fundátus enim erat supra firmam petram.

COLLECTA

Deus, qui beátum Raymúndum mártirem
fídei dilatándæ zelo decorásti;
eius nobis intercessióne concéde,
ut fidem quam tua grátia suscepimus,
ad mortem usque fírmiter teneámus.
Per Dóminum.

LECTIO PRIOR

Quasi morientes, et ecce vivimus.

Léctio Epístolæ secúndæ beáti Pauli apóstoli
ad Corínthios

6, 4-10

Fratres: In ómnibus exhibeámus nosmetípsos sicut Dei
minístros, in multa patiéntia, in tribulatió nibus, in necessitá-
tibus, in angúst iis, in plagis, in cárceribus, in sediti ó nibus, in
labó ribus, in vigí liis, in ieiú niis, in castitáte, in sciéntia, in
longanimitáte, in suavitate, in Spír it u Sancto, in caritáte non
ficta, in verbo veritátis, in virtú te Dei:

per arma iustít iæ a dextris et siní stris, per gló riam et
ignobilitá tem, per infám iam et bonam famam:

ut seductó res et verá ces, sicut qui ignó ti et có gniti, quasi
moriéntes et ecce ví vimus, ut castigá ti et non mortificá ti,
quasi tristes, semper autem gaudéntes, sicut egéntes, multos
autem locupletá ntes, tamquam nihil habéntes et ó mnia pos-
sidéntes.

Verbum Dei.

PSALMUS RESPONSORIUS

Ps. 30, 3cd-4. 6 et 8ab. 16bc-17 (R.: 6a)

R. In manus tuas, Dómine, comméndo spíritum meum.

Esto mihi in rupem præsidii et in domum munitam,
ut salvum me fácias.

Quóniam fortitúdo mea et refúgium meum es tu,
et propter nomen tuum dedúces me et pasces me. **R.**

In manus tuas comméndo spíritum meum;
redemísti me, Dómine, Deus veritátis.
Exsultábo et lætábor in misericórdia tua,
quóniam respexisti humilitátem meam. **R.**

Eripe me de manu inimicórum meórum
et a persecuéntibus me;
illústra faciém tuam super servum tuum,
salvum me fac in misericórdia tua. **R.**

ALLELUIA

Io 12, 24

R. Allelúia.

V. Nisi granum fruménti cadens in terram mórtuum fúerit,
ipsum solum manet;
si autem mórtuum fúerit, multum fructum affert.

R. Allelúia.

EVANGELIUM

*Si granum frumenti mortuum fuerit,
multum fructum affert.*

✠ Lécio sancti Evangélii secúndum Ioánnem 12, 24-26

In illo témpore: Dixit Iesus discíplis suis: «Amen,
amen dico vobis: Nisi granum fruménti cadens in terram
mórtuum fúerit, ipsum solum manet; si áutem mórtuum fúe-
rit, multum fructum affert.

Qui amat ánimam suam, perdit eam, et qui odit ánimam
suam in hoc mundo in vitam ætérrnam custódiet eam.

Si quis mihi minístrat, me sequátur, et ubi sum ego,

illic et miníster meus erit: si quis mihi ministráverit, honorificábit eum Pater».

Verbum Dómini.

SUPER OBLATA

Súscipe, Dómine, hóstias nómini tuo dicátas,
et, beáto Raymúndo intercedénte,
concéde ut, quod illum ad certámen roborávit,
nos páriter in fidei confessióne confirmet.
Per Christum.

ANT. AD COMMUNIONEM

Io 15, 5

Ego sum vitis, vos pálmites, dicit Dóminus:
Qui manet in me, et ego in eo, hic fert fructum multum.

POST COMMUNIONEM

Mensæ cæléstis dulcédine recreáti,
te súpplíces rogámus, omnípotens Deus,
ut, fidéles tui, huius sacraménti virtúte,
in fide et caritáte iúgiter roboréntur.
Per Christum.

Die 8 iulii

BB. GREGORII GRASSI ET SOCIORUM
martyrum

ANT. AD INTROITUM

Gáudent in cælis ánimæ Sanctórum
qui Christi vestígia sunt secúti;
et quia pro eius amóre sánguinem suum fuderunt,
ideo cum Christo exsúltant sine fine.

COLLECTA

Deus, qui omnes hómines vis salvos fieri
et ad agnitióem veritátis veníre,
concéde, quæsumus,
ut, intercedéntibus beátis martýribus tuis
Gregório epíscopo et sóciis,
omnes gentes cognóscant te solum Deum verum
et quem misísti, Iesum Christum,
Fílium tuum Dóminum nostrum.
Quí tecum vivit.

LECTIO PRIOR

Magnum certamen sustinuistis passionum.

Léctio Epístolæ ad Hebræos

10, 32-36

Fratres: Rememorámini prístinos dies, in quibus illumi-
nátí magnum certámen sustinuístis passiónum, in áltero qui-
dem oppróbriis et tribulatióibus spectáculum facti, in áltero
áutem socii táliter conversántium effécti; nam et vinctis com-
pássi estis, et rapínam bonórum vestrórum cum gáudio susce-
pístis, cognoscéntes vos habére meliórem substántiam et ma-
néntem.

Nolíte itaque abícere confidéntiam vestram, quae ma-

gnam habet remuneratióem, paciéntia enim vobis necessariá est, ut voluntátem Dei faciéntes reportétis promissióem.

Verbum Dei.

PSALMUS RESPONSORIUS

Ps. 30, 15-16. 20. 24-25

R̃. Prope est Dóminus ómnibus invocántibus eum.

Ego in te sperávi, Dómine;
dixi: «Deus meus es tu,
in mánibus tuis sortes meæ».
Eripe me de manu inimicórum meórum
et a persecuéntibus me. **R̃.**

Quam magna multitúdo dulcédinis tuæ, Dómine,
quam abscondísti timéntibus te.
Perfecísti eis qui sperant in te,
in conspéctu filiórum hóminum. **R̃.**

Dilígite Dóminum, omnes sancti eius:
fidéles consérvat Dóminus,
et retribuet abundánter faciéntibus supérbiam.
Viríliter ágite, et confortétur cor vestrum,
omnes qui sperátis in Dómino. **R̃.**

ALLELUIA

R̃. Allelúia.

Ṽ. Te Deum laudámuſ, te Dóminum confitémur;
te mártýrum candidátus laudat exércitus.

R̃. Allelúia.

EVANGELIUM

Ne terreamini ab his qui occidunt corpus.

✠ Lécio sancti Evangélli secúndum Lucam

12, 1-9

In illo témpore: Dixit Iesus discíplis suis: «Atténdite
a ferménto Pharisæórum, quod est hypócrisis.

Nihil autem opértum est, quod non revelétur, neque absconditum, quod non sciátur. Quóniam quæ in ténebris dixístis, in lúmine audiéntur, et quod in áurem locúti estis in cubículis, prædicábitur in tectis.

Dico autem vobis amícis meis: Ne terreámini ab his qui occídunt corpus et post hæc non habent ámplius quod fáciant.

Osténdam autem vobis quem timeátis: Timéte eum qui postquam occíderit habet potestátem mittere in gehénnam.

Ita dico vobis: Hunc timéte. Nonne quinque pásseres véneunt dipóndio? Et unus ex illis non est in obliuóne coram Deo. Sed et capílli cápitis vestri omnes numeráti sunt. Nolíte timére, multis passéribus pluris estis.

Dico autem vobis: Omnis quicúmque conféssus fúerit in me coram homínibus, et Fílius hóminis confitébitur in illo coram ángelis Dei: qui autem negáverit me coram homínibus, denegábitur coram ángelis Dei».

Verbum Dómini.

SUPER OBLATA

Súscipe quásumus, Dómine, múnera pópuli tui
in honórem beatórum Gregórii et sociórum mártirum,
et præsta, ut sanctificétur nomen tuum in géntibus
et in omni loco offerátur oblátio munda.
Per Christum.

ANT. AD COMMUNIONEM

Mc 8, 35

Qui perdíderit ánimam suam propter me et evangélium,
salvam eam fáciat, dicit Dóminus.

POST COMMUNIONEM

Redemptiónis nostræ múnere vegetáti, quásumus, Dómine,
ut hoc perpétuæ salútis auxílio
vera inter omnes gentes fides semper proficiat.
Per Christum.

Die 9 iulii

SS. NICOLAI PICK, WILHADI ET SOCIORUM
martyrum

MEMORIA

ANT. AD INTROITUM

Ps. 33, 20-21

Multæ tribulatiónes iustórum,
et de ómnibus his liberábit eos Dóminus.
Custódit ómnia ossa eórum, unum ex his non conterétur.

COLLECTA

Deus, qui sanctórum mártýrum Nicolái, Willhádi et sociórum,
invíctum pro fide certámen æternitátis láurea decorásti,
concéde propítius
ut, eórum fídei constántiam imitántes,
glóriam cum ipsis assequámur ætérrnam.
Per Dóminum.

LECTIO PRIOR

Accipite armaturam Dei ut possitis resistere in die malo.

Léctio Epístolæ beáti Pauli apóstoli
ad Ephésios

6, 10-18

Fratres: Confortámini in Dómino et in poténtia virtútis
eius, indúite armatúram Dei ut possitis stare advérsus insídias
diáboli; quia non est nobis colluctátio advérsus sánguinem et
carnem sed advérsus Principátus, advérsus Potestátes, ad-
vérsus mundi rectóres tenebrárum harum, contra spiritália
nequítiæ in cæléstibus.

Proptérea accípите armatúram Dei, ut possitis resístere
in die malo et, ómnibus perféctis, stare.

State ergo succínti lumbos vestros in veritáte et indúti
lorícam iustítiæ, et calceáti pedes in præparatióne Evangélii

pacis, in ómnibus suméntes scutum fídei, in quo possítis ómnia tela Malígni ígnea extínguere; et gáleam salútis assúmíte, et gládium Spíritus, quod est verbum Dei, per omnem orationem et obsecrationem orántes omni témpore in Spíritu, et in ipso vigilántes in omni instántia et obsecratione pro ómnibus sanctis.

Verbum Dei.

PSALMUS RESPONSORIUS

Ps. 125

R̃. Qui sémant in lácrimis, in exsultatióne metent.

In converténdo Dóminus captivitátem Sion,
facti sumus quasi somniántes.

Tunc replétum est gáudio os nostrum,
et lingua nostra exsultatióne. **R̃.**

Tunc dicébant inter gentes:
«Magnificávit Dóminus fácere cum eis».
Magnificávit Dóminus fácere nobíscum;
facti sumus lætántes. **R̃.**

Convérte, Dómine, captivitátem nostram,
sicut torréntes in Austro.
Qui sémant in lácrimis,
in exsultatióne metent. **R̃.**

Eúntes ibant et flebant,
semen spargéndum portántes;
veníentes áutem vénient in exsultatióne
portántes manípulos suos. **R̃.**

ALLELUIA

R̃. Allelúia.

Ṽ. Hæc est vera fratérnitas quæ vicit mundi crimina:
Christum secúta est, ínclýta tenens regna cæléstia.

R̃. Allelúia.

EVANGELIUM

Diligite inimicos vestros.

✠ Lécio sancti Evangélii secúndum Lucam 6, 22-23. 27-28

In illo témpore: Dixit Iesus discípuľis suis: «Beáti éritis cum vos óderint hómines, et cum separáverint vos et exprobráverint et eiécerint nomen vestrum tamquam malum propter Fílium hóminis: gaudéte in illa die et exsultáte, ecce enim merces vestra multa in cælo; secúndum hæc enim faciébant Prophétis patres eorum.

Sed vobis dico, qui audítis: Dilígite inimícos vestros, bene fácite his qui vos odérunt, benedicíte maledicéntibus vobis, oráte pro calumniántibus vos».

Verbum Dómini.

SUPER OBLATA

Fiat tibi, quæsumus Dómine, hóstia sacránda placábilis
pretiósí celebritáte martýrii,
quæ et peccáta nostra puríficet
et tuórum tibi vota concíliet famulórum.
Per Christum.

ANT. AD COMMUNIONEM

2 Cor. 4, 11

In mortem trádimur propter Iesum,
ut et víta Iesu manifestétur in carne nostra mortáli.

POST COMMUNIONEM

Córpore et Sáanguine Unigéniti tui refécti
humíliter te deprecámur, Dómine,
ut eódem accendámur ardóre
quo sancti mártýres Nicoláus, Wilhádus et socii
vitam tibi in holocáustum obtulérunt.
Per Christum.

Die 10 iulii

S. VERONICÆ GIULIANI

virginis

MEMORIA

ANT. AD INTROITUM

Gal. 6, 14

Mihi absit gloriári,
nisi in cruce Dómini nostri Iesu Christi,
per quem mihi mundus crucifíxus est et ego mundo.

COLLECTA

Deus, qui beátam Verónicam vírginem,
passiónis Fílii tui signis mirábilem effecísti,
da nobis, eius exémplo et intercessióne,
per húmilem crucis ampléxum Christo confórmes fíeri,
ut in eius glóriæ revelatióne exsultémus.
Per Dóminum.

LECTIO PRIOR

Per quem mihi mundus crucifíxus est et ego mundo.

Léctio Epístolæ beáti Pauli apóstoli
ad Gálatas

6, 14-16

Fratres: Mihi absit gloriári, nisi in cruce Dómini nostri Iesu Christi, per quem mihi mundus crucifíxus est et ego mundo.

Neque enim circumcísio áliquid est, neque præpútium, sed nova creatúra.

Et quicúmque hanc régulam secúti fúerint, pax super illos et misericórdia, et super Israel Dei.

Verbum Dei.

PSALMUS RESPONSORIUS Ps. 148, 1-2. 11-13a. 13c-14 (R.: Cfr. 12a 13a)

R̃. In vita mea láudem dicam Dómino.

Laudáte Dóminum de cælis,

laudáte eum, in excélsis.

Laudáte eum, omnes ángeli eius,

laudáte eum, omnes virtútes eius. R̃.

Reges terræ et omnes pópuli,

príncipes et omnes iúdicez terræ,

iúvenes et vírgines,

senes cum iunióribus

láudent nomen Dómini. R̃.

Conféssio eius super cælum et terram,

et exaltávit cornu pópuli sui.

Hymnus ómnibus sanctis eius,

filiis Israel, pópulo qui propínquus est ei. R̃.

ALLELUIA

Io 15, 9b. 5b

R̃. Allelúia.

Ṽ. Manéte in dilectióne mea, dicit Dóminus;

qui manet in me, et ego in eo,

hic fert fructum multum.

R̃. Allelúia.

EVANGELIUM

Qui manet in me, et ego in eo,

hic fert fructum multum.

✠ Lécio sancti Evangélii secúndum Ioánnem

15, 1-8

In illo témpore: Dixit Iesus discipulis suis: «Ego sum vitis vera et Pater meus agrícola est.

Omnem pálmitem in me non feréntem fructum, tollit eum, et omnem qui fert fructum, purgat eum ut fructum plus áfferat.

Iam vos mundi estis propter sermónem quem locúsus sum vobis: manéte in me, et ego in vobis. Sicut palmes non

potest ferre fructum a semetípso nisi mánserit in vite, sic nec vos nisi in me manséritis.

Ego sum vitis, vos pálmities. Qui manet in me, et ego in eo, hic fert fructum multum, quia sine me nihil potéstis fácere.

Si quis in me non mánserit, missus est foras sicut palmes et aruit, et cólligunt eos et in ignem mittunt et ardent. Si manséritis in me et verba mea in vobis mánserint, quodcúmque voluéritis pétite et fiet vobis.

In hoc glorificátus est Pater meus, ut fructum multum afferátis et efficiámini mei discípuli».

Verbum Dómini.

SUPER OBLATA

Dómine Deus, áccipe benígnus múnera
quæ in honórem beátæ Verónicæ offérimus,
et da nobis, mystéria passiónis Filii tui ita recólere,
ut iisdem vita nostra iúgiter conformétur.
Per Christum.

ANT. AD COMMUNIONEM

Mt 16, 24

Si quis vult post me veníre,
ábneget semetípsum et tollat crucem suam et sequátur me,
dicit Dóminus.

POST COMMUNIONEM

Súmptimus, Dómine, divínium sacraméntum,
Passiónis Filii tui memoriále perpétuum;
concéde, quæsumus,
ut Christo fidéliter hæreámus
et in Ecclésia ad salútem ómnium operémur.
Per Christum.

Die 12 iulii

SS. IOANNIS JONES ET IOANNIS WALL

martyrum

ANT. AD INTROITUM

Cfr. Apoc. 12, 11

Isti sunt qui vicérunt propter ságuinem Agni
et non dilexérunt ánimam suam usque ad mortem,
proptérea cum Christo regnant in ætérnum.

COLLECTA

Deus, qui beátos Mártyres
cathólicæ fídei assertóres exímios effecísti,
tríbe quæsumus, ipsis intercedéntibus,
ut cuncti pópuli qui christiáno nómine gloriántur,
ad veræ fídei pervéniant unitátem.
Per Dóminum.

LECTIO PRIOR

*Neque mors neque vita
poterit nos separare a caritate Dei.*

Léctio Epístolæ beáti Pauli apóstoli ad Romános 8, 31b-39

Fratres: Si Deus pro nobis, quis contra nos? Qui Fílio suo non pepércit, sed pro nobis ómnibus trádedit illum, quómo non etiam cum illo ómnia nobis donábit? Quis accusábit advérsus eléctos Dei?

Deus qui iustificat; quis est qui condémnet? Christus Iesus qui mórtuus est, immo qui suscitátus est, qui et est ad dexteram Dei, qui étiam interpéllat pro nobis.

Quis nos separábit a caritáte Christi? Tribulátio an angústia an persecútio an fames an núditas an perículum an gladius? Sicut scriptum est: «Propter te mortificámur tota die, æstimáti sumus ut oves occisiónis». Sed in his ómnibus supervíncimus per eum qui diléxit nos.

Certus sum enim quia neque mors neque vita neque

ángeli neque principátus neque instántia neque futúra neque virtútes neque altitúdo neque profúndum neque ália quælibet creatúra póterit nos separáre a caritáte Dei quæ est in Christo Iesu Dómino nostro.

Verbum Dei.

PSALMUS RESPONSORIUS

Ps. 123, 2-3. 4-5. 7b-8 (R.: 7a)

R̃. Anima nostra sicut passer erépta est de láqueo venántium.

Nisi quia Dóminus erat in nobis,
cum exsúrgerent hómines in nos.
Forte vivos deglutíssent nos,
cum irascerétur furor eórum in nos. R̃.

Fórsitan aqua absorbuísset nos,
torrens pertransísset ánimam nostram,
fórsitan pertransísset ánimam nostram
aquæ intumescéntes. R̃.

Láqueus contrítus est,
et nos erépti sumus.
Adiutórium nostrum in nómine Dómini,
qui fecit cælum et terram. R̃.

ALLELUIA

Io 17, 19

R̃. Allelúia.

Ṽ. Pro eis sanctífico meípsum, dicit Dóminus,
ut sint et ipsi sanctificáti in veritáte.

R̃. Allelúia.

EVANGELIUM

Mundus eos odio habuit.

✠ Léctio sancti Evangélii secúndum Ioánnem 17, 11b-19

In illo témpore: Sublevátis Iesus óculis in cælum, orávit dicens: «Pater sancte, serva eos in Nómine tuo quod dedísti mihi, ut sint unum sicut nos. Cum essem cum eis, ego ser-

vábam eos in Nómine tuo quod dedísti mihi et custodívi, et nemo ex his périit, nisi fílius perditionís, ut Scriptúra impleátur.

Nunc autem ad te vénio, et hæc loquor in mundo ut hábeant gáudium meum implétum in semetípsis. Ego dedi eis sermónem tuum, et mundus ódio eos hábuit, quia non sunt de mundo sicut ego non sum de mundo.

Non rogo ut tollas eos de mundo, sed ut serves eos ex Malo. De mundo non sunt sicut ego non sum de mundo. Sanctífica eos in veritáte: sermo tuus véritas est.

Sicut me misísti in mundum, et ego misi eos in mundum; et pro eis ego sanctífico me ipsum, ut sint et ipsi sanctificáti in veritáte».

Verbum Dómini.

SUPER OBLATA

Múnera ad altáre tuum offeréntes,
te súpplīces deprecámur, benigníssime Dómine,
ut sacrificium Unigéniti tui
quod Mártyres tuos roborávit ad pugnam,
nos páriter in fídei confessióne confírmet.
Per Christum.

ANT. AD COMMUNIONEM

2 Tím. 2, 11-12

Si commórtui sumus cum Christo, et convivémus;
si sustinémus, et conregnábimus.

POST COMMUNIONEM

Consérva in nobis, Dómine, munus tuum
et quod te donánte
pro festivitáte beatórum Mártyrum tuórum percépimus,
et salútem nobis præstet et pacem.
Per Christum.

Die 14 iulii
S. FRANCISCI SOLANO
presbyteri

ANT. AD INTROITUM

Ps. 36, 30-31

Os iusti meditábitur sapiéntiam,
et língua eius loquétur iudícium;
lex Dei eius in corde ipsíus.

COLLECTA

Deus, qui plúrimas Américæ gentes
per beátum Francíscum ad sinum Ecclesiæ perduxísti,
eius méritis et précibus
corda nostra tibi fírmius coniúnge,
et in gentes quæ te non cognovérunt
timórem nóminis tui benígnus immítte.
Per Dóminum.

LECTIO PRIOR

Quam speciosi pedes evangelizantium bona.

Léctio Epístolæ beáti Pauli apóstoli ad Romános 10, 10-18

Fratres: Corde créditur ad iustítiam, ore autem conféssio fit in salútem.

Dicit enim Scriptúra: «Omnis qui credit in illo non confundétur». Non enim est distíctio Iudæi et Græci, nam idem Dóminus ómnium, dives in omnes qui ínvocant illum:

Omnis enim quicúmque invocáverit Nomen Dómini salvus erit. Quómodo ergo invocábunt in quem non credidérunt? Aut quómodo credent ei quem non audiérunt? Quómodo autem áudient sine prædicánte? Quómodo vero prædicábunt nisi mittántur?

Sicut scriptum est: «Quam speciósi pedes evangelizántium bona». Sed non omnes obœdiérunt Evangélio; Isaías enim dicit: «Dómine, quis crédidit auditui nostro?»

Ergo fides ex auditu, auditus autem per verbum Christi. Sed dico, numquid non audiérunt? Quin immo, in omnem terram éxiit sonus eórum, et in fines orbis terræ verba eórum.

Verbum Dei.

PSALMUS RESPONSORIUS

Ps. 111, 2. 3-4. 5-6. 7-8a (R.: 1a)

R/. Beátus vir qui timet Dóminum.

Potens in terra erit semen iusti,
generátio rectórum benedicétur. R/.

Glória et divítiæ in domo eius,
et iustítia eius manet in sáeculum sáeculi.
Exórtum est in ténebris lumen rectis,
miséricors et miserátor et iustus. R/.

Iucúndus homo qui miserétur et cómmodat,
dispónet res suas in iudício,
quia in ætérnum non commovébitur. R/.

In memória æténa erit iustus,
ad auditióne mala non timébit.
Parátum cor eius, sperans in Dómino,
confirmátum est cor eius, non timébit. R/.

ALLELUIA

Mt 10, 32

R/. Allelúia.

V/. Qui confitébitur me coram homínibus,
confitébor et ego eum coram Patre meo.

R/. Allelúia.

EVANGELIUM

Messis quidem multa, operarii autem pauci.

✠ Lécio sancti Evangélii secúndum Lucam

10, 1-9

In illo témpore: Designávit Dóminus álios septuagínta duos, et misit illos binos ante faciem suam in omnem civitátem et locum quo erat ipse ventúrus.

Et dicébat illis: «Mensis quidem multa, operárii autem pauci; rogáte ergo Dóminum messis ut mittat operários in messem suam. Ite: ecce ego mitto vos sicut agnos inter lupos. Nolíte portáre sácculum, neque peram, neque calceaménta, et néminem per viam salutavéritis.

In quamcúmque domum intravéritis, primum dícite: Pax huic dómui. Et si ibi fúerit fílius pacis, requiécet super illam pax vestra; sin autem ad vos revertétur.

In eádem autem domo manéte, edéntes et bibéntes quæ apud illos sunt: dignus enim est operárius mercéde sua. Nolíte transíre de domo in domum.

Et in quamcúmque civitátem intravéritis et suscepérint vos, manducáte quæ apponúntur vobis, et curáte infírmos qui in illa sunt, et dícite illis: Appropinquávit in vos Regnum Dei».

Verbum Dómini.

SUPER OBLATA

Munus quod tibi offérimus,
det nobis, quáesumus, omnípotens Deus,
fídei spei et caritátis augméntum,
et ut mereámur ássequi quod promíttis,
interveniente beáto Francíscó,
fac nos amáre quod præcipis.
Per Christum.

ANT. AD COMMUNIONEM

Ps. 91, 13-14

Iustus ut palma florébit, sicut cedrus Líbani succrésceť.
Plantáťi in domo Dómini,
in átriis Dei nostri florébunt.

POST COMMUNIONEM

Huius mystérii virtúte
confírma, Dómine, fámulos tuos in fide veritátis,
ut eam ubíque ore et ópere confiteántur,
pro qua beátus Francíscus
laboráre non déstitit et vitam suam impéndit.
Per Christum.



Die 15 iulii

S. BONAVENTURÆ
episcopi et Eccl. doctoris

FESTUM

ANT. AD INTROITUM

Sir. 15, 5

In médio Ecclésiæ apérui os eius,
et implévit eum Dóminus spíritu sapiéntiæ et intelléctus;
stolam glóriæ induit eum.

COLLECTA

Da, quæsumus, omnípotens Deus,
ut beáti Bonaventúre episcopi natalícia celebrántes,
et ipsíus proficiámus eruditíone præclára,
et caritátis ardórem iúgiter æmulémur.
Per Dóminum.

[Tres proponuntur lectiones si ut *Sollemnitas* celebratur; si
uti *Festum*, eligitur prima vel secunda, ad libitum.]

LECTIO PRIMA

Sapientia doctrix est disciplinæ Dei.

Léctio libri Sapiéntiæ

8, 2-7. 16-18

Sapiéntiam amávi, et exquisívi a iuventúte mea,
et quæsívi sponsam mihi eam assúmere
et amátor factus sum formæ illíus.

Generositátem illíus gloriícat contubérnium habens Dei;
sed et ómnium Dóminus diléxit illam.

Doctrix enim est disciplínæ Dei et eléctrix óperum illíus.
Et si divítiæ appetúntur in vita,

quid sapiéntia locuplétius, quæ operátur ómnia?
 Si autem sensus operátur,
 quis horum quæ sunt magis quam illa est ártifex?
 Et si iustítiam quis díligit,
 labóres huius magnas habent virtútes;
 sobrietátem enim et prudéntiam docet
 et iustítiam et virtútem,
 quibus útilius nihil est in vita homínibus.
 Intrans in domum meam conquiéscam cum illa;
 non enim habet amaritúdinem conversátio illíus,
 nec tædium convíctus illíus, sed lætítiam et gáudium.
 Hæc cógitans apud me et commémorans in corde meo,
 quóniam immortalitas est in cognatióne sapiéntiæ,
 et in amicitia illíus delectátio bona,
 et in opéribus mánuum illíus honéstas sine defectiÓne,
 et in certámine loquélæ illíus sapiéntia,
 et præcláritas in communicatiÓne sermónum ipsíus,
 circuíbam quærens, ut mihi illam assúmerem.

Verbum Dei.

PSALMUS RESPONSORIUS

Ps. 15, 5-6. 7-8. 9. 11 (R.: 9a)

R. Lætátum est cor meum in Dómino.

Dóminus pars hereditátis meæ et cálicis mei:
 tu es qui détines sortem meam.

Funes cecidérunt mihi in præcláris;
 ínsuper et heréditas mea speciÓsa est mihi. **R.**

Benedícam Dóminum qui tríbuit mihi intelléctum;
 ínsuper et in nóctibus erudiérunt me renes mei.
 Proponébam Dóminum in conspéctu meo semper,
 quóniam a dextris est mihi, non commovébor. **R.**

Propter hoc lætátum est cor meum,
 et exsultavérunt præcórdia mea.
 Notas mihi fácies vias vitæ,
 plenitúdinem lætítiæ cum vultu tuo,
 delectatiÓnes in délixtera tua usque in finem. **R.**

LECTIO SECUNDA

*Prædestinavit Deus sapientiam ante sæcula
in gloriam nostram.*

Lectio Epistolæ primæ beāti Pauli apóstoli
ad Corínthios

2, 6-13

Fratres: Sapiéntiam lóquimur inter perféctos, sapiéntiam vero non huius sæculi neque princípum huius sæculi qui destruúntur, sed lóquimur Dei sapiéntiam in mystério, quæ abscondita est, quam prædestinávit Deus ante sæcula in glóriam nostram; quam nemo princípum huius sæculi cognóvit; si enim cognovissent, numquam Dóminum glóriæ crucifixissent.

Sed sicut scriptum est: «Quod óculus non vidit nec áuris audívit, nec in cor hóminis ascéndit, quæ præparávit Deus his qui díligunt illum».

Nobis áutem revelávit Deus per Spíritum: Spíritus enim ómnia scrutátur, etiam profúnda Dei.

Quis enim scit hóminum quæ sint hóminis, nisi spíritus hóminis qui in ipso est? Ita et quæ Dei sunt nemo cognóvit nisi Spíritus Dei.

Nos autem non spíritum mundi accévimus sed Spíritum qui ex Deo est, ut sciámus quæ a Deo donáta sunt nobis; quæ et lóquimur non in doctis humánæ sapiéntiæ sed in doctis Spíritus verbis, spiritalibus spiritalia comparántes.

Verbum Dei.

ALLELUIA

Dan. 12, 3

R. Allelúia.

V. Qui docti fúerint, fulgébunt quasi splendor firmaménti; et qui ad iustítiam erúdiunt multos, quasi stellæ in perpétuas æternitátes.

R. Allelúia.

EVANGELIUM

Vos estis lux mundi.

✠ Lécio sancti Evangélii secúndum Matthæum 5, 13-19

In illo témpore: Dixit Iesus discíplis suis: «Vos estis sal terræ; quod si sal evanúerit, in quo salíétur? Ad níhilum valet ultra nisi ut mittátur foras et conculcétur ab homínibus.

Vos estis lux mundi. Non potest civitas abscóndi supra montem pósita; neque accéndunt lucérnam et ponunt eam sub modio sed super candelábrum, ut lúceat ómnibus qui in domo sunt. Sic lúceat lux vestra coram homínibus, ut vídeant vestra bona ópera et glórficent Patrem vestrum qui in cælis est.

Nolíte putáre quoniam veni sólvere Legem aut Prophétas: non veni sólvere sed adimplére.

Amen quippe dico vobis: Donec tránseat cælum et terra, ióta unum aut unus apex non præteríbit a Lege donec omnia fiant.

Qui ergo sólverit unum de mandátis istis mínimis et docúerit sic hómines, mínimus vocábitur in Regno cælórum; qui autem fécerit et docúerit, hic magnus vocábitur in Regno cælórum».

Verbum Dómini.

SUPER OBLATA

Réspice quas offérimus hóstias, omnípotens Deus, in beáti Bonaventúre festivitáte, et præsta, ut, qui domínice passiónis mystéria celebrámus, imitémur quod ágimus.
Per Christum.

Præfatio de sanctis Pastoribus.

ANT. AD COMMUNIONEM

Ps. 118, 30. 32

Viam veritátis elégi;
viam mandatórum tuórum curram,
quia dilatásti cor meum.

POST COMMUNIONEM

Cæléstia mystéria quæ sumpsimus, Dómine,
spíritum dilectiónis nobis infúndant,
ut, exémplo sancti Bonaventúráe,
in ómnibus et super ómnia te diligéntes,
ad perféctæ caritátis pátriam perveníre valeámus.
Per Christum.

Die 21 iulii

S. LAURENTII DE BRINDISI
presbyteri et Eccl. doctoris

FESTUM

ANT. AD INTROITUM

Hic est Lauréntius
qui in diébus suis pópulo Dei ádstitit,
mediátor pacis in géntibus et lumen Ecclésiæ.

COLLECTA

Deus, qui pro nóminis tui glória et animárum salúte
beáto Lauréntio presbýtero
spíritum consílii et fortitúdinis contulísti,
da nobis, in eódem spíritu
et agénda cognóscere et cógnita,
eius intercessióne, perfícere.
Per Dóminum.

LECTIO PRIOR

Dominus dedit nobis ministerium reconciliationis.

Léctio Epístolæ secúndæ beáti Pauli apóstoli
ad Corínthios

5, 14-21

Fratres: Cáritas Chrísti urget nos, æstimántes hoc, quóniam si unus pro ómnibus mórtuus est, ergo omnes mórtui sunt; et pro ómnibus mórtuus est ut et qui vivunt iam non sibi vivant, sed ei qui pro ipsis mórtuus est et resurréxit.

Itaque nos ex hoc néminem nóvimus secúndum carnem; et si cognóvimus secúndum carnem Christum, sed nunc iam non nóvimus.

Si quis ergo in Christo, nova creatúra; vétera transiérunt, ecce, facta sunt nova.

Omnia autem ex Deo qui reconciliávit nos sibi per

Christum et dedit nobis ministérium reconciliatiónis, quóniam quidem Deus erat in Christo mundum reconcilians sibi, non reputans illis delicta ipsórum, et pósuit in nobis verbum reconciliatiónis.

Pro Christo ergo legatióne fúngimur tamquam Deo exhortánte per nos: obsecrámus pro Christo, reconciliámini Deo.

Eum qui non nóverat peccátum, pro nobis peccátum fecit, ut nos efficerémur iustítia Dei in ipso.

Verbum Dei.

PSALMUS RESPONSORIUS

Ps. 66, 2-3.5. 6. 8 (R.: 4a)

R. Confiteántur tibi pópuli, Deus.

Deus misereátur nostri, et benedícat nobis;
illúminet vultum suum super nos.

Ut cognoscátur in terra via tua,
in ómnibus géntibus salutáre tuum. **R.**

Læténtur et exsúltent gentes,
quóniam iúdicas pópulos in æquitáte,
et gentes in terra dírigis. **R.**

Confiteántur tibi pópuli, Deus,
confiteántur tibi pópuli omnes;
benedícat nos Deus,
et métuant eum omnes fines terræ. **R.**

ALLELUIA

Cfr. Mt 28, 19-20

R. Allelúia.

V. Ite inter gentes, et docéte eas
serváre ómnia quaecúmque mandávi vobis,
dicit Dóminus.

R. Allelúia.

EVANGELIUM

Misit illos prædicare regnum Dei et sanare infirmos.

✠ Lécio sancti Evangélíi secúndum Lucam 9, 1-6

In illo témpore: Convocátis Duódecim, dedit illis Iesus virtútem et potestátem super ómnia dæmónia et ut languóres curárent, et misit illos prædicáre Regnum Dei et sanáre infirmos, et ait ad illos: «Nihil tuléritis in via, neque virgam neque peram neque panem neque pecúniám, neque duas túnicas habeátis.

Et in quancúmque domum intravéritis, ibi manéte et inde exíte.

Et quicúmque non recéperint vos, exeúntes de civitáte illa púlverem pedum vestrórum excútite in testimónium supra illos».

Egréssi autem circumíbant per castélla evangelizántes et curántes ubíque.

Verbum Dómini.

SUPER OBLATA

Accipe Deus, múnera
quæ in festivitáte beáti Lauréntii offérimus,
et concéde pópulo tuo unitátem in pace.
Per Christum.

Præfatio de sanctis Pastoribus.

ANT. AD COMMUNIONEM

Mc 1, 15

Appropinquávit Regnum Dei:
pænitémini et créдите Evangélio.

POST COMMUNIONEM

Divinitátis tuæ, Dómine,
sempitérna fruitióne satiémur,
quam beátus Lauréntius
in sacro altáris mystério prægustábat.
Per Christum.

ORDO MISSAE

IPSE ENIM IN QUA NOCTE
ACCEPIT PANEM ET
AGENS BENEDIXIT
DISCIPULIS
ACCIPITE ET
EX HOC OMNES
CORPUS

TRADEBATUR,
PATRI GRATIAS
FREGIT, DEDITQUE
SUIS Dicens:
MANDUCATE
HOC EST ENIM
MEUM *



...HOC FACITE IN MEAM *
COMMEMORATIONEM * *

ORDO MISSAE CUM POPULO

RITUS INITIALES

Populo congregato, sacerdos cum ministris ad altare accedit, dum cantus ad introitum peragitur.

Cum ad altare pervenerit, facta cum ministris debita reverentia, osculo altare veneratur et, pro opportunitate, illud incensat. Postea cum ministris sedem petit.

Cantu ad introitum absoluto, sacerdos et fideles, stantes, signant se, dum sacerdos, ad populum conversus, dicit:

In nómine Patris, et Fílii, et Spíritus Sancti.

Populus respondet:

Amen.

Deinde sacerdos, manus extendens, populum salutat, dicens:

Grátia Dómini nostri Iesu Christi, et cáritas Dei, et comunicatio Sancti Spíritus sit cum ómnibus vobis.

vel:

Dóminus vobíscum.

Populus respondet:

Et cum spíritu tuo.

Episcopus, loco Dóminus vobíscum, in hac prima salutatione dicit: **Pax vobis.**

Sacerdos, vel diaconus vel alius minister idoneus, potest brevissimis verbis introducere fideles in Missam illius diei.

Deinde sequitur actus pænitentialis. Sacerdos fideles invitat ad pænitentiam:

Fratres, agnoscámus peccáta nostra, ut apti simus ad sacra mystéria celebránda.

Fit brevis pausa silentii. Postea omnes simul faciunt confessionem:

**Confíteor Deo omnipoténti et vobis, fratres,
quia peccávi nimis
cogitatioe, verbo, ópere et omissioe:**

et, percutientes sibi pectus, dicunt:

mea culpa, mea culpa, mea máxima culpa.

Deinde prosequuntur:

Ideo precor beátam Mariám semper Vírginem,
omnes Angelos et Sanctos,
et vos, fratres, oráre pro me
ad Dóminum Deum nostrum.

Sequitur absolutio sacerdotis:

Misereátur nostri omnípotens Deus
et, dimíssis peccátis nostris,
perducat nos ad vitam ætérnam.

Populus respondet:

Amen.

Aliæ formulæ salutationis et actus pænientialis ad libitum inveniuntur in
Appendice (p. 170).

Sequuntur invocationes Kyrie, eléison, nisi iam præcesserint in aliqua for-
mula actus pænientialis.

℣. Kýrie, eléison.

℟. Kýrie, eléison.

℣. Christe, eléison.

℟. Christe, eléison.

℣. Kýrie, eléison.

℟. Kýrie, eléison.

Deinde, quando præscribitur, cantatur vel dicitur hymnus:

Glória in excélsis Deo
et in terra pax homínibus bonæ voluntátis.
Laudámus te, benedícimus te,
adorámus te, glorificámus te,
grátias ágimus tibi propter magnam glóriam tuam,
Dómine Deus, Rex cæléstis,
Deus Pater omnípotens.
Dómine Fili unigénite, Iesu Christe,
Dómine Deus, Agnus Dei, Fílius Patris,
qui tollis peccáta mundi, miserére nobis;
qui tollis peccáta mundi, súscipe deprecationem nostram.
Qui sedes ad dexteram Patris, misérere nobis.
Quóniam tu solus Sanctus, tu solus Dóminus,
tu solus Altíssimus,
Iesu Christe, cum Sancto Spíritu: in glória Dei Patris.
Amen.

Quo hymno finito, sacerdos, manibus iunctis, dicit:

Orémus.

Et omnes una cum sacerdote per aliquod temporis spatium in silentio orant.

Tunc sacerdos, manibus extensis, dicit orationem; qua finita, populus acclamat:

Amen.

LITURGIA VERBI

Deinde lector ad ambonem pergit, et legit primam lectionem, quam omnes sedentes auscultant. Ad finem lectionis significandam, lector subdit:

Verbum Dómini.

Omnes acclamant:

Deo grátias.

Psalmista, seu cantor, psalmum dicit, populo responsum proferente.

Postea, si habenda sit secunda lectio, lector eam in ambone legit, ut supra.

Ad finem lectionis significandam, lector subdit:

Verbum Dómini.

Omnes acclamant:

Deo grátias.

Sequitur Allelúia, vel alter cantus.

Interim sacerdos incensum, si adhibetur, imponit. Postea diaconus, Evangelium prolaturus, ante sacerdotem inclinatus, benedictionem petit, submissa voce dicens:

Iube, domne, benedícere.

Sacerdos submissa voce dicit:

**Dóminus sit in corde tuo et in lábiis tuis:
ut digne et competénter annúnties Evangélium suum:
in nómine Patris, et Fílii, ✠ et Spíritus Sancti.**

Diaconus respondet:

Amen.

Si vero non adest diaconus, sacerdos ante altare inclinatus secreto dicit:

**Munda cor meum ac lābia mea, omnípotens Deus,
ut sanctum Evangélium tuum digne váleam nuntiáre.**

Postea diaconus, vel sacerdos, ad ambonem pergít, ministris pro oportunitate cum incenso et cereis eum comitantibus, et dicit:

Dóminus vobíscum.

Populus respondet:

Et cum spiritu tuo.

Diaconus, vel sacerdos:

Léctio sancti Evangélii secúndum N.,

et interim signat librum et seipsum in fronte, ore et pectore.

Populus acclamat:

Glória tibi, Dómine.

Deinde diaconus, vel sacerdos, librum, si incensum adhibetur, thurificat, et Evangelium proclamat.

Finito Evangelio, diaconus, vel sacerdos dicit:

Verbum Dómini,

omnibus acclamantibus:

Laus tibi, Christe.

Deinde librum osculatur dicens secreto:

Per evangélica dicta deleántur nostra delícta.

Deinde fit homilia, quæ habenda est omnibus diebus dominicis et festis de præcepto; aliis diebus commendatur.

Homilia expleta, fit, quando præscribitur, professio fidei:

Credo in unum Deum,
Patrem omnipotentem, factorem cæli et terræ,
visibílium ómnium et invisibílium.
Et in unum Dóminum Iesum Christum,
Fílium Dei unigénitum,
et ex Patre natum ante ómnia sæcula.
Deum de Deo, lumen de lumine, Deum verum de Deo vero,
génitum, non factum, consubstantiálem Patri:
per quem ómnia facta sunt.
Qui propter nos hómines et propter nostram salutem
descéndit de cælis.

Ad verba quæ sequuntur, usque ad factus est, omnes se inclinant.

Et incarnátus est de Spíritu Sancto
ex María Vírgine, et homo factus est.
Crucifíxus étiam pro nobis sub Póntio Piláto;
passus et sepúltus est,
et resurréxit tertia die, secúndum Scriptúras
et ascéndit in cælum, sedet ad dexteram Patris.
et íterum ventúrus est cum glória, iudicáre vivos et mórtuos,
cuius regni non erit finis.
Et in Spíritum Sanctum, Dóminum et vivificántem:
qui ex Patre Filióque procedit.
Qui cum Patre et Fílio simul adorátur et conglorificátur:
qui locútus est per prophéas.
Et unam, sanctam, cathólicam et apostólicam Ecclésiám.
Confíteor unum baptísma in remissionem peccatórum.
Et expécto resurrectionem mortuórum,
et vitam ventúri sæculi.
Amen.

Deinde fit oratio universalis, seu oratio fidelium.

LITURGIA EUCHARISTICA

His absolutis, incipit cantus ad offertorium. Interim ministri corporale, purificatorium, calicem et missale in altari collocant.

Expedit ut fideles participationem suam oblatione manifestent, afferendo sive panem et vinum ad Eucharistiæ celebrationem, sive alia dona, quibus necessitatibus Ecclesiæ et pauperum subveniatur.

Sacerdos, stans ad altare, accipit patenam cum pane, eamque aliquantulum elevatam super altare tenet, secreto dicens:

**Benedíctus es, Dómine, Deus univérsi,
quia de tua largitáte accépimus panem,
quem tibi offérimus,
fructum terræ et óperis mánuum hóminum:
ex quo nobis fiet panis vitæ.**

Deinde deponit patenam cum pane super corporale.

Si vero cantus ad offertorium non peragitur, sacerdoti licet hæc verba elata voce proferre; in fine populus acclamare potest:

Benedíctus Deus in sácula.

Diaconus, vel sacerdos, infundit vinum et parum aquæ in calicem, dicens secreto:

**Per huius aquæ et vini mystérium
eius efficiámur divinitátis consórtes,
qui humanitátis nostræ fieri dignátus est párticeps.**

Postea sacerdos accipit calicem, eumque aliquantulum elevatum super altare tenet, secreto dicens:

**Benedíctus es, Dómine, Deus univérsi,
quia de tua largitáte accépimus vinum,
quod tibi offérimus,
fructum vitis et óperis mánuum hóminum,
ex quo nobis fiet potus spiritalís.**

Deinde calicem super corporale deponit.

Si vero cantus ad offertorium non peragitur, sacerdoti licet hæc verba elata voce proferre; in fine populus acclamare potest:

Benedíctus Deus in sácula.

Postea sacerdos, inclinatus, dicit secreto:

In spírítu humilitátis et in ánimo contríto
suscipiámur a te, Dómine;
et sic fiat sacrificium nostrum in conspéctu tuo hódie,
ut pláceat tibi, Dómine Deus.

Et, pro opportunitate, incensat oblata et altare. Postea vero diaconus vel minister incensat sacerdotem et populum.

Deinde sacerdos, stans ad latus altaris, lavat manus, dicens secreto:

Lava me, Dómine, ab iniquitáte mea,
et a peccáto meo munda me.

Stans postea in medio altaris, versus ad populum, extendens et iungens manus, dicit:

Oráte, fratres:
ut meum ac vestrum sacrificium
acceptábile fiat apud Deum Patrem omnipoténtem.

Populus respondet:

Suscípiat Dóminus sacrificium de mánibus tuis
ad laudem et glóriam nóminis sui,
ad utilitátem quoque nostram
totiúsque Ecclésiæ suæ sanctæ.

Deinde, manibus extensis, sacerdos dicit orationem super oblata; qua finita, populus acclamat:

Amen.

PREX EUCHARISTICA

Tunc sacerdos incipit Precem eucharisticam.

Manus extendens, dicit:

Dóminus vobíscum.

Populus respondet:

Et cum spírítu tuo.

Sacerdos, manus elevans, prosequitur:

Sursum corda.

Populus:

Habémus ad Dóminum.

Sacerdos, manibus extensis, subdit:

Grátias agámus Dómino Deo nostro.

Populus:

Dignum et iustum est.

Sacerdos prosequitur præfationem manibus extensis.

In fine autem præfationis iungit manus et, una cum populo, ipsam præfationem concludit, cantans vel clara voce dicens:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

In omnibus Missis licet sacerdoti celebranti illas partes Precis eucharisticæ cantare, quæ in Missis concelebratis cantari possunt.

In Prece eucharistica prima, seu Canone Romano, ea quæ inter parentheses includuntur omitti possunt.

PRÆFATIO DE NATIVITATE DOMINI, II

*De restauratione universa in Incarnatione**Sequens præfatio dicitur in feriis temporis Nativitatis.**℣.* Dóminus vobíscum.*℟.* Et cum spírítu tuo.*℣.* Sursum corda.*℟.* Habémus ad Dóminum.*℣.* Grátias agámus Dómino Deo nostro.*℟.* Dignum et iustum est.

Vere dignum et iustum est, æquum et salutáre,
nos tibi semper et ubíque grátias ágere:
Dómine, sancte Pater, omnípotens ætérne Deus:
per Christum Dóminum nostrum.

Qui, in huius venerándi festivitáte mystérii,
invisíbilis in suis, visíbilis in nostris appáruit,
et ante témpora génitus esse cœpit in témpore;
ut, in se érigens cuncta deiécta,
in íntegrum restitúeret univérsa,
et hóminem pérditum ad cæléstia regna revocáret.

Unde et nos, cum ómnibus Angelis te laudámus,
iucúnda celebratióne clamántes:

Sanctus, Sanctus, Sanctus Dóminus Deus Sábaoth.
Pleni sunt cæli et terra glória tua.
Hosánna in excélsis.
Benedíctus qui venit in nómine Dómini.
Hosánna in excélsis.

PRÆFATIO PASCHALIS, II

De vita nova in Christo

Sequens præfatio dicitur tempore paschali.

℣. Dóminus vobíscum.

℞. Et cum spíritu tuo.

℣. Sursum corda.

℞. Habémus ad Dóminum.

℣. Grátias agámus Dómino Deo nostro.

℞. Dignum et iustum est.

Vere dignum et iustum est, æquum et salutáre:
Te quidem, Dómine, omni témpore confitéri,
sed in hoc potíssimum gloriósius prædicáre,
cum Pascha nostrum immolátus est Christus.

Per quem in ætérnam vitam fílii lucis oriúntur,
et fidélibus regni cæléstis átria reserántur.
Quia mors nostra est eius morte redémpta,
et in eius resurrectione vita ómnium resurrexit.

Quaprópter, profúsis paschálibus gáudiis,
totus in orbe terrárum mundus exsúltat.
Sed et supérnæ virtútes atque angélicæ potestátes
hymnum glóriæ tuæ cóncinunt, sine fine dicéntes:

Sanctus, Sanctus, Sanctus Dóminus Deus Sábaoth.
Pleni sunt cæli et terra glória tua.
Hosánna in excélsis.
Benedíctus qui venit in nómine Dómini.
Hosánna in excélsis.

PRÆFATIO DE ASCENSIONE DOMINI, II

De mysterio Ascensionis

Sequens præfatio dicitur in diebus post Ascensionem usque ad sabbatum ante Pentecosten.

℣. Dóminus vobíscum.

℞. Et cum spíritu tuo.

℣. Sursum corda.

℞. Habémus ad Dóminum.

℣. Grátias agámus Dómino Deo nostro.

℞. Dignum et iustum est.

Vere dignum et iustum est, æquum et salutáre,
nos tibi semper et ubíque grátias ágere:
Dómine, sancte Pater, omnípotens ætérne Deus:
per Christum Dóminum nostrum.

Qui post resurrectiónem suam
óm nibus discipulis suis maniféstus appáruit,
et ipsis cernéntibus est elevátus in cælum,
ut nos divinitátis suæ tribúeret esse partícipes.

Quaprópter, profúsis paschálibus gáudiis,
totus in orbe terrárum mundus exsúltat.
Sed et supérnæ virtútes atque angélicæ potestátes
hymnum glóriæ tuæ cóncinunt, sine fine dicéntes:

Sanctus, Sanctus, Sanctus Dóminus Deus Sábaoth.
Pleni sunt cæli et terra glória tua.
Hosánna in excélsis.
Benedíctus qui venit in nómine Dómini.
Hosánna in excélsis.

PRÆFATIO DE BEATA MARIA VIRGINE, I

De Maternitate B. M. V.

Sequens præfatio dicitur in Missis de B. M. V., addita suo loco mentione festi.

℣. Dóminus vobíscum.

℞. Et cum spíritu tuo.

℣. Sursum corda.

℞. Habémus ad Dóminum.

℣. Grátias agámus Dómino Deo nostro.

℞. Dignum et iustum est.

Vere dignum et iustum est, æquum et salutáre,
nos tibi semper et ubíque grátias ágere:
Dómine, sancte Pater, omnípotens ætérne Deus:

Et te in ★★★ beátæ Mariæ semper Vírginis collaudáre,
benedícere et prædicáre.

Quæ et Unigénitum tuum Sancti Spíritus
obumbratióne concépit,
et, virginitátis glória permanénite,
lumen ætérnum mundo effúdit,
Iesum Christum Dóminum nostrum.

Per quem maiestátem tuam laudant Angeli,
adórant Dominatiónes, tremunt Potestátes.
Cæli cælorúmque Virtútes, ac beáta Séraphim,
sócia exsultatióne concélebrant.
Cum quibus et nostras voces ut admítteri iúbeas, deprecámur,
súpplíci confessióne dicéntes:

Sanctus, Sanctus, Sanctus Dóminus Deus Sábaoth.
Pleni sunt cæli et terra glória tua.
Hosánna in excélsis.
Benedíctus qui venit in nómine Dómini.
Hosánna in excélsis.

PRÆFATIO DE SANCTIS, I

De gloria Sanctorum

Sequens præfatio dicitur in Missis de Sanctis Patronis et Titularibus ecclesiæ, et in sollemnitatibus et festis Sanctorum, nisi præfatio magis propria sit dicenda.

- ℣. Dóminus vobíscum.
℟. Et cum spírítu tuo.
℣. Sursum corda.
℟. Habémus ad Dóminum.
℣. Grátias agámus Dómino Deo nostro.
℟. Dignum et iustum est.

Vere dignum et iustum est, æquum et salutáre,
nos tibi semper et ubíque grátias ágere:
Dómine, sancte Pater, omnípotens ætérne Deus:

Qui in Sanctórum concílio celebráris,
et eórum coronándo mérita tua dona corónas.
Qui nobis eórum conversatióne largíris exémplum,
et communióne consórtium, et intercessióne subsídium;
ut, tantis téstibus confirmáti,
ad propósitum certámen currámus invícti
et immarcescibilem cum eis corónam glóriæ consequámur,
per Christum Dóminum nostrum.

Et ídeo cum Angelis et Archángelis,
cumque múltiplici congregatióne Sanctórum,
hymnum laudis tibi cánimus, sine fine dicétes:

Sanctus, Sanctus, Sanctus Dóminus Deus Sábaoth.
Pleni sunt cæli et terra glória tua.
Hosánna in excélsis.
Benedíctus qui venit in nómine Dómini.
Hosánna in excélsis.

PRÆFATIO DE SANCTIS, II

De actione Sanctorum

Sequens præfatio dicitur in Missis de Sanctis Patronis et Titularibus ecclesiæ, et in sollemnitatibus et festis Sanctorum, nisi præfatio magis propria sit dicenda.

℣. Dóminus vobíscum.

℞. Et cum spíritu tuo.

℣. Sursum corda.

℞. Habémus ad Dóminum.

℣. Grátias agámus Dómino Deo nostro.

℞. Dignum et iustum est.

Vere dignum et iustum est, æquum et salutáre,
nos tibi semper et ubíque grátias ágere:
Dómine, sancte Pater, omnípotens ætérne Deus:
per Christum Dóminum nostrum.

Tu enim Sanctórum tuórum confessióne mirábili
Ecclésiám tuam nova semper virtúte fecúndas,
nobisque certíssima præbes tuæ dilectiónis indícia.
Sed étiam, ad mystéria salutis implénda,
et ipsórum insígni incitámur exémplo
et pia intercessióne perpétuo commendámur.

Unde et nos, Dómine, cum Angelis et Sanctis univérssis
tibi confitémur, in exsultatióne dicéntes:

Sanctus, Sanctus, Sanctus Dóminus Deus Sábaoth.
Pleni sunt cæli et terra glória tua.
Hosánna in excélsis.
Benedíctus qui venit in nómine Dómini.
Hosánna in excélsis.

PRÆFATIO DE SANCTIS MARTYRIBUS

*De signo et exemplo martyrii**Sequens præfatio dicitur in sollemnitatibus et festis Ss. Martyrum.*

℣. Dóminus vobíscum.
℟. Et cum spírítu tuo.
℣. Sursum corda.
℟. Habémus ad Dóminum.
℣. Grátias agámus Dómino Deo nostro.
℟. Dignum et iustum est.

Vere dignum et iustum est, æquum et salutáre,
nos tibi semper et ubíque grátias ágere:
Dómine, sancte Pater, omnípotens ætérne Deus:

Quóniam beáti mártýris **N.** pro confessióne nóminis tui,
ad imitatióem Christi,
sanguis effúsus tua mirabília maniféstat,
quibus pérficis in fragilitáte virtútem,
et vires infírmis ad testimónium róboras,
per Christum Dóminum nostrum.

Et ídeo, cum cælórum Virtútibus,
in terris te iúgiter celebrámus,
maiestáti tuæ sine fine clamántes:

Sanctus, Sanctus, Sanctus Dóminus Deus Sábaoth.
Pleni sunt cæli et terra glória tua.
Hosánna in excélsis.
Benedíctus qui venit in nómine Dómini.
Hosánna in excélsis.

PRÆFATIO DE SANCTIS PASTORIBUS

*De præsentia sanctorum Pastorum in Ecclesia**Sequens præfatio dicitur in sollemnitatibus et festis Ss. Pastorum.**℣.* Dóminus vobíscum.*℟.* Et cum spíritu tuo.*℣.* Sursum corda.*℟.* Habémus ad Dóminum.*℣.* Grátias agámus Dómino Deo nostro.*℟.* Dignum et iustum est.

Vere dignum et iustum est, æquum et salutáre,
nos tibi semper et ubíque grátias ágere:
Dómine, sancte Pater, omnípotens ætérne Deus:
per Christum Dóminum nostrum.

Quia sic tríbuis Ecclésiám tuam sancti *N.* festivitáte gaudére,
ut eam exémplo piæ conversatiónis corróbores,
verbo prædicatiónis erúdias,
gratáque tibi supplicatióne tueáris.

Et ídeo, cum Angelórum atque Sanctórum turba,
hymnum laudis tibi cánimus, sine fine dicéntes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

PRÆFATIO DE SANCTIS VIRGINIBUS ET RELIGIOSIS

De signo vitæ Deo consecratæ

Sequens præfatio dicitur in sollemnitatibus et festis Ss. Virginum et Ss. Religiosorum.

℣. Dóminus vobíscum.

℞. Et cum spírítu tuo.

℣. Sursum corda.

℞. Habémus ad Dóminum.

℣. Grátias agámus Dómino Deo nostro.

℞. Dignum et iustum est.

Vere dignum et iustum est, æquum et salutáre,
nos tibi semper et ubíque grátias ágere:
Dómine, sancte Pater, omnípotens ætérne Deus:

In Sanctis enim, qui Christo se dedicavérunt
propter regnum cælórum,
tuam decet providéntiam celebráre mirábilem,
qua humánam substántiam
et ad primæ oríginiis révocas sanctitátem,
et ad experiénda dona,
quæ in novo sáeculo sunt habénda, perdúcis.

Et ídeo, cum Sanctis et Angelis univérsis,
te collaudámus, sine fine dicéntes:

Sanctus, Sanctus, Sanctus Dóminus Deus Sábaoth.
Pleni sunt cæli et terra glória tua.
Hosánna in excélsis.
Benedíctus qui venit in nómine Dómini.
Hosánna in excélsis.

PRÆFATIO COMMUNIS, I

De universali restauratione in Christo

Sequens præfatio dicitur in Missis, quæ præfatione propria carent.

- ℣. Dóminus vobíscum.
℞. Et cum spíritu tuo.
℣. Sursum corda.
℞. Habémus ad Dóminum.
℣. Grátias agámus Dómino Deo nostro.
℞. Dignum et iustum est.

Vere dignum et iustum est, æquum et salutáre,
nos tibi semper et ubíque grátias ágere:
Dómine, sancte Pater, omnípotens ætérne Deus:
per Christum Dóminum nostrum.

In quo ómnia instauráre tibi complácuit,
et de plenitúdine eius nos omnes accíperere tribuísti.
Cum enim in forma Dei esset, exinanívit semetípsum,
ac per sánguinem crucis suæ pacificávit univérsa;
unde exaltátus est super ómnia
et ómnibus obtemperántibus sibi
factus est causa salútis æternæ.

Et ídeo cum Angelis et Archángelis,
cum Thronis et Dominatió nibus,
cumque omni milítia cæléstis exércitus,
hymnum glóriæ tuæ cánimus,
sine fine dicéntes:

Sanctus, Sanctus, Sanctus Dóminus Deus Sábaoth.
Pleni sunt cæli et terra glória tua.
Hosánna in excélsis.
Benedíctus qui venit in nómine Dómini.
Hosánna in excélsis.

PRÆFATIO COMMUNIS, II

De salute per Christum

Sequens præfatio dicitur in Missis, quæ præfatione propria carent.

℣. Dóminus vobíscum.

℞. Et cum spírítu tuo.

℣. Sursum corda.

℞. Habémus ad Dóminum.

℣. Grátias agámus Dómino Deo nostro.

℞. Dignum et iustum est.

Vere dignum et iustum est, æquum et salutáre,
nos tibi semper et ubíque grátias ágere:
Dómine, sancte Pater, omnípotens ætérne Deus:

Qui bonitáte hóminem condidísti,
ac iustítia damnátum misericórdia redemísti:
per Christum Dóminum nostrum.

Per quem maiestátem tuam laudant Angeli,
adórant Dominatiónes, tremunt Potestátes.
Cæli cælorúmque Virtútes, ac beáta Séraphim,
sócia exsultatióne concélebrant.

Cum quibus et nostras voces ut admítteri iúbeas, deprecámur,
súpplici confessióne dicétes:

Sanctus, Sanctus, Sanctus Dóminus Deus Sábaoth.
Pleni sunt cæli et terra glória tua.
Hosánna in excélsis.
Benedíctus qui venit in nómine Dómini.
Hosánna in excélsis.

PRÆFATIO COMMUNIS, III

*Laudes Deo pro creatione et reformatione hominis**Sequens præfatio dicitur in Missis, quæ præfatione propria carent.**℣.* Dóminus vobíscum.*℟.* Et cum spírítu tuo.*℣.* Sursum corda.*℟.* Habémus ad Dóminum.*℣.* Grátias agámus Dómino Deo nostro.*℟.* Dignum et iustum est.

Vere dignum et iustum est, æquum et salutáre,
nos tibi semper et ubíque grátias ágere:
Dómine, sancte Pater, omnípotens ætérne Deus:

Qui per Fílium dilectiónis tuæ,
sicut cónditor géneris es humáni,
ita benigníssimus reformátor.

Unde mérito tibi cunctæ sérvíunt creatúræ,
te redépti rite colláudant univérsi,
et uno Sancti tui te corde benedícunt.
Quaprópter et nos cum ómnibus te Angelis celebrámus,
iucúnda semper confessióne dicéntes:

Sanctus, Sanctus, Sanctus Dóminus Deus Sábaoth.
Pleni sunt cæli et terra glória tua.
Hosánna in excélsis.
Benedíctus qui venit in nómine Dómini.
Hosánna in excélsis.

PRÆFATIO DEFUNCTORUM, I

Sequens præfatio dicitur in Missis defunctorum.

℣. Dóminus vobíscum.

℞. Et cum spírítu tuo.

℣. Sursum corda.

℞. Habémus ad Dóminum.

℣. Grátias agámus Dómino Deo nostro.

℞. Dignum et iustum est.

Vere dignum et iustum est, æquum et salutáre,
nos tibi semper et ubíque grátias ágere:
Dómine, sancte Pater, omnípotens ætérne Deus:
per Christum Dóminum nostrum.

In quo nobis spes beátæ resurrectionis effúlsit,
ut, quos contrístat certa moriéndi condício,
eósdem consolétur futúrá immortalitátis promissio.
Tuis enim fidélibus, Dómine, vita mutátur, non tóllitur,
et, dissolúta terréstris huius incolátus domo,
ætéRNA in cælis habitátio comparátur.

Et ídeo cum Angelis et Archángelis,
cum Thronis et Dominationíbus,
cumque omni milítia cæléstis exércitus,
hymnum glóriæ tuæ cánimus,
sine fine dicéntes:

Sanctus, Sanctus, Sanctus Dóminus Deus Sábaoth.
Pleni sunt cæli et terra glória tua.
Hosánna in excélsis.
Benedíctus qui venit in nómine Dómini.
Hosánna in excélsis.

PRÆFATIO DEFUNCTORUM, II

Sequens præfatio dicitur in Missis defunctorum.

℣. Dóminus vobíscum.

℟. Et cum spírítu tuo.

℣. Sursum corda.

℟. Habémus ad Dóminum.

℣. Grátias agámus Dómino Deo nostro.

℟. Dignum et iustum est.

Vere dignum et iustum est, æquum et salutáre,
nos tibi semper et ubíque grátias ágere:
Dómine, sancte Pater, omnípotens ætérne Deus:
per Christum Dóminum nostrum.

Ipse enim mortem unus accépit,
ne omnes nos morerémur;
immo unus mori dignátus est,
ut omnes tibi perpétuo viverémus.

Et ídeo, choris angélicis sociáti,
te laudámus in gáudio confiténtes:

Sanctus, Sanctus, Sanctus Dóminus Deus Sábaoth.
Pleni sunt cæli et terra glória tua.
Hosánna in excélsis.
Benedíctus qui venit in nómine Dómini.
Hosánna in excélsis.

PRECES EUCHARISTICAE

* ÆTERNÆ
VITÆ ADITUM
PRÆSTITIT A
MORTUIS *
RESURGENDO

AD PATREM
ASCENDENDO
CÆLESTES
IANUAS
RESERAVIT



* IPSE
NASCENDO
VETUSTATEM
HOMINUM *
RENOVAVIT *

* *
PATIENDO
DELEVIT
NOSTRA PEC-
CATA * *

PREX EUCHARISTICA I
SEU CANON ROMANUS

Sacerdos, manibus extensis, dicit:

Te igitur, clementissime Pater,
per Iesum Christum, Fílium tuum, Dóminum nostrum,
súpplices rogámus ac pétimus,

iungit manus et dicit:

uti accépta hábeas

signat semel super panem et calicem simul, dicens:

et benedícas ✠ hæc dona, hæc múnera,
hæc sancta sacrificia illibáta,

extensis manibus prosequitur:

in primis, quæ tibi offérimus

pro Ecclésia tua sancta cathólica:

quam pacificáre, custodíre, adunáre

et régere dignéris toto orbe terrárum:

una cum fámulo tuo Papa nostro N.

et Antístite nostro N.

et ómnibus orthodoxis atque cathólicæ

et apostólicæ fídei cultóribus.

Commemoratio pro vivis.

Meménto, Dómine, famulórum famularúmque tuárum

N. et N.

Iungit manus et orat aliquantulum pro quibus orare intendit.

Deinde, manibus extensis, prosequitur:

et ómnium circumstántium,

quorum tibi fides cógnita est et nota devótio,

pro quibus tibi offérimus:

vel qui tibi ófferunt hoc sacrificium laudis,

pro se suisque omnibus:
pro redemptione animarum suarum,
pro spe salutis et incolumitatis suæ:
tibi que reddunt vota sua
æterno Deo, vivo et vero.

Infra Actionem.

Communicantes,
et memoriam venerantes,
in primis gloriosæ semper Virginis Mariæ,
Genetricis Dei et Domini nostri Iesu Christi:
† sed et beati Ioseph, eiusdem Virginis Sponsi,
et beatorum Apostolorum ac Martyrum tuorum,
Petri et Pauli, Andréæ,
(Iacobi, Ioannis,
Thomæ, Iacobi, Philippi,
Bartholomæi, Matthæi,
Simónis et Thaddæi:
Lini, Cleti, Clementis, Xysti,
Cornélii, Cypriani,
Lauréntii, Chrysógoni,
Ioannis et Pauli,
Cosmæ et Damiáni)
et omnium Sanctorum tuorum;
quorum méritis precibusque concédas,
ut in omnibus protectionis tuæ muniámur auxílio.
(Per Christum Dóminum nostrum. Amen.)

Manibus extensis, prosequitur:

Hanc igitur oblationem servitutis nostræ,
sed et cunctæ familiæ tuæ,
quæsumus, Dómine, ut placátus accípias:
diésque nostros in tua pace dispónas,

atque ab ætérna damnatióne nos éripi
et in electórum tuórum iúbeas grege numerári.

Iungit manus.

(Per Christum Dóminum nostrum. Amen.)

Tenens manus expansas super oblata, dicit:

Quam oblatiόνem tu, Deus, in ómnibus, quæsumus,
benedíctam, adscríptam, ratam,
rationábilem, acceptabilémque fácere dignéris:
ut nobis Corpus et Sanguis fiat dilectíssimi Fílii tui,
Dómini nostri Iesu Christi.

Iungit manus.

*In formulis quæ sequuntur, verba Domini proferantur distincte
et aperte, prouti natura eorundem verborum requirit.*

Qui, prídíe quam paterétur,

accipit panem,

eumque parum elevatum super altare tenens,

prosequitur:

accépit panem in sanctas ac venerábiles manus suas,
elevat oculos,

et elevátis óculis in cælum

ad te Deum Patrem suum omnipoténtem,

tibi grátias agens benedíxit,

fregit,

dedítque discípulis suis, dicens:

parum se inclinat

ACCÍPITE ET MANDUCÁTE EX HOC OMNES:

HOC EST ENIM CORPUS MEUM,

QUOD PRO VOBIS TRADÉTUR.

*Hostiam consecratam ostendit populo, reponit super patenam, et
genuflexus adorat.*

Postea prosequitur:

Símili modo, postquam cenátum est,
accipit calicem,
eumque parum elevatum super altare tenens,
prosequitur:

accípiens et hunc præclárum cálicem
in sanctas ac venerábiles manus suas,
item tibi grátias agens benedíxit,
dedítque discíplis suis, dicens:
parum se inclinát

ACCÍPITE ET BÍBITE EX EO OMNES:
HIC EST ENIM CALIX SÁNGUINIS MEI
NOVI ET ÆTÉRNA TESTAMÉNTI,
QUI PRO VOBIS ET PRO MULTIS EFFUNDÉTUR
IN REMISSIÓNEM PECCATÓRUM.
HOC FÁCITE IN MEAM COMMEMORATIÓNEM.

Calicem ostendit populo, deponit super corporale, et genuflexus
adorat. Deinde dicit:

Mystérium fídei.

Et populus prosequitur, acclamans:

Mortem tuam annuntiámus, Dómine,
et tuam resurrectionem confitémur, donec vénias.

Aliæ acclamationes, p. 172.

Postea, extensis manibus, sacerdos dicit:

Unde et mémore, Dómine,
nos servi tui,
sed et plebs tua sancta,
eiusdem Christi, Fílii tui, Dómini nostri,
tam beátæ passiónis,
necnon et ab ínferis resurrectionis,
sed et in cælos gloriósæ ascensionis:
offérimus præcláræ maiestáti tuæ

de tuis donis ac datis
hóstiam puram,
hóstiam sanctam,
hóstiam immaculátam,
Panem sanctum vitæ æternæ
et Cálicem salútis perpétuæ.

Supra quæ propítio ac seréno vultu
respícere dignéris:
et accépta habére,
sícuti accépta habére dignátus es
múnera púeri tui iusti Abel,
et sacrificíum Patriárchæ nostri Abrahæ,
et quod tibi óbtulit summus sacérdos tuus
Melchisedech,
sanctum sacrificíum, immaculátam hóstiam.

Inclinatus, iunctis manibus, prosequitur:

Súpplices te rogámus, omnípotens Deus:
iube hæc perférri per manus sancti Angeli tui
in sublíme altáre tuum,
in conspéctu divínæ maiestátis tuæ;
ut, quotquot ex hac altáris participatióne
sacrosáncctum Fílii tui Corpus et Sánguinem
sumpsérimus,

erigit se atque seipsum signat, dicens:
omni benedictióne cælésti et grátia repleámur.

Iungit manus.

(Per Christum Dóminum nostrum. Amen.)

Commemoratio pro defunctis.

Manibus extensis, dicit:

Meménto étiam, Dómine, famulórum famularúmque
tuárum **N.** et **N.**,
qui nos præcessérunt cum signo fídei,
et dórmiunt in somno pacis.

**Iungit manus et orat aliquantulum pro iis defunctis, pro quibus
orare intendit. Deinde, extensis manibus, prosequitur:**

Ipsis, Dómine, et ómnibus in Christo quiescéntibus,
locum refrigerií, lucis et pacis,
ut indúlgeas, deprecámur.

Iungit manus.

(Per Christum Dóminum nostrum. Amen.)

Manu dextera percutit sibi pectus, dicens:

Nobis quoque peccatóribus fámulis tuis,
et extensis manibus prosequitur:
de multitudíne miseratiónum tuárum sperántibus,
partem áliquam et societátem donáre dignéris
cum tuis sanctis Apóstolis et Martyribus:
cum Ioánnē, Stéphano,
Matthía, Bárnaba,
(Ignátio, Alexándro,
Marcellíno, Petro,
Felicítate, Perpétua,
Agatha, Lúcia,
Agnéte, Cæcília, Anastásia)
et ómnibus Sanctis tuis:
intra quorum nos consórtium,
non æstimátor mériti, sed véniaē,
quæsumus, largítor admítte.

Iungit manus et prosequitur:

Per Christum Dóminum nostrum,
per quem hæc ómnia, Dómine,
semper bona creas, sanctíficas, vivíficas, benedícis,
et præstas nobis.

Accipit patenam cum hostia et calicem, et utrumque elevans, dicit:

Per ipsum, et cum ipso, et in ipso,
est tibi Deo Patri omnipoténti,
in unitáte Spíritus Sancti,
omnis honor et glória
per ómnia sæcula sæculórum.

Populus acclamat: Amen.

Deinde sequitur ritus communionis, p. 157.

PREX EUCHARISTICA II

℣. Dóminus vobíscum.

℟. Et cum spírítu tuo.

℣. Sursum corda.

℟. Habémus ad Dóminum.

℣. Grátias agámus Dómino Deo nostro.

℟. Dignum et iustum est.

Vere dignum et iustum est, æquum et salutáre,
nos tibi, sancte Pater, semper et ubíque

grátias ágere

per Fílium dilectiόνis tuæ Iesum Christum,

Verbum tuum per quod cuncta fecísti:

quem misísti nobis Salvatórem et Redemptórem,
incarnátum de Spírítu Sancto et ex Vírgine natum.

Qui voluntátem tuam adímplens

et pópulum tibi sanctum acquírens

exténdit manus cum paterétur,

ut mortem sólveret et resurrectionem manifestáret.

Et ídeo cum Angelis et ómnibus Sanctis

glóriam tuam prædicámus, una voce dicétes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

Sacerdos, manibus extensis, dicit:

Vere Sanctus es, Dómine, fons omnis sanctitátis.

Iungit manus, easque expansas super oblata tenens, dicit:

Hæc ergo dona, quæsumus,

Spíritus tui rore sanctífica,

iungit manus

et signat semel super panem et calicem simul, dicens:

ut nobis Corpus et ☩ Sanguis fiant

Dómini nostri Iesu Christi.

Iungit manus.

In formulis quæ sequuntur, verba Domini proferantur distincte et aperte, prouti natura eorundem verborum requirit.

Qui cum Passiáni voluntárie traderétur,

accipit panem,

eumque parum elevatum super altare tenens,

prosequitur:

accépit panem et grátias agens fregit,

dedítque discíplis suis, dicens:

parum se inclinát

ACCÍPITE ET MANDUCÁTE EX HOC OMNES:

HOC EST ENIM CORPUS MEUM,

QUOD PRO VOBIS TRADÉTUR.

Hostiam consecratam ostendit populo, reponit super patenam, et genuflexus adorat. Postea prosequitur:

Símili modo, postquam cenátum est,

accipit calicem,

eumque parum elevatum super altare tenens,

prosequitur:

accípiens et cálicem,

íterum grátias agens dedit discíplis suis, dicens:

parum se inclinát

ACCÍPITE ET BÍBITE EX EO OMNES:
HIC EST ENIM CALIX SÁNGUINIS MEI
NOVI ET ÆTÉRNAI TESTAMÉNTI,
QUI PRO VOBIS ET PRO MULTIS EFFUNDÉTUR
IN REMISSIÓNEM PECCATÓRUM.
HOC FÁCITE IN MEAM COMMEMORATIÓNEM.

Calicem ostendit populo, deponit super corporale, et genuflexus
adorat. Deinde dicit:

Mystérium fidei.

Et populus prosequitur, acclamans:

Mortem tuam annuntiámus, Dómine,
et tuam resurrectionem confitémur, donec vénias.

Aliæ acclamationes, p. 172.

Deinde sacerdos, extensis manibus, dicit:

Mémores ígitur mortis et resurrectionis eius,
tibi, Dómine, panem vitæ
et cálicem salutis offérimus,
grátias ágéntes, quia nos dignos habuísti
astáre coram te et tibi ministráre.

Et súpplíces deprecámur,
ut Córporis et SÁnguínis Christi partícipes
a Spírítu Sancto congregémur in unum.

Recordáre, Dómine, Ecclésiæ tuæ toto orbe diffúsæ,
ut eam in caritáte perfícias
una cum Papa nostro **N.** et Epíscopo nostro **N.**
et univérso clero.

In Missis pro defunctis addi potest:

Meménto fámuli tui (fámulæ tuæ) N.,
quem (quam) (hódie) ad te ex hoc mundo vocásti.
Concéde, ut, qui (quæ) complantátus (complantáta)
fuit similitúdini mortis Filii tui,
simul fiat et resurrectionis ipsíus.

Meménto étiam fratrum nostrórum,
qui in spe resurrectionis dormiérunt,
omniúmque in tua miseratione defunctórum,
et eos in lumen vultus tui admítte.

Omnium nostrum, quæsumus, miserére,
ut cum beáta Dei Genetríce Vírgine María,
beátis Apóstolis et ómnibus Sanctis,
qui tibi a sæculo placuérunt,
ætérnæ vitæ mereámur esse consórtes,
et te laudémus et glorificémus

iungit manus

per Fílium tuum Iesum Christum.

Accipit patenam cum hostia et calicem, et utrumque elevans, dicit:

Per ipsum, et cum ipso, et in ipso,
est tibi Deo Patri omnipoténti,
in unitáte Spíritus Sancti,
omnis honor et glória
per ómnia sæcula sæculórum.

Populus acclamat: Amen.

Deinde sequitur ritus communionis, p. 157.

PREX EUCHARISTICA III

Sacerdos, manibus extensis, dicit:

Vere Sanctus es, Dómine,
et mérito te laudat omnis a te cóndita creatúra,
quia per Fílium tuum,
Dóminum nostrum Iesum Christum,
Spíritus Sancti operánte virtúte,
vivíficas et sanctíficas univérsa,
et pópulum tibi congregáre non désinis,
ut a solis ortu usque ad occásum
oblátio munda offerátur nómini tuo.

Iungit manus, easque expansas super oblata tenens, dicit:

Súpplīces ergo te, Dómine, deprecámur,
ut hæc múnēra, quæ tibi sacránda detúlimus,
eódem Spíritu sanctificáre dignéris,
iungit manus
et signat semel super panem et calicem simul, dicens:
ut Corpus et ✠ Sanguis fiant
Fílii tui Dómini nostri Iesu Christi,
iungit manus
cuius mandáto hæc mystéria celebrámus.

In formulis quæ sequuntur, verba Domini proferantur distincte et aperte, prouti natura eorundem verborum requirit:

Ipse enim in qua nocte tradebátur
accipit panem
eumque parum elevatum super altare tenens,
prosequitur:
accépit panem

et tibi grátias agens benedíxit,
fregit, dedítque discíplis suis, dicens:
parum se inclinat

ACCÍPITE ET MANDUCÁTE EX HOC OMNES:
HOC EST ENIM CORPUS MEUM,
QUOD PRO VOBIS TRADÉTUR.

Hostiam consecratam ostendit populo, deponit super patenam, et genuflexus adorat. Postea prosequitur:

Símili modo, postquam cenátum est,
accipit calicem,
eumque parum elevatum super altare tenens,
prosequitur:
accípiens cálicem,
et tibi grátias agens benedíxit,
dedítque discíplis suis, dicens:
parum se inclinat

ACCÍPITE ET BÍBITE EX EO OMNES:
HIC EST ENIM CALIX SÁNGUINIS MEI
NOVI ET ÆTÉRNA TESTAMÉNTI,
QUI PRO VOBIS ET PRO MULTIS EFFUNDÉTUR
IN REMISSIÓNEM PECCATÓRUM.
HOC FÁCITE IN MEAM COMMEMORATIÓNEM.

Calicem ostendit populo, deponit super corporale, et genuflexus adorat. Deinde dicit:

Mystérium fídei.

Et populus prosequitur, acclamans:

Mortem tuam annuntiámus, Dómine,
et tuam resurrectionem confitémur, donec vénias.

Aliæ acclamationes, p. 172.

Deinde sacerdos, extensis manibus, dicit:

Mémores ígitur, Dómine,
eiúsdem Fílii tui salutíferæ passiónis
necnon mirábilis resurrectionis
et ascensionis in cælum,
sed et præstolántes álterum eius advéntum,
offérimus tibi, grátias referéntes,
hoc sacrificium vivum et sanctum.

Réspice, quæsumus, in oblatiónem Ecclésiæ tuæ
et, agnóscens Hóstiam,
cuius voluísti immolatione placári,
concéde, ut qui Córpo et Sáanguine Fílii tui refícimur,
Spíritu eius Sancto repléti,
unum corpus et unus spíritus inveniámur in Christo.

Ipsé nos tibi perfíciat munus ætérnum,
ut cum eléctis tuis hereditátem cónsequi valeámus,
in primis cum beatíssima Vírgine, Dei Genetríce, Maria,
cum beátis Apóstolis tuis et gloriósis Martyribus
(cum Sancto N.: Sancto diei vel patrono)
et ómnibus Sanctis,
quorum intercessióne
perpétuo apud te confídimus adiuvári.

Hæc Hóstia nostræ reconciliatiónis profíciat,
quæsumus, Dómine,
ad totíus mundi pacem atque salútem.
Ecclésiám tuam, peregrinántem in terra,
in fide et caritáte firmáre dignéris
cum fámulo tuo Papa nostro N. et Episcopó nostro N.,
cum episcopáli órđine et univérso clero
et omni pópulo acquisitionis tuæ.

Votis huius familiæ, quam tibi astâre voluisti,
adesto propitius.

Omnes filios tuos ubique dispêrsos
tibi, clemens Pater, miserâtus coniunge.

† Fratres nostros defûntos
et omnes qui, tibi placêntes, ex hoc sæculo transiêrunt,
in regnum tuum benîgnus admîtte,
ubi fore sperâmus,
ut simul glória tua perénniter satiémur,
iungit manus
per Christum Dóminum nostrum,
per quem mundo bona cuncta largiris. †

Accipit patenam cum hostia et calicem, et utrumque elevans, dicit:

Per ipsum, et cum ipso, et in ipso,
est tibi Deo Patri omnipoténti,
in unitáte Spíritus Sancti,
omnis honor et glória
per ómnia sæcula sæculórum.

Populus acclamat: Amen.

Deinde sequitur ritus communionis, p. 157.

**Quando hæc prex eucharistica in Missis pro defunctis adhibetur,
dici potest:**

† Meménto fámuli tui (fámulæ tuæ) **N.**,
quem (quam) (hódie) ad te ex hoc mundo vocásti.
Concéde, ut, qui (quæ) complantátus (complantáta)
fuit similitúdini mortis Fílii tui,
simul fiat et resurrectionis ipsíus,
quando mórtuos suscitábit in carne de terra
et corpus humilitátis nostræ
configurábit córpori claritátis suæ.

Sed et fratres nostros defunctos,
et omnes qui, tibi placéntes, ex hoc sæculo transiérunt,
in regnum tuum benígnus admítte,
ubi fore sperámus,
ut simul glória tua perénniter satiémur,
quando omnem lácrimam abstérges ab óculis nostris,
quia te, sícuti es, Deum nostrum vidéntes,
tibi símiles érimus cuncta per sæcula,
et te sine fine laudábimus,

iungit manus

per Christum Dóminum nostrum,
per quem mundo bona cuncta largíris. †

Accipit patenam cum hostia et calicem, et utrumque elevans, dicit :

Per ipsum, et cum ipso, et in ipso,
est tibi Deo Patri omnipoténti,
in unitáte Spíritus Sancti,
omnis honor et glória
per ómnia sæcula sæculórum.

Populus acclamat: Amen.

Deinde sequitur ritus communionis, p. 157.

PREX EUCHARISTICA IV

℣. Dóminus vobíscum.

℟. Et cum spírítu tuo.

℣. Sursum corda.

℟. Habémus ad Dóminum.

℣. Grátias agámus Dómino Deo nostro.

℟. Dignum et iustum est.

Vere dignum est tibi grátias ágere,
 vere iustum est te glorificáre, Pater sancte,
 quia unus es Deus vivus et verus,
 qui es ante sæcula et pérmanes in ætérnum,
 inaccessíblem lucem inhábitans;
 sed et qui unus bonus atque fons vitæ cuncta fecísti,
 ut creatúras tuas benedictiónibus adimpléres
 multásque lætificáres tui lúminis claritáte.
 Et ídeo coram te innúmeræ astant turbæ angelórum,
 qui die ac nocte sérvíunt tibi
 et, vultus tui glóriam contemplántes,
 te incessánte glorífícant.
 Cum quibus et nos et, per nostram vocem,
 omnis quæ sub cælo est creatúra
 nomen tuum in exsultatióne confitémur, canéntes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosáнна in excélsis.

Benedíctus qui venit in nómine Dómini.

Hosáнна in excélsis.

Sacerdos, manibus extensis, dicit:

Confitémur tibi, Pater sancte,
quia magnus es et ómnia ópera tua
in sapiéntia et caritáte fecísti.
Hóminem ad tuam imáginem condidísti,
eíque commisísti mundi curam univérsi,
ut, tibi soli Creatóri sérvians,
creatúris ómnibus imperáret.
Et cum amicítiam tuam, non obœdiens, amisísset,
non eum dereliquísti in mortis império.
Omnibus enim misericórditer subvenísti,
ut te quæréntes invenírent.
Sed et fœdera plúries homínibus obtulísti
eósque per prophétas erudísti in exspectatióne salútis.
Et sic, Pater sancte, mundum dilexísti,
ut, compléta plenitúdine témporum,
Unigénitum tuum nobis mitteres Salvatórem.
Qui, incarnátus de Spíritu Sancto
et natus ex María Vírgine,
in nostra condiciónis forma est conversátus
per ómnia absque peccáto;
salútem evangelizávit paupéribus,
redemptiónem captívis, mæstis corde lætítiam.
Ut tuam vero dispensatiónem impléret,
in mortem trádedit semetípsum
ac, resúrgens a mórtuis,
mortem destrúxit vitámque renovávit.
Et, ut non ámplius nobismetípsis viverémus,
sed sibi, qui pro nobis mórtuus est atque surréxit,
a te, Pater, misit Spíritum Sanctum
primítias credéntibus,

qui, opus suum in mundo perficiens,
omnem sanctificationem compleret.

Iungit manus, easque expansas super oblata tenens, dicit:

Quæsumus igitur, Dómine,
ut idem Spíritus Sanctus
hæc múnera sanctificáre dignétur,
iungit manus
et signat semel super panem et calicem simul, dicens:
ut Corpus et ✠ Sanguis fiant
Dómini nostri Iesu Christi
iungit manus
ad hoc magnum mystérium celebrándum,
quod ipse nobis reliquit in fœdus ætérnum.

In formulis quæ sequuntur, verba Domini proferantur distincte et aperte, prouti natura eorundem verborum requirit.

Ipse enim, cum hora venisset
ut glorificarétur a te, Pater sancte,
ac dilexisset suos qui erant in mundo,
in finem diléxit eos:
et cenántibus illis
accipit panem,
eumque parum elevatum super altare tenens,
prosequitur:
accepit panem, benedíxit ac fregit,
dedítque discípulis suis, dicens:
parum se inclinat

ACCÍPITE ET MANDUCÁTE EX HOC OMNES:
HOC EST ENIM CORPUS MEUM,
QUOD PRO VOBIS TRADÉTUR.

Hostiam consecratam ostendit populo, deponit super patenam, et genuflexus adorat.

Postea prosequitur:

Símili modo

accipit calicem,

eumque parum elevatum super altare tenens,

prosequitur:

accípiens cálicem, ex genímine vitis replétum,

grátias egit, deditque discíplis suis, dicens:

parum se inclinat

ACCÍPITE ET BÍBITE EX EO OMNES:

HIC EST ENIM CALIX SÁNGUINIS MEI

NOVI ET ÆTÉRNAI TESTAMÉNTI,

QUI PRO VOBIS ET PRO MULTIS EFFUNDÉTUR

IN REMISSIÓNEM PECCATÓRUM.

HOC FÁCITE IN MEAM COMMEMORATIÓNEM.

Calicem ostendit populo, deponit super corporale, et genuflexus adorat. Deinde dicit:

Mystérium fídei.

Et populus prosequitur, acclamans:

Mortem tuam annuntiámus, Dómine,

et tuam resurrectionem confitémur, donec vénias.

Aliæ acclamationes, p. 172.

Deinde sacerdos, extensis manibus, dicit:

Unde et nos, Dómine, redemptionis nostræ memoriále
nunc celebrántes,

mortem Christi

eiúsque descénsus ad inferos recólimus,

eius resurrectionem

et ascensionem ad tuam dexteram profitémur,

et, expectántes ipsíus advéntum in glória,

offérimus tibi eius Corpus et Ságuinem,
sacrificíum tibi acceptábile et toti mundo salutáre.

Réspice, Dómine, in Hóstiam,
quam Ecclésiæ tuæ ipse parásti,
et concéde benígnus ómnibus,
qui ex hoc uno pane participábunt et cálice,
ut, in unum corpus a Sancto Spíritu congregáti,
in Christo hóstia viva perficiántur,
ad laudem glóriæ tuæ.

Nunc ergo, Dómine, ómnium recordáre,
pro quibus tibi hanc oblatiónem offérimus:
in primis fámuli tui, Papæ nostri **N.**,
Epíscopi nostri **N.**, et Episcopórum órdisinis univérsi,
sed et totíus cleri, et offeréntium,
et circumstántium, et cuncti pópuli tui,
et ómnium, qui te quærunt corde sincéro.
Meménto étiam illórum,
qui obiérunt in pace Christi tui,
et ómnium defunctórum,
quorum fidem tu solus cognovísti.

Nobis ómnibus, fíliis tuis, clemens Pater, concéde,
ut cæléstem hereditátem cónsequi valeámus
cum beáta Vírgine, Dei Genetríce, María,
cum Apóstolis et Sanctis tuis
in regno tuo, ubi cum universa creatúra,
a corruptióne peccáti et mortis liberáta,
te glorificémus per Christum Dóminum nostrum,
iungit manus,
per quem mundo bona cuncta largíris.

Accipit patenam cum hostia et calicem, et utrumque elevans, dicit :

Per ipsum, et cum ipso, et in ipso,
est tibi Deo Patri omnipoténti,
in unitáte Spíritus Sancti,
omnis honor et glória
per ómnia sæcula sæculórum.

Populus acclamat: Amen.

RITUS COMMUNIONIS

Calice et patena depositis, sacerdos, iunctis manibus, dicit:

Præcéptis salutáribus móniti,
et divína institutióne formáti,
audémus dícere:

Extendit manus et, una cum populo, pergit:

Pater noster, qui es in cælis:
sanctificétur nomen tuum;
advéniat regnum tuum;
fiat volúntas tua, sicut in cælo, et in terra.
Panem nostrum cotidiánum da nobis hódie;
et dimítte nobis débita nostra,
sicut et nos dimíttimus debitóribus nostris;
et ne nos indúcas in tentatiónem;
sed líbera nos a malo.

Manibus extensis, sacerdos solus prosequitur, dicens:

Líbera nos, quásumus, Dómine, ab ómnibus malis,
da propítius pacem in diébus nostris,
ut, ope misericórdiæ tuæ adiúti,
et a peccáto simus semper líberi
et ab omni perturbatióne secúri:
expectántes beátam spem
et advéntum Salvatóris nostri Iesu Christi.

Iungit manus.

Populus orationem concludit, acclamans:

Quia tuum est regnum,
et potéstas, et glória in sácula.

Deinde sacerdos, manibus extensis, clara voce dicit:

Dómine Iesu Christe, qui dixísti Apóstolis tuis:
Pacem relínquo vobis, pacem meam do vobis:
ne respicias peccáta nostra,

sed fidem Ecclesiæ tuæ;
eámque secúndum voluntátem tuam
pacificáre et coadunáre dignéris.

Iungit manus.

Qui vivis et regnas in sácula sæculórum.

Populus respondet:

Amen.

Sacerdos, ad populum conversus, extendens et iungens manus, subdit:

Pax Dómini sit semper vobíscum.

Populus respondet:

Et cum spíritu tuo.

Deinde, pro opportunitate, diaconus, vel sacerdos, subiungit:

Offérte vobis pacem.

Et omnes, iuxta locorum consuetudines, pacem et caritatem sibi invicem significant; sacerdos pacem dat diacono vel ministro.

Deinde accipit hostiam eamque super patenam frangit, et particulam immittit in calicem, dicens secreto:

Hæc commíxtio Córporis et Sánguinis Dómini nostri Iesu Christi fiat accipiéntibus nobis in vitam ætérrnam.

Interim cantatur vel dicitur:

**Agnus Dei, qui tollis peccáta mundi: miserére nobis.
Agnus Dei, qui tollis peccáta mundi: miserére nobis.
Agnus Dei, qui tollis peccáta mundi: dona nobis pacem.**

Quod etiam pluries repeti potest, si fractio panis protrahitur. Ultima tamen vice dicitur: dona nobis pacem.

Sacerdos deinde, manibus iunctis, dicit secreto:

**Dómine Iesu Christe, Filii Dei vivi,
qui ex voluntáte Patris,
cooperánte Spíritu Sancto,
per mortem tuam mundum vivificásti:**

líbera me per hoc sacrosánctum Corpus et Ságuinem tuum
ab ómnibus iniquitatibus meis et univérsis malis:
et fac me tuis semper inhærére mandátis,
et a te numquam separári permíttas.

Vel:

Percéptio Córporis et Ságuinis tui, Dómine Iesu Christe,
non mihi provéniat in iudícium et condemnatióem:
sed pro tua pietáte prosit mihi
ad tutaméntum mentis et córporis,
et ad medélam percipiéndam.

Sacerdos genuflectit, accipit hostiam, eamque aliquantulum elevatam super
patenam tenens, ad populum versus, clara voce dicit:

Ecce Agnus Dei, ecce qui tollit peccáta mundi.
Beáti qui ad cenam Agni vocáti sunt.

Et una cum populo semel subdit

Dómine, non sum dignus, ut intres sub tectum meum,
sed tantum dic verbo et sanábitur ánima mea.

Et sacerdos, ad altare versus, secreto dicit:

Corpus Christi custódiat me in vitam ætéram.

Et reverenter sumit Corpus Christi.

Deinde accipit calicem et secreto dicit:

Sanguis Christi custódiat me in vitam ætéram.

Et reverenter sumit Sanguinem Christi.

Postea accipit patenam vel pyxidem, accedit ad communicandos, et hostiam
parum elevatam unicuique eorum ostendit, dicens:

Corpus Christi.

Communicandus respondet:

Amen.

Et communicatur.

Eo modo agit et diaconus, si sacram Communionem distribuit.

Si adsint sub utraque specie communicandi, servetur ritus suo loco descriptus.

Dum sacerdos sumit Corpus Christi, incipit cantus ad Communionem.

Distributione Communionis expleta, sacerdos vel diaconus purificat patenam super calicem et ipsum calicem.

Dum purificationem peragit, sacerdos dicit secreto:

**Quod ore sumpsimus, Dómine, pura mente capiámus,
et de múnere temporáli fiat nobis remédium sempitérnum.**

Tunc sacerdos ad sedem redire potest. Pro opportunitate sacrum silentium, per aliquod temporis spatium, servari, vel psalmus aut canticum laudis proferri potest.

Deinde, stans ad sedem vel ad altare, sacerdos dicit:

Orémus.

Et omnes una cum sacerdote per aliquod temporis spatium in silentio orant, nisi silentium iam præcesserit. Deinde sacerdos, manibus extensis, dicit orationem post Communionem. Populus in fine acclamat:

Amen.

RITUS CONCLUSIONIS

Sequuntur, si habendæ sint, breves annuntiationes ad populum.

Deinde fit dimissio. Sacerdos, versus ad populum, extendens manus, dicit:

Dóminus vobíscum.

Populus respondet:

Et cum spíritu tuo.

Sacerdos benedicit populum, dicens:

**Benedícat vos omnípotens Deus,
Pater, et Fílius, ✠ et Spíritus Sanctus.**

Populus respondet:

Amen.

Quibusdam diebus vel occasionibus, huic formulæ benedictionis præmittitur, iuxta rubricas, alia formula benedictionis sollemnior, pag. 173.

Deinde diaconus, vel ipse sacerdos, manibus iunctis, ad populum versus dicit:

Ite, missa est.

Populus respondet:

Deo grátias.

Deinde sacerdos altare osculo de more veneratur, ut initio. Facta denique debita reverentia cum ministris, recedit.

Si qua actio liturgica immediate sequatur, ritus dimissionis omittuntur.

ORDO MISSAE SINE POPULO

RITUS INITIALES

Sacerdos, facta cum ministro debita reverentia, signat se, dicens:

In nómine Patris, et Fílii, et Spíritus Sancti.

Minister respondet:

Amen.

Tunc sacerdos, ad ministrum conversus et manus extendens, eum salutat, dicens:

Dóminus vobíscum.

Minister respondet:

Et cum spíritu tuo.

Adhiberi possunt etiam aliæ formulæ salutationis, quæ in Appendice inveniuntur, p. 170.

Postea sacerdos et minister faciunt confessionem:

Confíteor Deo omnipoténti et tibi, frater,
quia peccávi nimis
cogitatione, verbo, ópere et omissione:

et, percutientes sibi pectus, dicunt:

mea culpa, mea culpa, mea máxima culpa.

Deinde prosequuntur:

Ideo precor beátam Mariám semper Vírginem,
omnes Angelos et Sanctos,
et te, frater, oráre pro me
ad Dóminum Deum nostrum.

Sequitur absolutio sacerdotis:

Misereátur nostri omnípotens Deus
et, dimíssis peccátis nostris,
perducat nos ad vitam ætérnam.

Minister respondet:

Amen.

Tunc sacerdos ascendit ad altare, illud veneratur osculo, et accedit ad missale in sinistro latere altaris collocatum, et legit antiphonam ad introitum.

Sequuntur invocationes Kyrie, eléison, quas sacerdos dicit alternatim cum ministro.

Sac.: Kýrie, eléison.

Min.: Kýrie, eléison.

Sac.: Christe, eléison.

Min.: Christe, eléison.

Sac.: Kýrie, eléison.

Min.: Kýrie, eléison.

Deinde, quando præscribitur, sacerdos et minister simul dicunt hymnum Glória in excélsis Deo.

Quo finito, sacerdos, manibus iunctis, dicit:

Orémus.

Et, facta aliqua pausa silentii, extendit manus et dicit orationem; qua expleta, minister acclamat:

Amen.

LITURGIA VERBI

Tunc minister vel ipse sacerdos legit primam lectionem, psalmum et, si habenda est, secundam lectionem necnon alterum cantum.

Deinde sacerdos, inclinatus, secreto dicit:

**Munda cor meum ac lábia mea, omnípotens Deus,
ut sanctum Evangélium tuum digne váleam nuntiáre.**

Postea, iunctis manibus, dicit:

Dóminus vobíscum.

Minister respondet:

Et cum spíritu tuo.

Sacerdos:

Léctio sancti Evangélii secúndum N.,

et interim signat librum et seipsum in fronte, ore et pectore.

Minister acclamat:

Glória tibi, Dómine.

Deinde sacerdos Evangelium legit. Quo finito, librum osculatur, dicens secreto:

Per evangélica dicta deleántur nostra delícta.

Minister autem acclamat:

Laus tibi, Christe.

Quando dicendum est, sacerdos et minister simul dicunt symbolum, pag. 115.

Postea fieri potest oratio universalis seu oratio fidelium, in qua ipse sacerdos etiam intentiones profert, ministro respondente.

LITURGIA EUCHARISTICA

Minister corporale, purificatorium et calicem super altare deponit, nisi iam initio Missæ ibidem sint posita. Sacerdos ad medium altaris accedit.

Tunc minister affert patenam cum pane, quam sacerdos accipit et aliquantulum elevatam super altare tenet, dicens:

**Benedíctus es, Dómine, Deus univérsi,
quia de tua largitáte accépimus panem,
quem tibi offérimus,
fructum terræ et óperis mánuum hóminum,
ex quo nobis fiet panis vitæ.**

Deponit deinde patenam cum pane super corporale.

Postea sacerdos infundit vinum et parum aquæ in calicem, dicens secreto:

**Per huius aquæ et vini mystérium
eius efficiámur divinitátis consórtes,
qui humanitátis nostræ fieri dignátus est párticeps.**

Postea accipit calicem, eumque aliquantulum elevatum super altare tenet, dicens:

**Benedíctus es, Dómine, Deus univérsi,
quia de tua largitáte accépimus vinum,**

quod tibi offérimus,
fructum vitis et óperis mánuum hóminum,
ex quo nobis fiet potus spiritalis.

Deinde calicem super corporale deponit.

Postea inclinatus dicit secreto:

In spíritu humilitátis et in ánimo contríto
suscipiámur a te, Dómine,
et sic fiat sacrificium nostrum in conspéctu tuo hódie,
ut pláceat tibi, Dómine Deus.

Deinde, stans ad latus altaris, lavat manus, dicens secreto:

Lava me, Dómine, ab iniquitáte mea,
et a peccáto meo munda me.

Stans postea in medio altaris, versus ad ministrum, extendens et iungens manus, dicit:

Oráte, fratres,
ut meum ac vestrum sacrificium
acceptábile fiat apud Deum Patrem omnipoténtem.

Minister respondet:

Suscípiat Dóminus sacrificium de mánibus tuis
ad laudem et glóriam nóminis sui,
ad utilitátem quoque nostram
totiúsque Ecclésiæ suæ sanctæ.

Deinde, manibus extensis, sacerdos dicit orationem super oblata; qua finita, minister acclamat: Amen.

Tunc sacerdos dicit Precem eucharisticam, iuxta normas, quæ in singulis Precibus eucharisticis continentur.

Post doxologiam in fine Precis eucharisticæ, iunctis manibus, sacerdos dicit:

Præcéptis salutáribus móniti,
et divína institutióne formáti,
audémus dicere:

Extendit manus et, una cum ministro, pergit:

Pater noster, qui es in cælis:
sanctificetur nomen tuum;
advéniat regnum tuum;
fiat volúntas tua, sicut in cælo, et in terra.
Panem nostrum cotidiánum da nobis hódie;
et dimítte nobis débíta nostra,
sicut et nos dimíttimus debitóribus nostris;
et ne nos indúcas in tentatiónem;
sed líbera nos a malo.

Manibus extensis, sacerdos solus prosequitur, dicens:

Líbera nos, quæsumus, Dómine, ab ómnibus malis,
da propítius pacem in diébus nostris,
ut, ope misericórdiæ tuæ adiúti,
et a peccáto simus semper líberi
et ab omni perturbatióne secúri:
exspectántes beátam spem
et advéntum Salvatóris nostri Iesu Christi.

Iungit manus. Minister orationem concludit, acclamans:

Quia tuum est regnum,
et potéstas, et glória
in sácula.

Tunc sacerdos, manibus extensis, clara voce dicit:

Dómine Iesu Christe, qui dixísti Apóstolis tuis:
Pacem relínquo vobis, pacem meam do vobis:
ne respícias peccáta nostra,
sed fidem Ecclésiæ tuæ;
eámque secúndum voluntátem tuam
pacificáre et coadunáre dignéris.

Iungit manus.

Qui vivis et regnas in sácula sæculórum.

Minister respondet:

Amen.

Sacerdos, ad ministrum conversus, extendens et iungens manus, subdit:

Pax Dómini sit semper vobíscum.

Minister respondet:

Et cum spíritu tuo.

Et sacerdos, pro opportunitate, pacem dat ministro.

Postea accipit hostiam, eamque super patenam frangit, interim cum ministro dicens:

Agnus Dei, qui tollis peccáta mundi: miserére nobis.

Agnus Dei, qui tollis peccáta mundi: miserére nobis.

Agnus Dei, qui tollis peccáta mundi: dona nobis pacem.

His dictis, particulam immittit in calicem, dicens secreto:

Hæc commíxtio Córporis et Ságuinis Dómini nostri Iesu Christi fiat accipiéntibus nobis in vitam ætérnam.

Sacerdos deinde, manibus iunctis, dicit secreto:

**Dómine Iesu Christe, Fili Dei vivi,
qui ex voluntáte Patris,
cooperánte Spíritu Sancto,
per mortem tuam mundum vivificásti:
líbera me per hoc sacrosáctum Corpus et Ságuinem tuum
ab ómnibus iniquitatibus meis et univérsis malis:
et fac me tuis semper inhærére mandátis,
et a te numquam separári permíttas.**

Vel:

**Percéptio Córporis et Ságuinis tui, Dómine Iesu Christe,
non mihi provéniat in iudícium et condemnatióem:
sed pro tua pietáte prosit mihi ad tutaméntum
mentis et cörperis,
et ad medélam percipiéndam.**

Sacerdos genuflectit, accipit hostiam, eamque aliquantulum elevatam super patenam tenens, ad ministrum versus, clara voce dicit:

**Ecce Agnus Dei, ecce qui tollit peccáta mundi.
Beáti qui ad cenam Agni vocáti sunt.**

Et una cum ministro semel subdit:

**Dómine, non sum dignus, ut intres sub tectum meum,
sed tantum dic verbo
et sanábitur ánima mea.**

Si minister non est communicandus, sacerdos, accepta hostia, et stans ad altare conversus, statim dicit: **Dómine, non sum dignus, etc.**

Et deinde, ad altare versus, secreto dicit:

Corpus Christi custódiat me in vitam ætérrnam.

Et reverenter sumit Corpus Christi.

Deinde accipit calicem et secreto dicit:

Sanguis Christi custódiat me in vitam ætérrnam.

Et reverenter sumit Sanguinem Christi.

Quo facto, sacerdos dicit antiphonam ad Communionem.

Postea accipit patenam, accedit ad ministrum, si communicandus est, et hostiam parum elevatam ei ostendit, dicens:

Corpus Christi.

Minister respondet:

Amen.

Et communicatur.

Deinde sacerdos purificat patenam super calicem et ipsum calicem. Calix, patena, corporale et purificatorium a ministro ad abacum deferuntur, vel super altare relinquuntur.

Dum purificationem peragit, sacerdos dicit secreto:

**Quod ore súmpsimus, Dómine, pura mente capiámus,
et de múnere temporáli fiat nobis remédium sempitérrnum.**

Sacrum silentium per aliquod temporis spatium servari potest.

Postea sacerdos, manibus iunctis, dicit:

Oremus.

Et facta aliqua pausa silentii, nisi iam præcesserit, extendit manus et dicit orationem post Communionem. Minister in fine acclamat:

Amen.

RITUS CONCLUSIONIS

Deinde sacerdos, versus ad ministrum, extendens manus, dicit:

Dóminus vobíscum.

Minister respondet:

Et cum spíritu tuo.

Et sacerdos benedicit ministrum, dicens:

**Benedícat vos omnípotens Deus,
Pater, et Fílius, ✠ et Spíritus Sanctus.**

Minister respondet:

Amen.

Denique sacerdos altare osculo veneratur et, facta cum ministro debita reverentia, recedit.

APPENDIX

Formulæ salutationis initio Missæ

1. **℣.** Grátia Dómini nostri Iesu Christi, et cáritas Dei, et comunicátio Sancti Spíritus sit cum ómnibus vobis.
℟. Et cum spíritu tuo.
2. **℣.** Grátia vobis et pax a Deo Patre nostro et Dómino Iesu Christo.
℟. Benedíctus Deus et Pater Dómini nostri Iesu Christi.

Vel:
℟. Et cum spíritu tuo.
3. **℣.** Dóminus vobíscum.
℟. Et cum spíritu tuo.

Formulæ actus pænitentialis

Loco actus pænitentialis, qui in Ordine Missæ invenitur, unus e sequentibus adhiberi potest:

1. Sacerdos fideles invitat ad pænitentiam:

Fratres, agnoscámus peccáta nostra, ut apti simus ad sacra mystéria celebránda.

Fit brevis pausa silentii.

Postea sacerdos dicit:

Miserére nostri, Dómine.

Populus respondet:

Quia peccávimus tibi.

Sacerdos:

Osténde nobis, Dómine, misericórdiam tuam.

Populus:

Et salutáre tuum da nobis.

Sequitur absolutio sacerdotis:

Misereátur nostri omnípotens Deus
et, dimíssis peccátis nostris,
perdúcat nos ad vitam ætérrnam.

Populus respondet:

Amen.

2. Sacerdos fideles invitat ad pænitentiam:

Fratres, agnoscámus peccáta nostra, ut apti simus ad sacra
mystéria celebránda.

Fit brevis pausa silentii.

Deinde sacerdos, vel alius minister idoneus, sequentes, vel alias, invocationes
cum Kyrie, eléison profert:

Qui missus es sanáre contrítos corde: Kýrie, eléison.

Populus respondet:

Kýrie, eléison.

Sacerdos:

Qui peccatóres vocáre venísti: Christe, eléison.

Populus:

Christe, eléison.

Sacerdos:

Qui ad dexteram Patris sedes, ad interpellándum pro nobis:
Kýrie, eléison.

Populus:

Kýrie, eléison.

Sequitur absolutio sacerdotis:

Misereatur nostri omnipotens Deus
et, dimissis peccatis nostris,
perducatur nos ad vitam æternam.

Populus respondet:

Amen.

Acclamationes post Consecrationem
ad libitum seligendæ

1. Mortem tuam annuntiāmus, Dómine,
et tuam resurrectionem confitémur, donec vénias.
2. Quotiescúmque manducāmus panem hunc
et cálicem bíbimus,
mortem tuam annuntiāmus, Dómine, donec vénias.
3. Salvátor mundi, salva nos,
qui per crucem et resurrectionem tuam liberásti nos.

BENEDICTIONES SOLLEMNES

I. Per annum

Benedícat vobis Dóminus, et custódiat vos.

R̃. Amen.

Illúminet fáciem suam super vos, et misereátur vestri.

R̃. Amen.

Convértat vultum suum ad vos, et donet vobis suam pacem.

R̃. Amen.

Et benedíctio Dei omnipoténtis,
Patris, et Fílii, ✠ et Spíritus Sancti,
descéndat super vos et máneat semper.

R̃. Amen.

II. In celebrationibus B. Mariæ Virginis

Deus, qui per beátæ Mariæ Vírginis partum
genus húmánum sua vóluit benignitáte redímere,
sua vos dignétur benedictióne ditáre.

R̃. Amen.

Eiúsque semper et ubíque patrocínia sentiátis,
per quam auctórem vitæ suscípere meruístis.

R̃. Amen.

Et quia ad eius celebrándam sollemnitátem
hodiérna die devótis méntibus convenístis,
spiritalium gaudiórum cælestiúmque præmiórum
vobíscum múnera reportétis.

R̃. Amen.

Et benedíctio Dei omnipoténtis,
Patris, et Fílii, ✠ et Spíritus Sancti,
descéndat super vos et máneat semper.

R̃. Amen.

III. In celebrationibus Sanctorum

Deus, glória et exsultatio Sanctorum,
benedícat vos benedictióne perpétua,
qui vobis hodiérna tríbuit celebráre sollémnia.

R. Amen.

Eórum intercessióne a præséntibus malis liberáti,
et exémplis sanctæ conversatiónis instrúcti,
in servítio Dei fratrumque inveniámini semper inténti.

R. Amen.

Quátenus cum iis ómnibus
valeátis illíus pátriæ possidére vos gáudia,
in qua fílios suos supérnis coniúngi cívibus
in pace perpétua sancta lætátur Ecclésia.

R. Amen.

Et benedíctio Dei omnipoténtis,
Patris, et Fílii, ✠ et Spíritus Sancti,
descéndat super vos et máneat semper.

R. Amen.

Die 2 augusti

BEATÆ MARIÆ VIRGINIS ANGELORUM DE PORTIUNCULA

FESTUM

ANT. AD INTROITUM

Iudt. 13, 31

Benedícta tu a Dómino
quóniam in omni gente quæ audierit nomen tuum,
magnificábitur super te Deus Israel.

COLLECTA

Sanctíssimæ venerántibus Vírginis Mariæ
Angelórum Regínæ memóriam gloriósam,
ipsíus nobis, quæsumus, Dómine, intercessióne concéde,
ut de plenitúdine grátiae tuæ
nos quoque mereámur accípere.
Per Dóminum.

[Tres proponuntur lectiones si uti *Sollemnitas* celebratur; si
uti *Festum*, eligitur prima vel secunda, ad libitum.]

LECTIO PRIMA

Qui audit Sapientiam non confundetur.

Léctio libri Sirácidæ

24, 1-4, 22-31

Sapiéntia laudábit ánimam suam,
et in Deo honorábitur,
et in médio pópuli sui gloriábitur
et in ecclésiis Altíssimi apériet os suum
et in conspéctu virtútis illíus gloriábitur
et in médio pópuli sui exaltábitur
et in plenitúdine sancta admirábitur
et in multitúdine electórum habébit laudem
et inter benedíctos benedicétur.

Ego quasi terebínthus exténdi ramos meos,
et rami mei honóris et grátiae.
Ego quasi vitis fructificávi suavitátem odóris,
et flores mei fructus honóris et honestátis.
Ego mater pulchræ dilectiónis et timóris
et agnitiónis et sanctæ spei.
In me grátia omnis viæ et veritátis,
in me omnis spes vitæ et virtútis.
Transíte ad me, omnes qui concupíscitis me,
et a generatióibus meis implémini;
spíritus enim meus super mel dulcis,
et heréditas mea super mel et favum.
Memória mea in generatióes sæculórum.
Qui edunt me adhuc esúrient,
et qui bibunt me adhuc sítient.
Qui audit me non confundétur,
et qui operántur in me non peccábunt;
qui elúcidant me vitam ætérrnam habébunt.
Verbum Dei.

PSALMUS RESPONSORIUS Lc 1, 46-47. 48-49. 50-51. 52-53. 54-55 (R.: 49)

R̃. Fecit mihi magna qui potens est, et sanctum nomen eius.

Magníficat ánima mea Dóminum,
et exsultávit spíritus meus in Deo salutári meo. **R̃.**

Quia respéxit humilitátem ancillæ suæ,
ecce enim ex hoc beátam me dicent omnes generatióes.
Quia fecit mihi magna qui potens est,
et sanctum nomen eius. **R̃.**

Et misericórdia eius a progénie in progénies timéntibus eum.
Fecit poténtiam in bráchio suo,
dispérsit superbos mente cordis sui. **R̃.**

Depósuit poténtes de sede
et exaltávit húmiles,
esuriéntes implévit bonis
et dívites dimísit inánes. **R̃.**

Suscépit Israel púerum suum recordátus misericórdiæ suæ,
sicut locútus est ad patres nostros,
Abraham et sémini eius in sácula. *R̃.*

LECTIO SECUNDA

Misit Deus Filium suum, factum ex muliere.

Léctio Epístolæ beáti Pauli apóstoli ad Gálatas 4, 3-7

Fratres: Cum essémus párvuli, sub eleméntis mundi
erámus serviéntes: at ubi venit plenitúdo témporis, misit
Deus Fílium suum, factum ex muliere, factum sub Lege, ut
eos qui sub Lege erant redímeret, ut adoptiónem filiórum
reciperémus.

Quóniam autem estis filii, misit Deus Spíritum Fílii
sui in corda nostra, clamántem: «Abba, Pater!».

Itaque iam non es servus sed fílius; quod si fílius, et
heres per Deum.

Verbum Dei.

ALLELUIA

Cfr. Lc 1, 28. 42

R̃. Allelúia.

Ṽ. Ave, María, grátia plena, Dóminus tecum,
benedícta tu in muliéribus.

R̃. Allelúia.

EVANGELIUM

Invenisti gratiam apud Deum.

✠ Léctio sancti Evangélíi secúndum Lucam 1, 26-33

In illo témpore: Missus est ángelus Gábriel a Deo in
civitátem Galilææ, cui nomen Názareth, ad vírginem despon-
sátam viro cui nomen erat Ioseph de domo David, et nomen
vírginis María.

Et ingressus ad eam dixit: «Ave, grátia plena, Dóminus

tecum». Ipsa autem turbáta est in sermóne eius et cogitábat qualis esset ista salutátio.

Et ait ángelus ei: «Ne tíneas, María, invenísti enim grátiam apud Deum: et ecce concípies in útero et páries fílium, et vocábis nomen eius Iesum.

Hic erit magnus et Fílius Altíssimi vocábitur, et dabit illi Dóminus Deus sedem David patris eius, et regnábit super domum Iacob in ætérnum, et Regni eius non erit finis».

Verbum Dómini.

SUPER OBLATA

Laudis tibi, Dómine, hóstias offérimus,
de Genetrícis Fílii tui festivitáte lætántes;
præsta quæsumus, ut per hæc sacrosáncta commércia
ad redemptiónis ætérnæ proficiámus augméntum.
Per Christum.

Præfatio de beata Maria Virgine (et te in festivitate).

ANT. AD COMMUNIONEM

Cfr. Lc 1, 48

Beátam me dicent omnes generatiónes,
quia ancíllam húmílem respéxit Deus.

POST COMMUNIONEM

Recoléntibus, Dómine, beátæ Mariæ Vírginis memóriam
prosit cæléste convívium,
ut dignius imménsam in nos Fílii tui
misericórdiam celebrémus,
et dilectiónem erga eum perpétuam nutriámus.
Per Christum.

Die 7 augusti
 .BB. AGATHANGELI ET CASSIANI
 presbyterorum et martyrum

ANT. AD INTROITUM

Ps. 33, 20-21

Multæ tribulatiónes iustórum,
 et de ómnibus his liberábit eos Dóminus.
 Custódit ómnia ossa eórum, unum ex his non conterétur.

COLLECTA

Deus, qui beátos Agathángelum et Cassiánum mártýres
 cathólicæ fidei assertóres exímios effecísti,
 tríbue quæsumus, ipsis intercedéntibus,
 ut omnes gentes ad veræ fidei pervéniant unitátem.
 Per Dóminum.

LECTIO PRIOR

*Nolite amittere confidentiam
 quæ magnam habet remunerationem.*

Léctio Epístolæ ad Hebræos

10, 32-38

Fratres: Rememorámini prístinos dies, in quibus illumináti
 magnum certámen sustinuístis passiónum, in áltero quidem
 oppróbriis et tribulatió nibus spectáculum facti, in áltero autem
 socii táliter conversántium effécti; nam et vinctis compássi
 estis, et rapínam bonórum vestrórum cum gaudio suscepístis,
 cognoscéntes vos habére meliórem substántiam et manéntem.

Nolíte itáque abícere confidéntiam vestram, quæ ma-
 gnam habet remunerationem, patiéntia enim vobis necessariá
 est ut voluntátem Dei faciéntes reportétis promissionem.

Adhuc enim módicum quántulum, qui ventúrus est
 véniet et non tardábit: iustus autem meus ex fide vivet, quod
 si subtráxerit se, non sibi cómplacet in eo ánima mea.

Verbum Dei.

PSALMUS RESPONSORIUS

Ps. 132

R. Diligámus nos ínvicem, quia cáritas ex Deo est.

Ecce quam bonum et quam iucúndum
habitáre fratres in unum:

sicut unguéntum óptimum in cápite,
quod descéndit in barbam, barbam Aaron,
quod descéndit in oram vestiménti eius. **R.**

Sicut ros Hermon, qui descéndit in montes Sion.
Quoniam illic mandávit Dóminus benedictiónem,
vitam usque in sáeculum. **R.**

ALLELUIA

R. Allelúia.

V. Hæc est vera fratérnitas, quæ vicit mundi crímina:
Christum secúta est, ínclýta tenens regna cæléstia.

R. Allelúia.

EVANGELIUM

Vita æterna est Deum cognoscere et Iesum Christum.

✠ Lécio sancti Evangélii secúndum Ioánnem 17, 1-6; 20-22

In illo témpore: Sublevátis óculis suis in cælum, dixit Iesus: «Pater, venit hora: glorífica Fílium tuum, ut Fílius gloríficet te sicut dedísti ei potestátem omnis carnis, ut omne quod dedísti ei det eis vitam ætérrnam. Hæc est autem vita ætérrna, ut cognóscant te solum verum Deum et quem misísti Iesum Christum.

Ego te glorificávi super terram, opus consummávi quod dedísti mihi ut faciam; et nunc glorífica me tu, Pater, apud temetípsum gloria quam habébam prius quam mundus esset, apud te.

Manifestávi Nomen tuum homínibus quos dedísti mihi de mundo. Tui erant et mihi eos dedísti, et sermónem tuum servavérunt. Non pro his autem rogo tantum, sed et pro eis qui creditúri sunt per verbum eórum in me, ut omnes unum

sint, sicut tu, Pater, in me et ego in te, ut et ipsi in nobis sint, ut mundus credat quia tu me misisti.

Et ego glóriam quam dedisti mihi, dedi illis, ut sint unum sicut nos unum sumus».

Verbum Dómini.

SUPER OBLATA

Súscipe quæsumus, Dómine, múnera pópuli tui
in honórem beatórum Agathángeli et Cassiáni,
et præsta, ut sanctificétur nomen tuum in géntibus
et in omni loco offerátur oblátio munda.
Per Christum.

ANT. AD COMMUNIONEM

Io 17, 22

Glóriam quam dedisti mihi, dedi illis,
ut sint unum sicut nos unum sumus.

POST COMMUNIONEM

Uníus panis alimónia refécti,
in commemoratióne beatórum mártýrum
Agathángeli et Cassiáni
supplíciter deprecámur,
ut nos in tua iúgiter caritáte confírmes,
et in novitáte vitæ concédas ambuláre.
Per Christum.

Die 8 augusti

S. P. DOMINICI
presbyteri, Ordinis Prædicatorum Fundatoris

FESTUM

ANT. AD INTROITUM

Sir. 15, 5

In médio Ecclésiæ aperuit os eius,
et implévit eum Dóminus spíritu sapiéntiæ et intelléctus;
stolam glóriæ induit eum.

COLLECTA

Aduvet Ecclésiám tuam, Dómine,
beátus Pater Domínicus méritis et doctrínis,
atque pro nobis efficiátur piíssimus intervéntor,
quí tuæ veritátis éxstitit prædicátor exímíus.
Per Dóminum.

LECTIO PRIOR

Opus fac evangelistæ, ministerium tuum imple.

Léctio Epístolæ secúndæ beáti Pauli apóstoli
ad Timótheum

4, 1-5

Caríssime: Testíficor coram Deo et Christo Iesu, qui
iudicáturus est vivos ac mórtuos, per advéntum ipsíus et
Regnum eius: prædica verbum, insta opportúne, importúne,
árgue, increpa, óbseca, in omni patiéntia et doctrína.

Erit enim tempus cum sanam doctrínam non sustiné-
bunt, sed ad sua desidéria coacervábunt sibi magístros pru-
riéntes áuribus, et a veritate quidem audítum avértent, ad
fábulas autem converténtur.

Tu vero vígila in ómnibus, labóra, opus fac evange-
listæ, ministérium tuum imple.

Verbum Dei.

PSALMUS RESPONSORIUS

Ps. 36, 3-4. 5-6. 30-31 (R.: 30a)

R. Os iusti meditabitur sapiéntiam.

Spera in Dómino et fac bonitátem,
et inhabitábis terram et pascéris in fide.

Delectáre in Dómino,
et dabit tibi petitiónes cordis tui. **R.**

Commítte Dómino viam tuam et spera in eo,
et ipse faciet;

et edúcet quasi lumen iustítiam tuam,
et iudícium tuum tamquam merídiem. **R.**

Os iusti meditabitur sapiéntiam,
et lingua eius loquétur iudícium;
lex Dei eius in corde ipsíus,
et non vacillábunt gressus eius. **R.**

ALLELUIA

Cfr. Os. 14, 6

R. Allelúia.

V. Iustus germinábit sicut lílium,
et florébit in ætérnum ante Dóminum.

R. Allelúia.

EVANGELIUM

Vos estis lux mundi.

✠ Lécio sancti Evangélii secúndum Matthæum **5, 13-16**

In illo témpore: Dixit Iesus discipulis suis: «Vos estis sal terræ; quod si sal evanúerit, in quo saliétur? Ad níhilum valet ultra nisi ut mittátur foras et conculcétur ab homínibus.

Vos estis lux mundi. Non potest cívitas abscondi supra montem pósita; neque accéndunt lucérnam et ponunt eam sub módio sed super candelábrum, ut lúceat ómnibus qui in domo sunt.

Sic lúceat lux vestra coram homínibus, ut vídeant

vestra bona ópera et gloríficent Patrem vestrum qui in
cælis est.

Verbum Dómini.

SUPER OBLATA

Preces, quas tibi, Dómine, offérimus,
intercedénte beáto Domínico, cleménter inténde,
et, huius sacrificií virtúte poténti,
propugnatóres fidei grátiae tuæ protectióne confírma.
Per Christum.

Præfatio de sanctis Pastoribus.

ANT. AD COMMUNIONEM

Lc 12, 42

Fidélis dispensátor et prudens,
quem constituit Dóminus super famíliam suam
ut det illis in témpore trítici mensúram.

POST COMMUNIONEM

Cæléstis, Dómine, virtútem sacraménti,
quo in beáti Domínici commemoratióne pasti sumus,
percípiat Ecclésia tua plenæ devotiónis afféctu,
et cuius prædicatióne flóruit,
eius intercessióne iuvétur.
Per Christum.



Die 11 augusti

S. M. CLARÆ
ASSISIENSIS
virginis

FESTUM

ANT. AD INTROITUM

Stella spléndida orta est in die ista:
hodie enim beáta Clara, pauper ancílla Dómini,
clarificáta est in cælis.

COLLECTA

Deus, qui beátam Claram
ad paupertátis amórem misericórditer adduxísti,
eius nobis intercessióne concéde,
ut in paupertáte spíritus Christum sequéntes,
ad tui contemplatiónem in cælésti regno perveníre mereámur.
Per Dóminum.

[Tres proponuntur lectiones si uti *Sollemnitas* celebratur; si
uti *Festum*, eligitur prima vel secunda, ad libitum.]

LECTIO PRIMA

Sponsabo te mihi in sempiternum.

Léctio libri Osée prophétæ

2, 14b. 15b. 19-20

Hæc dicit Dóminus: Ecce ego ducam eam in solitú-
dinem, et loquar ad cor eius; et canet ibi iuxta dies iuven-
tútis suæ, et iuxta dies ascensiónis suæ de terra Ægýpti.

Et sponsábo te mihi in sempiternum; et sponsábo te
mihi in iustítia et iudício, et in misericórdia et in misera-

tióñibus, et sponsábo te mihi in fide, et scies quia ego Dóminus.

Verbum Dei.

PSALMUS RESPONSORIUS

Ps. 44, 11-12, 14-15. 16 (R.: cfr. Mt 25, 6)

R. Ecce Sponsus: éxite óbviám Christo Dómino.

Audi, fília, et vide, et inclína áurem tuam,
et oblivíscere pópulum tuum et domum patris tui;
et concupíscet rex spéciem tuam.

Quóniam ipse est dóminus tuus et adóra eum. **R.**

Gloriósá nimis fília regis intrínsecus,
textúris áureis circumamícta.

In véstibus variegátis adducétur regi. **R.**

Vírgines post eam, próxímæ eius, afferúntur tibi.

Afferúntur in lætítia et exsultatíone,
adducúntur in domum regis. **R.**

LECTIO SECUNDA

Vita Iesu manifestatur in corporibus nostris.

Léctio Epístolæ secúndæ beáti Pauli apóstoli
ad Corínthios

4, 6-10. 16-18

Fratres: Deus illúxit in córdibus nostris ad illuminatióñem sciéntiæ glóriæ Dei in fácie Iesu Christi. Habémus autem thesáurum istum in vasis fictílibus, ut sublímítás sit virtútis Dei, et non ex nobis; in ómnibus tribulatióñem pátimur sed non angustíamur, aporiámur sed non destitúimur, persecutióñem pátimur sed non derelínquimur, deícimur sed non perímus, semper mortificatióñem Iesu in córpore circumferéñtes, ut et vita Iesu in córpore nostro manifestétur.

Propter quod nō defícimus, sed licet is qui foris est noster homo corrúmpitur, tamen is qui intus est noster renovátur de die in diem.

Id enim quod in præsénti est leve tribulatióñis nostræ,

supra modum in sublimitatem ætérnum glóriæ pondus operátur nobis, non contemplántibus nobis quæ vidéntur sed quæ non vidéntur: quæ enim vidéntur temporália sunt, quæ áutem non vidéntur æténa sunt.

Verbum Dei.

ALLELUIA

R. Allelúia.

V. Veni, spónsa Christi, áccipe corónam
quam tibi Dóminus præparávit in ætérnum.

R. Allelúia.

EVANGELIUM

Qui servat Domini præcepta, manet in eius dilectione.

✠ Lécio sancti Evangélii secúndum Ioánnem

15, 4-10

In illo témpore: Dixit Iesus discipulis suis: «Manéte in me, et ego in vobis. Sicut palmes non potest ferre fructum a semetípso nisi mánserit in vite, sic nec vos nisi in me manséritis.

Ego sum vitis, vos pálmities. Qui manet in me, et ego in eo, hic fert fructum multum, quia sine me nihil potéstis fácere. Si quis in me non mánserit, missus est foras sicut palmes et áruit, et cólligunt eos et in ignem mittunt et ardent. Si manséritis in me et verba mea in vobis mánserint, quodcúmque voluéritis, pétite et fiet vobis.

In hoc glorificátus est Pater meus, ut fructum multum afferátis et efficiámini mei discipuli.

Sicut diléxit me Pater, et ego diléxi vos: manéte in dileccióné mea. Si præcépta mea servavéritis, manébitis in dileccióné mea, sicut ego Patris mei præcépta servávi et máneo in eius dileccióné».

Verbum Dómini.

SUPER OBLATA

Súscipe Dómine, obséquium humilitátis nostræ,
quod tibi in commemoratióne beátæ Claræ vírginis exhibémus,
et nos per immaculátam hóstiam
da iúgiter in tuo conspéctu pio sanctóque amóre flagráre.
Per Christum.

PRÆFATIO

℣. Dóminus vobíscum.
℞. Et cum spíritu tuo.
℣. Sursum corda.
℞. Habémus ad Dóminum.
℣. Grátias agámus Dómino Deo nostro.
℞. Dignum est iustum est.

Vere dignum et iustum est, æquum et salutáre,
nos tibi semper et ubíque grátias ágere,
Dómine, sancte Pater, omnípotens ætérne Deus:

Qui fámulam tuam Claram
beáti Francísci exémplo mirabíliter inflammásti
ad sectánda Fílii tui vestígia,
eíque perénni fide et dilectiône mýstice desponsásti.
Et ad seráphicæ perfectiόνis culmen,
per altíssimæ paupertátis viam, evéctam,
matrem plurimárum vírginum delegísti:

Et ídeo cum Angelis et Archángelis,
cum Thronis et Dominatió nibus,
cumque omni milítia cæléstis exércitus,
hymnum glóriæ tuæ cánimus, sine fine dicétes:

Sanctus, Sanctus, Sanctus, Dóminus Deus Sábaoth, etc.

ANT. AD COMMUNIONEM

Io 14, 21. 23

Qui díligit me, diligétur a Patre meo,
et ad eum veniémus et mansiónem apud eum faciémus.

POST COMMUNIONEM

Divíni múnerys participatióne refécti,
quáesumus, Dómine Deus noster,
ut exémplo beátæ Claræ,
mortificatióne Iesu in córpore nostro circumferéntes,
tibi soli adhærére studeámus.
Per Christum.

Die 14 augusti

B. MAXIMILIANI MARIÆ KOLBE
presbyteri

ANT. AD INTROITUM

Mt 25, 34. 40

Veníte, benedícti Patris mei, dicit Dóminus.

Amen dico vobis:

Quámdu fecístis uni de his frátribus meis mínimis,
mihi fecístis.

COLLECTA

Deus, qui beátum Maximiliánum Mariam presbýterum,
amóre Vírginis Immaculátæ succénsum,
animárum zelo et próximi dilectióne replevísti,
concéde propítius ut, eo intercedénte,
pro tua glória in servítio hóminum
strénue laborántes,
usque ad mortem Fílio tuo conformári valeámus.
Qui tecum.

LECTIO PRIOR

*Translati sumus de morte ad vitam
per dilectionem fratrum.*

Léctio Epístolæ primæ beati Ioánnis apóstoli

3, 13-18

Nolíte mirári, fratres, si odit vos mundus. Nos scimus
quóniam transívimus de morte in vitam, quóniam dilígimus
fratres; qui non diligit manet in morte.

Omnis qui odit fratrem suum homicída est, et scitis
quóniam omnis homicída non habet vitam ætérrnam in se ma-
néntem. In hoc nóvimus caritátem, quóniam ille pro nobis
ánimam suam pósuit; et nos debémus pro frátribus ánimas
pónere.

Qui habúerit substántiam mundi et víderit fratrem suum

necesse habere et cláuserit víscera sua ab eo, quómo-
do caritas Dei manet in eo?

Filioli, non diligámus verbo nec lingua, sed in ópere
et veritate.

Verbum Dei.

PSALMUS RESPONSORIUS

Ps. 115, 10-11. 12-13. 16-17 (R.: 15)

R. Pretiósá in conspéctu Dómini mors sanctórum eius.

Crédidi, etiam cum locútus sum:

«Ego humiliátus sum nimis».

Ego dixi in trepidatióne mea:

«Omnis homo mendax». **R.**

Quid retríbuam Dómino
pro ómnibus quæ retríbuit mihi?

Cálicem salutáris accípiam,
et nomen Dómini invocábo. **R.**

O Dómine, ego servus tuus,
ego servus tuus et fílius ancíllæ tuæ.

Dirupísti víncula mea:
tibi sacrificábo hóstiam laudis,
et nomen Dómini invocábo. **R.**

ALLELUIA

Io 12, 25

R. Allelúia.

V. Qui odit ánimam suam in hoc mundo,
in vitam ætérrnam custódiét eam.

R. Allelúia.

EVANGELIUM

Maiorem hac dilectionem nemo habet.

✠ Lécitio sancti Evangélii secúndum Ioánnem 15, 12-17

In illo témpore: Dixit Iesus discípulis suis: «Hoc est
præcéptum meum, ut diligátis ínvicem sicut diléxi vos: maió-

rem hac dilectionem nemo habet, ut animam suam quis ponat pro amicis suis.

Vos amici mei estis si faciétis quæ ego præcípíio vobis. Iam non dico vos servos, quia servus nescit quid facit dñus eius: vos autem dixi amícos, quia ómnia quæ audívi a Patre meo nota feci vobis.

Non vos me elegístis, sed ego elégi vos, et pósui vos ut vos eátis et fructum afferátis et fructus vester máneat, ut quodcúmque petiérítis Patrem in Nómíne meo det vobis.

Hæc mando vobis, ut diligátis ínvicem».

Verbum Dómini.

SUPER OBLATA

Múnera nostra tibi, Dómine, exhibémus,
supplíciter exorántes,
ut beátí Maximiliáni Mariæ exémplo,
vitam nostram tibi discámus offérre.
Per Christum.

ANT. AD COMMUNIONEM

Io 15, 13

Maiórem hac dilectionem nemo habet,
ut animam suam quis ponat pro amicis suis,
dicit Dóminus.

POST COMMUNIONEM

Quæsumus, Dómine, ut refécti Córpoze et Sanguine tuo,
eo caritátis igne accendámur,
quem ex hoc convívio
beátus Maximiliánus María accépit.
Qui vivis et regnas in sæcula sæculórum.

Die 19 augusti

S. LUDOVICI

episcopi

MEMORIA

ANT. AD INTROITUM

1 Sam. 2, 35

Suscitábo mihi sacerdotem fidélem,
qui iuxta cor meum et ánimam meam fáciét,
dicit Dominus.

COLLECTA

Deus, qui beátum Ludovicum episcopum
cæléste regnum terréno præpónere docuísti,
ac puritáte illibáta et exímia in páuperes caritáte decorásti,
concéde, ut eiúsdem virtútes æmulántes in terris,
coronári cum ipso mereámur in cælis.
Per Dóminum.

LECTIO PRIOR

Consummatus in brevi explevit tempora multa.

Léctio libri Sapiéntiæ

4, 7-14

Iustus si morte præoccupátus fúerit,
in refrigério erit;
senectus enim venerábilis est non diutúrna
neque annórum número computáta;
cani autem sunt sensus hóminis,
et ætas senectútis vita immaculáta.
Placens Deo factus est diléctus
et vivens inter peccatóres translátus est:
raptus est, ne malítia mutáret intelléctum eius,
aut ne fíctio decíperet ánimam illíus;
fascinátio enim nugacitátis obsúrat bona,
et inconstántia concupiscéntiæ transvértit sensum sine malítia.

Consummátus in brevi explévit témpora multa;
plácita enim erat Deo ánima illíus,
propter hoc properávit
edúcere illum de médio iniquitátum.

Verbum Dei.

PSALMUS RESPONSORIUS Ps. 39, 2. 4ab. 7-8a. 8b-9. 10b-ab 11 (R.: 8a. 9a)

R. Ecce vénio, Dómine, ut fáciam voluntátem tuam.

Exspéctans exspectávi Dóminum,
et inténdit mihi.

Et immísit in os meum cánticum novum,
carmen Deo nostro. R.

Sacrifícium et oblatiónem noluísti,
aures autem fodísti mihi.

Holocáustum et pro peccáto non postulásti,
tunc dixi: «Ecce vénio. R.

In volúmine libri scriptum est de me
fácere voluntátem tuam.

Deus meus volui,
et lex tua in præcórdiis meis». R.

Dómine, tu scisti.

Iustítiam tuam non abscóndi in corde meo,
veritátem tuam et salutáre tuum dixi. R.

ALLELUIA

Io 15, 15b

R. Allelúia.

V. Vos dixi amícos, dicit Dóminus,
quia ómnia quæ audívi a Patre meo
nota feci vobis.

R. Allelúia.

EVANGELIUM

Dispono vobis, sicut disposuit mihi Pater meus, regnum.

✠ Lécitio sancti Evangélii secúndum Lucam 22, 24-30

In illo témpore: Facta est conténtio inter Apóstolos, quis eórum viderétur esse maior.

Dixit autem eis: «Reges géntium dominántur eórum et qui potestátem habent super eos benéfici vocántur. Vos autem non sic, sed qui maior est in vobis fiat sicut iúnior, et qui præcéssor est, sicut ministrátor.

Nam quis maior est, qui recúmbit an qui minístrat? Nonne qui recúmbit? Ego autem in médio vestrum sum sicut qui minístrat.

Vos autem estis qui permansístis mecum in tentatiónibus meis; et ego dispóno vobis sicut dispósuit mihi Pater meus Regnum, ut edátis et bibátis super mensam meam in Regno meo, et sedeátis super thronos iudicántes duódecim tribus Israel».

Verbum Dómini.

SUPER OBLATA

Súscipe, Dómine, hæc múnera pópuli tui
quæ tibi in beáti Ludovíci festivitáte offérimus,
ut per éadem, sicut confídimus,
tuæ pietátis sentiámus auxílium.
Per Christum.

ANT. AD COMMUNIONEM

Mt 25, 23

Euge, serve bone et fidélis,
super pauca fuísti fidélis,
supra multa te constítuam:
intra in gáudium Dómini tui.

POST COMMUNIONEM

Sacraménta quæ sumpsimus, Dómine Deus noster,
in nobis fóveant caritátis ardórem
quo beátus Ludovícus veheménter accénsus
pro Ecclésia tua se iúgiter impendébat.
Per Christum.

Die 25 augusti
S. LUDOVICI IX
regis

MEMORIA

ANT. AD INTROITUM

Mal. 2, 6

Lex veritátis fuit in ore eius,
et iníquitas non est invénta in lábiis eius;
in pace et in æquitáte ambulávit mecum
et multos avértit ab iniquitáte.

COLLECTA

Deus, qui beátum Ludovicum e terréni regíminis cura
ad cæléstis regni glóriam transtulísti,
eius quæsumus intercessióne concéde,
ut per múnera temporália quæ gérimus,
regnum tuum quærámus ætérnum.
Per Dóminum.

LECTIO PRIOR

Sapientia attulit illi sceptrum regni.

Léctio libri Sapiéntiæ

10, 10-14

Iustum dedúxit Dóminus per vías rectas,
et osténdit illi regnum Dei,
et dedit illi sciéntiam sanctórum,
honestávit illum in labóribus
et complévit labóres illíus,
in fraude circumveniéntium illum áffuit illi
et honéstum fecit illum.
Custodívit illum ab inimícis
et a seductóribus tutávit illum
et certámen forte dedit illi, ut vínceret
et sciret quóniam ómnium poténtior est sapiéntia.

Hæc vénditum iustum non derelíquit,
sed a peccatóribus liberávit eum
descendítque cum illo in fóveam
et in vínculis non derelíquit illum,
donec afférret illi sceptrum regni
et poténtiam advérsus eos qui eum deprimébant,
et mendáces osténdit qui maculavérunt illum,
et dedit illi claritátem ætérrnam.

Verbum Dei.

PSALMUS RESPONSORIUS

Ps. 88, 8. 12. 20. 22. 27-28

R. Pater meus es tu et Deus meus.

Deus, metuéndus in consílio sanctórum,
magnus et terríbilis super omnes qui in circúitu eius sunt.
Tui sunt cæli, et tua est terra,
orbem terræ et plenitúdinem eius tu fundásti.
Aquilónem et Austrum tu creásti. **R.**

Tunc locútus es in visióne sanctis tuis, et dixísti:
«Pósui audiutórium in potén-te,
et exaltávi eléctum de plebe.
Manus mea firma erit cum eo,
et bráchium meum confortábit eum. **R.**

Ipse invocábit me: Pater meus es tu,
Deus meus et refúgium salútis meæ.
Et ego primogénitum ponam illum,
excélsum præ régibus terræ». **R.**

ALLELUIA

Ps. 88, 25

R. Allelúia.

V. Véritas mea et misericórdia mea cum ipso
et in nómine meo exaltábitur cornu eius.

R. Allelúia.

EVANGELIUM

In modico fidelis super plura habebis potestatem.

✠ Lectio sancti Evangélíi secúndum Lucam

19, 12-19

In illo témpore: Dixit Iesus discíplis suis: «Homo quidam nóbilis ábiit in regiónem longínquam accípere sibi regnum et revértil. Vocátis autem decem servis suis, dedit illis decem minas, et ait ad illos: Negotiámini dum vénio.

Cives autem eius óderant illum, et misérunt legatiónem post illum dicéntes: Nólumus hunc regnáre super nos.

Et factum est ut redíret, accépto regno, et iussit ad se vocári servos illos quibus dedit pecúniam, ut sciret quantum negotiáti essent.

Venit autem primus dicens: Dómine, mina tua decem minas acquisívit. Et ait illi: Euge, bone serve, quia in módico fidélis fuísti, esto potestátem habens supra decem civitátes.

Et alter venit dicens: Mina tua, dómine, fecit quinque minas. Et huic ait: Et tu esto supra quinque civitátes».

Verbum Dómini.

SUPER OBLATA

Præsénti oblatióne, Dómine,
in beáti Ludovíci commemoratióne deláta,
fidélibus tuis, quáesumus, pacis et unitátis dona largíre.
Per Christum.

ANT. AD COMMUNIONEM

Mt 6, 33

Quáerite primum Regnum Dei et iustítiam eius,
et hæc omnia adiciéntur vobis.

POST COMMUNIONEM

Sacraménta quæ sumpsimus, Dómine,
in commemoratióne beáti Ludovíci
mentes et corda nostra sanctíficent,
ut divínæ consórtes natúræ éffici mereámur.
Per Christum.

Die 2 septembris

BB. IOANNIS FRANCISCI BURTÉ,
SEVERINI GIRAULT ET SOCIORUM

martyrum

ANT. AD INTROITUM

Gaudent in cælis ánimæ sanctórum,
qui Christi vestígia sunt secúti:
et quia pro eius amóre ságuinem suum fuderunt,
ídeo cum Christo exsúltant sine fine.

COLLECTA

Fac nos, Dómine Deus,
beatórum Ioánnis Francísci, Severíni et sociórum mártýrum
fidem cógrua devotióne sectári,
qui Ecclésiæ tuæ usque in finem fidéliter serviéntes,
martyrii palmam meruérunt obtinére.
Per Dóminum.

LECTIO PRIOR

*Neque mors neque vita
poterit nos separare a caritate Dei.*

Léctio Epístolæ beáti Pauli apóstoli ad Romános 8, 34b-39

Fratres: Si Deus pro nobis, quis contra nos? Qui Fílio suo non pepércit, sed pro nobis ómnibus trádedit illum, quómo-
modo non étiam cum illo ómnia nobis donábit? Quis accu-
sábit advérsus eléctos Dei? Deus qui iustificat; quis est qui
condémnet?

Christus Iesus qui mórtuus est, immo qui suscitátus est,
qui et est ad dexteram Dei, qui étiam interpéllat pro nobis.
Quis nos separábit a caritáte Christi? Tribulátio an angústia
an persecútio an fames an núditas an perículum an gladius?

Sicut scriptum est: «Propter te mortificámur tota die, æstímáti sumus ut oves occisiónis».

Sed in his ómnibus supervíncimus per eum qui diléxit nos. Certus sum enim quia neque mors neque víta neque ángeli neque principátus neque instántia neque futúra neque virtútes neque altitúdo neque profúndum neque ália quælibet creatúra póterit nos separáre a caritáte Dei quæ est in Christo Iesu Dómino nostro.

Verbum Dei.

PSALMUS RESPONSORIUS

Ps. 125, 1-2ab. 2cd-3. 4-5. 6 (R.: 5)

R. Qui sémant in lácrimis, in exsultatióne metent.

In converténdo Dóminus captivitátem Sion,
facti sumus quasi somniátes.

Tunc replétum est gáudio os nostrum,
et lingua nostra exsultatióne. **R.**

Tunc dicébant inter gentes:

«Magnificávit Dóminus fácere cum eis».

Magnificávit Dóminus fácere nobíscum;
facti sumus lætátes. **R.**

Convérte, Dómine, captivitatem nostram,
sicut torréntes in Austro.

Qui sémant in lácrimis,
in exsultatióne metent. **R.**

Eúntes ibant et flebant,
semen spargéndum portátes;
veníentes autem vénient in exsultatióne
portátes manípulos suos. **R.**

ALLELUIA

R. Allelúia.

V. Te Deum laudámus, te Dóminum confitémur;
te mártyrum candidátus laudat exércitus.

R. Allelúia.

EVANGELIUM

Si me persecuti sunt, et vos persequentur.

✠ Lécio sancti Evangélii secundum Ioánnem 15, 18-21

In illo témpore: Dixit Iesus discípulis suis: «Si mundus vos odit, scitôte quia me priórem vobis ódio hábuit. Si de mundo essétis, mundus quod suum est diligeret; quia vero de mundo non estis, sed ego elégi vos de mundo, proptérea odit vos mundus.

Mementôte sermónis quem ego dixi vobis: Non est servus maior dómino suo. Si me persecúti sunt, et vos persequéntur; si sermónem meum servavérunt, et vestrum servábunt. Sed hæc ómnia fácient vobis propter Nomen meum, quia nésciunt Eum qui misit me».

Verbum Dómini.

SUPER OBLATA

Hóstias tibi, Dómine,
pro commemoratióne beatórum Mártyrum offérimus,
suppliciter deprecántes,
ut, sicut illis præbuísti sacræ fídei claritátem,
sic nobis indulgéntiam largiáris et pacem.
Per Christum.

AD COMMUNIONEM

2 Cor. 4, 11

In mortem trádimur propter Iesum,
ut et vita Iesu manifestétur in carne nostra mortáli.

POST COMMUNIONEM

Concéde nobis, Dómine, per hæc sacraménta cæléstia,
gratiam in beatórum mártýrum Ioánnis Francísci,
Severíni et sociórum celebritáte múltiplicem,
ut de tanti agóne certáminis
discámus et firma solidári patiéntia,
et pia exsultáre victória.
Per Christum.

Die 4 septembris
S. ROSÆ DE VITERBO
virginis

ANT. AD INTROITUM

Ps. 118, 46-47

Loquar de testimoniis tuis in conspectu regum,
et non confundar.
Et delectabor in præceptis tuis, quæ diléxi.

COLLECTA

Deus qui in beáta Rosa miram ánimi fortitudinem
iuveníli ætáte cum innocentíæ candóre sociásti;
tribue, quæsumus,
ut eius virtútes æmulánte in terris,
gáudiis cum ipsa perfruámur ætéris.
Per Dóminum.

LECTIO PRIOR

Fortis est ut mors dilectio.

Léctio libri Cántici Cantorum

8, 6-7

Pone me ut signáculum super cor tuum,
ut signáculum super bráchium tuum,
quia fortis est ut mors diléctio,
dura sicut inférnus æmulátio,
lámpades eius lámpades ignis atque flammárum.
Aquæ multæ non potuérunt exstinguere caritátem,
nec flúmina óbrient illam.
Si déderit homo omnem substántiam domus suæ,
pro dilectióne quasi nihil despíciat eam.
Verbum Dei.

PSALMUS RESPONSORIUS

Ps. 44, 11-12. 14-15. 16 (R.: cfr. Mt 25, 6)

R. Ecce Sponsus: exíte óbviām Christo Dómino.

Audi, fília, et vide, et inclína aurem tuam,
et oblivíscere pópulum tuum et domum patris tui;
et concupíscet rex spéciem tuam.

Quoniam ipse est dóminus tuus et adóra eum. **R.**

Gloriósā nimis fília regis intrínsecus,
textúris áureis circumamícta.

In véstibus variegátis adducétur regi. **R.**

Vírgines post eam, próxímæ eius, afferúntur tibi.

Afferúntur in lætítia et exsultatióne,
adducúntur in domum regis. **R.**

ALLELUIA

R. Allelúia.

V. Veni, sponsa Christi, áccipe corónam
quam Dóminus tibi præparávit in ætérnum.

R. Allelúia.

EVANGELIUM

*Ecce Sponsus venit: exite obviam ei.***✠** Lécio sancti Evangélíi secúndum Matthæum 25, 1-13

In illo témpore: Dixit Iesus discípulis suis parábolam hanc: «Símile erit Regnum cælórum decem virgínibus, quæ accipiéntes lámpades suas exiérunt óbviām sponso. Quinque autem ex eis erant fátuæ et quinque prudéntes. Fátuæ enim, accéptis lampádibus suis, non sumpsérunt óleum secum; prudéntes vero accepérunt óleum in vasis cum lampádibus suis.

Moram autem faciéntē sponso, dormitavérunt omnes et dormiérunt.

Média autem nocte clamor factus est: Ecce sponsus, exíte óbviām ei. Tunc surrexérunt omnes vírgines illæ et ornavérunt lámpades suas. Fátuæ autem sapiéntibus dixérunt: Date nobis de óleo vestro, quia lámpades nostræ extingúntur.

tur. Respondérunt prudéntes dicéntes: Ne forte non suffíciat nobis et vobis, ite pótius ad vendéntes et émite vobis.

Dum autem irent émere, venit sponsus, et quæ parátæ erant intravérunt cum eo ad núptias, et clausa est iánua. Novíssime autem veniunt et réliquæ vírgines dicéntes: Dómine, Dómine, áperi nobis.

At ille respóndens ait: Amen dico vobis, néschio vos.

Vigiláte itaque, quia nescítis diem neque horam».

Verbum Dómini.

SUPER OBLATA

In beáta vírgine Rosa te, Dómine, mirábilem prædicántes,
maiestátem tuam suppliciter exorámus,
ut, sicut eius tibi grata sunt mérita,
sic nostræ servitútis accépta reddántur offícia.
Per Christum.

ANT. AD COMMUNIONEM

Lc 10, 42

Optimam partem elégit sibi virgo prudens,
quæ non auferétur ab ea.

POST COMMUNIONEM

Cæléstibus, Dómine, pasti delíciis,
te súplices exorámus
ut, intercedénte beáta Rosa vírgine,
ad cænam nuptiárum Agni perveníre valeámus:
Qui vivit.

Die 17 septembris

S.P.N. FRANCISCI IN IMPRESSIONE STIGMATUM
FESTUM

ANT. AD INTROITUM

Gal 6, 14

Mihi absit gloriári,
nisi in cruce Dómini nostri Iesu Christi,
per quem mihi mundus crucifíxus est
et ego mundo.

COLLECTA

Deus, qui ad inflammándum corda nostra tui amóris igne,
passiónis Fílii tui signa
in carne beáti Patris Francísci mirífice renovásti;
concéde, ipso intercedénte,
ut morti eiúsdem Filii tui configuráti,
simul et resurrectionis partícipes efficiámur.
Per Dóminum.

[Si celebratur ad modum *Sollemnitatis*, pro prima lectione sumitur ea quæ est prima in Sollemnitate S. Francisci die 4 octobris; et hæc pro secunda].

LECTIO PRIOR

Ego stigmata Iesu in corpore meo porto.

Léctio Epístolæ beáti Pauli apóstoli ad Gálatas

6, 14-18

Fratres:

Mihi absit gloriári,
nisi in cruce Dómini nostri Iesu Christi,
per quem mihi mundus crucifíxus est
et ego mundo.

Neque enim, circumcísio áliquid est,
neque præpútium, sed nova creatúra.
Et quicúmque hanc régulam secúti fúerint,
pax super illos et misericórdia,
et super Israel Dei.

De cétero nemo mihi moléstus sit,
ego enim stígmata Iesu in córpore meo porto.
Grátia Dómini nostri Iesu Christi
cum spírítu vestro, fratres.
Amen.

Verbum Dei.

PSALMUS RESPONSORIUS

Cfr. Gal. 2, 16, 19. 20; Phil. 1, 20-23.

R. Christo confíxus sum cruci.

Iustificátur homo per fidem Iesu Christi.
Nos in Christum Iesum credídimus,
ut iustificémur ex fide Christi. **R.**

Christus diléxit me et trádedit se ipsum pro me.
Christus magnificábitur in córpore meo,
sive per vitam sive per mortem. **R.**

Mihi vívere Christus est et mori lucrum:
desidérium habens dissólvi
et esse cum Christo. **R.**

ALLELUIA

Gal. 2, 19-20

R. Allelúia.

V. Christo confíxus sum cruci:
vivo autem iam non ego,
vivit vero in me Christus.

R. Allelúia.

EVANGELIUM

*Qui perdiderit animam suam propter me,
salvam faciet illam.*

✠ Lécio sancti Evangélíi secúndum Lucam

9, 23-26

In illo témpore: Dicébat Iesus ad omnes: «Si quis vult
post me veníre, ábneget se ipsum et tollat crucem suam co-
tidie, et sequátur me.

Qui enim volúerit ánimam suam salvam fácere, perdet illam; qui autem perdíderit ánimam suam propter me, hic salvam fáciet illam.

Quid enim próficit homo si lucrétur univérsum mundum, se autem ipsum perdat vel detriméntum sui faciat?

Nam qui me erubúerit et meos sermónes, hunc Fílius hóminis erubéscet, cum vénerit in gloria sua et Patris et sanctórum angelórum».

Verbum Dómini.

SUPER OBLATA

Adsit nobis, quáesumus, Dómine,
beáti Patris Francisci húmilis et devóta supplicátio,
et præsta ut, huius oblatiόνis virtúte,
Passiόνis Fílii tui salutárem sentiámus efféctum.
Per Christum.

Præfatio S. Francisci, uti die 4 octobris (p. 222).

ANT. AD COMMUNIONEM

Cfr. Mt 16, 24

Qui vult post me veníre, ábneget semetípsum
et tollat crucem suam et sequátur me, dicit Dóminus.

POST COMMUNIONEM

Deus, qui mira crucis mystéria
in beáto Patre Francisco multifórmiter demonstrásti,
da nobis, quáesumus,
eiúsdem devotiόνis exémpla sectári,
et assídua crucis meditatióne muníri.
Per Christum.

Die 18 septembris
S. IOSEPH DE COPERTINO
presbyteri

FESTUM

ANT. AD INTROITUM

Sir. 1, 14-15

Diléctio Dei honorábilis sapiéntia:
quibus autem apparúerit in visu
dílígunt eam in visióne,
et in agnitióne magnálium suórum.

COLLECTA

Deus, qui mirábili sapiéntiæ consílio
ad Unigénitum tuum exaltátum e terra
ómnia tráhere disposuísti,
pérfice propítius ut, beáti Ioseph méritis et exémplo,
e terrénis cupiditatibus expediti,
eídem Filio tuo perfécte conformári valeámus.
Qui tecum vivit.

LECTIO PRIOR

Si caritatem non habuero nihil sum.

Léctio Epístolæ primæ beáti Pauli apóstoli
ad Corínthios

12, 31; 13, 1-10. 13

Fratres:

Æmulámini charísmata maióra.
Et adhuc excellentiorem viam vobis demónstro.
Si linguis hóminum loquar et angelórum,
caritátem autem non hábeam,
factus sum velut æs sonans aut cýmbalum tínniens.
Et si habúero prophetíam
et nóverim mystéria ómnia et omnem sciéntiam,

et si habúero omnem fidem ita ut montes tránsferam,
caritátem autem non habúero,
nihil sum.

Et si distribúero in cibos omnes facultátes meas,
et si tradídero corpus meum ut glórier,
caritátem autem non habúero,
nihil mihi prodest.

Cáritas pátiens est,
benígna est cáritas,
non æmulátur,
non agit supérbe,
non inflátur,
non est ambióiða,
non quærit quæ sua sunt,
non irritátur,
non cógitat malum,
non gaudet super iniquitátem,
congáudet autem veritáti:
ómnia suffert,
ómnia credit,
ómnia sperat,
ómnia sústinet.

Cáritas numquam éxcidit.
Sive prophetíæ, evacuabúntur;
sive linguæ, cessábunt;
sive sciéntia, destruétur.

Ex parte enim cognóscimus
et ex parte prophetámus;
cum autem vénerit quod perféctum est,
evacuábitur quod ex parte est.

Nunc autem manet
fides, spes, cáritas,
tria hæc;
maior autem ex his est cáritas.

Verbum Dei.

PSALMUS RESPONSORIUS

Ps. 24, 2-5. 8-10

R. Dírige me in veritáte tua, Dómine.

Ad te, Dómine, levávi ánimam meam,
Deus meus, in te confído: non erubéscam;
étenim univérsi qui sústinent te, non confundéntur. **R.**

Vias tuas, Dómine, demónstra mihi,
et sémitas tuas édoce me.
Dírige me in veritáte tua et doce me,
quia tu es Deus salútis meæ,
et te sustínui tota die. **R.**

Dulcis et rectus Dóminus,
propter hoc peccatóres viam docébit;
díriget mansuétos in iudício,
docébit mites vias suas. **R.**

Univérsæ viæ Dómini misericórdia et véritas
custodiéntibus testaméntum eius et testimónia eius. **R.**

ALLELUIA

Sir. 11, 13

R. Allelúia.

V. Oculus Dei respéxit illum in bono,
et eréxit eum ab humilitáte ipsíus.

R. Allelúia.

EVANGELIUM

Abscondisti hæc a sapientibus et revelasti ea parvulis.

✠ Lécio sancti Evangélii secúndum Matthæum **11, 25-30**

In illo témpore: Respóndens Iesus dixit: «Confíteor tibi, Pater, Dómine cæli et terræ, quia abscondisti hæc a sapiéntibus et prudéntibus et revelásti ea párvulis.

Ita, Pater, quóniam sic fuit plácitum ante te. Omnia mihi trádicta sunt a Patre meo; et nemo novit Fílium nisi Pater, neque Patrem quis novit nisi Fílius et cui volúerit Fílius reveláre.

Veníte ad me omnes qui laborátis et oneráti estis, et ego refíciam vos.

Tóllite iugum meum super vos et díscite a me, quia mitis sum et húmilis corde, et inveniétis réquiem animábus vestris; iugum enim meum suave et onus meum leve est».

Verbum Dómini.

SUPER OBLATA

Accépta tibi sint, quáesumus, Dómine,
múnera nostræ servitútis
pro beáti Ioseph commemoratióne altári tuo propósita,
et concéde, ut, a terrénis impediméntis absolúti,
te solo dívites efficiámur.
Per Christum.

Præfatio de sanctis Religiosis.

ANT. AD COMMUNIONEM

Ps. 68, 30-31. 33

Salus tua, Deus, suscepit me.
Laudábo nomen Dei cum cántico.
Videant húmiles et læténtur;
quærite Deum, et vivet cor vestrum.

POST COMMUNIONEM

Angelórum dape refécti, te Dómine, deprecámur,
ut sicut in fortitúdine huius panis
beátus Ioseph advérsa ómnia invícta constántia tolerávit,
ita nos de virtúte in virtútem proficiéntes
ad te perveníre valeámus.
Per Christum.

Die 20 septembris

S. FRANCISCI MARIÆ DE CAMPOROSSO

religiosi

MEMORIA

ANT. AD INTROITUM

Ps. 111, 9

Distribuit, dedit pauperibus;
iustitia eius manet in sæculum sæculi.

COLLECTA

Deus, qui beátum Francíscum Mariám,
in humilitáte tibi serviéntem,
per omne caritátis opus mirábilem effecísti,
da nobis, eius intercessióne et exémplo,
in sincéro et húmili servítio
fratrum nostrórum iúgiter permanére.
Per Dóminum.

LECTIO PRIOR

Estote sine querela et simplices filii Dei.

Lectio Epístolæ beáti Pauli apóstoli
ad Philippéenses

2, 13-18

Caríssimi: Deus est qui operátur in vobis et velle et perfícere pro suo beneplácito.

Omnia fácite sine murmuratióibus et hæsitatióibus ut efficiámini sine queréla et símplex, fílii Dei sine reprehensióne in médio generatiónis pravæ et pervérsæ, inter quos lucétis sicut luminária in mundo, verbum vitæ conti-néntes, ad glóriam meam in die Christi, quia non in vácuum cucúrri neque in vácuum laborávi.

Sed et si delíbor supra sacrificium et obséquium fídei vestræ, gáudeo et congáudeo ómnibus vobis; idípsum autem et vos gaudéte et congaudéte mihi.

Verbum Dei.

PSALMUS RESPONSORIUS

Ps. 111, 1. 4-7. 9

R. In memória æténa erit iustus.Beátus vir qui timet Dóminum,
in mandátis eius cupit nimis.Exórtum est in ténebris lumen rectis,
miséricors et miserátor et iustus. **R.**Iucúndus homo qui miserétur et cómmodat,
dispónet res suas in iudício,
quia in ætérnum non commovébitur. **R.**In memória æténa erit iustus,
ab auditióne mala non timébit.
Parátum cor eius, sperans in Dómino. **R.**Distribuit, dedit paupéribus.
Iustítia eius manet in sáculum sáculi,
cornu eius exaltábitur in gloria. **R.**

ALLELUIA

Io 13, 34-35

R. Allelúia.**V.** Mandátum novum do vobis,
ut diligátis ínvicem, sicut diléxi vos,
in hoc cognóscet omnes quia mei discípuli estis.**R.** Allelúia.

EVANGELIUM

*Ego elegi vos ut fructum afferatis.***✠** Lécio sancti Evangélii secúndum Ioánnem **15, 12-17**

In illo témpore: Dixit Iesus ad discípulos suos: «Hoc est præcéptum meum, ut diligátis ínvicem sicut diléxi vos: maiórem hac dilectiónem nemo habet, ut ánimam suam quis ponat pro amícis suis.

Vos amíci mei estis si faciétis quæ ego præcípíio vobis. Iam non dico vos servos, quia servus nescit quid facit dóminus eius: vos autem dixi amícos, quia ómnia quæ audívi a Patre meo nota feci vobis.

Non vos me elegístis, sed ego elégi vos et pósui vos
ut vos eátis et fructum afferátis et fructus vester máneat, ut
quodcúmque petiérítis Patrem in nómine meo, det vobis.

Hæc mando vobis, ut diligátis ínvicem».

Verbum Dómini.

SUPER OBLATA

Oblatióem nostram, quæsumus, Dómine,
beáti Francísci Mariæ mérita veneránda comméndent,
quí caritátis laude se tibi acceptábile óbtulit holocáustum.
Per Christum.

ANT. AD COMMUNIONEM

Cfr. Mc 10, 45

Fílius hómínis venit ut daret ánimam suam
redemptiόem pro multis.

POST COMMUNIONEM

Cæléstis, Dómine, participátio sacraménti,
mortális vitæ consolétur angústias,
nosque supérnæ pátriæ fáciat prægustáre delicias.
Per Christum.



Die 4 octobris
S. P. N. FRANCISCI
Diaconi
Trium Ordinum Fundatoris

SOLLEMNITAS

ANT. AD INTROITUM

Gaudeámus omnes in Dómino,
diem festum celebrántes
sub honóre beáti Patris Francísci,
de cuius sollemnitate gaudent Angeli,
et colláudant Fílium Dei.

In Missis votivis per annum

Vir Dei Francíscus relíquit domum suam,
dimísit hereditátem suam,
inops et pauper factus est:
Dóminus autem assúmpsit eum.

COLLECTA

Deus, qui seráphico Patri Francíscó,
paupertáte et humilitáte Christo configurári tribuísti,
concéde ut, per illíus sémitas gradiéntes,
Fílium tuum sequi,
et tibi coniúngi læta valeámus caritate.
Per Dóminum.

LECTIO PRIMA

Franciscus quasi sol refulgens, effulsit in templo Dei.

Lectio libri Sirácida

50, 1. 3-7

Ecce qui in vita sua suffúlsit domum
et in diébus suis corroborávit templum.
In diébus ipsíus emanavérunt pútei aquárum
et quasi mare adimpléti sunt supra modum.
Qui curávit gentem suam et liberávit eam a perditione,
qui præváluit amplificáre civitátem,
qui adéptus est glóriam in conversatióne gentis
et ingrèssum domus et átrii amplificávit.
Quasi stella matutína in médio nébulá
et quasi luna plena in diébus suis lucet
et quasi sol refúlgens,
sic ille effúlsit in templo Dei.

Verbum Dei.

PSALMUS RESPONSORIUS

Ps. 15, 1-2a et 5. 7-8. 11 (R.: 5a)

R. Tu es, Dómine, pars hereditátis meæ.

Consérva me, Deus, quóniam sperávi in te.

Dixi Dómino: «Dóminus meus es tu.

Dóminus pars hereditátis meæ et cálicis mei:
tu es qui détines sortem meam». **R.**

Benedícam Dóminum qui tríbuit mihi intelléctum;
ínsuper et in nóctibus erudiérunt me renes mei.
Proponébam Dóminum in conspéctu meo semper,
quóniam a dextris est mihi, non commovébor. **R.**

Notas mihi fácies vias vitæ,
plenitúdinem lætítiæ cum vultu tuo,
delectatiónes in dextera tua usque in finem. **R.**

LECTIO SECUNDA

Mihi mundus crucifixus est, et ego mundo.

Léctio Epístolæ beāti Pauli apóstoli ad Gálatas

6, 14-18

Fratres:

Mihi absit gloriári,
nisi in cruce Dómini nostri Iesu Christi,
per quem mihi mundus crucifíxus est
et ego mundo.

Neque enim circumcísio áliquid est,
neque præpútium, sed nova creatúra.
Et quicúmque hanc régulam secúti fúerint,
pax super illos et misericórdia,
et super Israel Dei.

De cétero nemo mihi moléstus sit,
ego enim stígmata Iesu in córpore meo porto.

Grátia Dómini nostri Iesu Christi
cum spíritu vestro, fratres.

Amen.

Verbum Dei.

SEQUENTIA

Hæc sequentia *ad libitum* dicitur vel integra vel forma breviori,
inde a verbis: ★ Signis crucis.

Sanctitátis nova signa
prodiérunt laude digna,
mira valde et benígna,
in Francíscro crédita.

Regulátis novi gregis
iura dantur novæ legis,
renovántur iussa Regis
per Francíscum trádita.

Novus ordo, nova vita
mundo surgit inaudíta;

restaurávit lex sancíta
statum evangélicum.

Legi Christi paris formæ
reformátur ius confórme;
tenet ritus datæ normæ
culmen apostólicum.

Chorda rudis, vestis dura
cingit, tegit sine cura;
panis datur in mensúra,
cálceus abícitur.

Paupertátem tantum quærit,
de terrénis nihil gerit,
hic Francíscus cuncta terit:
lóculus despícitur.

Quærit loca lacrimárum,
promit voces cor amárum,
gemit moestus tempus carum
pérditum in sáculo.

Montis antro sequestrátus
plorat, orat, humi stratus;
tandem mente serenátus
látitat ergástulo.

Ibi vacat, rupe tectus,
ad divína sursum vectus;
spernit ima iudex rectus,
éligit cæléstia.

Carnem frenat sub censúra
transformátam in figúra,
cibum capit de Scriptúra,
ábigit terréstria.

Tunc ab alto vir hierárcha
venit, ecce Rex monárcha,
pavet iste Patriárcha
visióne térritus.

Defert ille signa Christi,
cicatríces confert isti,
dum mirátur corde tristi
Passiónem tácitus.

Sacrum corpus consignátur,
manu, pede vulnerátur,
dextrum latus perforátur,
cruentátur ságuine.

Verba miscent, arcanórum
multa clarent futurórum,
videt Sanctus vim dictórum,
mýstico spirámine.

Patent statim miri clavi
foris nigri, intus flavi;
pungit dolor, pœna gravi
crúcient acúlei.

Cessat artis armatúra
in membrórum apertúra;
non impréssit hos natúra,
non tortúra mállei.

★ Signis crucis, quæ portásti,
per quæ mundum triumphásti,
carnem et hostem superásti,
ínclyta victória,

Nos, Francísce, tueámur,
in advérsis protegámur,
ut mercéde perfruámur
in cælésti glória.

Pater pie, Pater sancte,
plebs devóta, te iuvánte,
turba Fratrum comitánte,
mereátur præmia.

Fac consórtes supernórum,
quos infórmas vita morum;

consequatur grex Minórum
sempitérna gáudia.
Amen.

ALLELUIA

R̃. Allelúia.

Ṽ. Franciscus pauper et húmilis
cælum dives ingreditur,
hymnis cælestibus honoratur.

R̃. Allelúia.

EVANGELIUM

Abscondisti hæc a sapientibus et revelasti ea parvulis.

✠ Lécio sancti Evangélii secúndum Matthæum 11, 25-30

In illo témpore: Respóndens Iesus dixit: «Confíteor tibi, Pater, Dómine cæli et terræ, quia abscondísti hæc a sapiéntibus et prudéntibus et revelásti ea párvulis. Ita, Pater, quóniam sic fuit plácitum ante te.

Omnia mihi trádicta sunt a Patre meo; et nemo novit Fílium nisi Pater, neque Patrem quis novit nisi Fílius et cui volúerit Fílius reveláre.

Veníte ad me omnes qui laborátis et oneráti estis, et ego reficiám vos.

Tóllite iugum meum super vos et díscite a me, quia mitis sum et húmilis corde, et inveniétis réquiem animábus vestris; iugum enim meum suave et onus meum leve est».

Verbum Dómini.

SUPER OBLATA

Múnera tibi, Dómine, offeréntes,
quæsumus, ut ad mystérium crucis celebrándum
conveniénter aptémur,
cui beátus Pater Franciscus
tam ardénter adhæsit.
Per Christum.

PRÆFATIO

℣. Dóminus vobíscum.

℞. Et cum spírítu tuo.

℣. Sursum corda.

℞. Habémus ad Dóminum.

℣. Grátias agámus Dómino Deo nostro.

℞. Dignum et iustum est.

Vere dignum et iustum est, æquum et salutáre,
nos tibi semper et ubíque grátias ágere:
Dómine, sancte Pater, omnípotens ætérne Deus.

Qui fámulum tuum Francíscum,
per altíssimæ paupertátis
et humilitátis sémitas gradiéntem,
evangélicæ perfectiónis celsitúdine sublimásti.
Quem et seráphicis incénsum ardóribus,
in cunctis mánuum tuárum opéribus
ineffabíliter exsultáre fecísti,
ac sacris stigmátibus insignítum,
nobis imáginem exhibuísti Iesu crucifíxi Dómini nostri.

Per quem, maiestátem tuam laudant Angeli,
adórant Dominatiónes, tremunt Potestátes.
Cæli cælorúmque Virtútes, ac beáta Séraphim,
sócia exsultatióne concélebrant.
Cum quibus et nostras voces,
ut admítte iúbeas, deprecámur,
súpplici confessióne dicéntes:

Sanctus, Sanctus, Sanctus Dóminus Deus Sábaoth.
Pleni sunt cæli et terra gloria tua.
Hosánna in excélsis.
Benedíctus qui venit in nómine Dómini.
Hosánna in excélsis.

ANT. AD COMMUNIONEM

Cfr. 1 Petr. 4, 13

Communicávit Christi passiónibus gaudens:
et nunc in revelatióne glóriæ eius
gaudet exsúltans.

POST COMMUNIONEM

Da nobis, quæsumus, Dómine,
per hæc sancta quæ sumpsimus,
ut, beáti Patris Francísci caritátem
zelúmque apostólicum imitántes,
tuæ dilectiόνis efféctus percipiámus,
et in salútem ómnium effundámus.
Per Christum.

Die 10 octobris
SS. DANIELIS ET SOCIORUM
martyrum

ANT. AD INTROITUM

Gaudent in cælis ánimæ Sanctórum
qui Christi vestígia sunt secúti;
et quia pro eius amóre sánguinem suum fuderunt,
ídeo cum Christo exsúltant sine fine.

COLLECTA

Omnípotens sempitérne Deus,
qui sanctis Daniéli eiúsque sóciis pro Christo pati donásti,
nostræ quoque fragilitáti divínium præténde subsídium,
ut sicut illi pro te mori non dubitáru(n)t,
ita et nos fortes in tua confessióne vívere valeámus.
Per Dóminum.

LECTIO PRIOR

Quasi morientes, et ecce vivimus.

Léctio Epístolæ secúndæ beáti Pauli apóstoli
ad Corínthios

6, 4-10

Fratres: In ómnibus exhibeámus nosmetípsos sicut Dei
minístros, in multa patiéntia, in tribulatió(n)ibus, in necessi-
tátibus, in angúst(i)is, in plagis, in carcéribus, in sediti(ó)ni-
bus, in labóribus, in vigíliis, in ieiúniis, in castitáte, in sciéntia,
in longanimitáte, in suavitate, in Spírítu Sancto, in caritáte
non ficta, in verbo veritátis, in virtúte Dei: per arma ius-
titiæ a dextris et sinístris, per glóriam et ignobilitátem, per
infámiam et bonam famam: ut seductóres et veráces, sicut
qui ignóti et cógniti, quasi moriéntes et ecce vívimus, ut
castigáti et non mortificáti, quasi tristes, semper autem gau-
déntes, sicut egéntes, multos autem locupletá(n)tes, tamquam
nihil habéntes et ó(mn)ia possidéntes.

Verbum Dei.

PSALMUS RESPONSORIUS

Ps. 125, 1-2ab. 2cd-3. 4-5. 6 (R.:5)

R. Qui sémant in lácrimis, in exsultatióne metent.

In converténdo Dóminus captivitátem Sion,
facti sumus quasi somniántes.

Tunc replétum est gáudio os nostrum,
et língua nostra exsultatióne. **R.**

Tunc dicébant inter gentes:
«Magnificávit Dóminus fácere cum eis».
Magnificávit Dóminus fácere nobíscum;
facti sumus lætántes. **R.**

Convérte, Dómine, captivitátem nostram,
sicut torréntes in Austro.
Qui sémant in lácrimis,
in exsultatióne metent. **R.**

Euntes ibant et flebant,
semen spargéndum portántes;
veníentes autem vénient in exsultatióne
portántes manípulos suos. **R.**

ALLELUIA

Mt 5, 10

R. Allelúia.

V. Beáti qui persecutiónem patiúntur propter iustítiam,
quóniam ipsórum est Regnum cælórum.

R. Allelúia.

EVANGELIUM

*Ad præsides et reges ducemini propter me,
in testimonium illis et gentibus.*

✠ Lécio sancti Evangélíi secúndum Matthæum **10, 17-22**

In illo témpore: Dixit Iesus Apóstolis suis: «Cavéte
ab homínibus; tradent enim vos in concíliis, et in synagógis
suis flagellábunt vos; et ad præsides et ad reges ducemini
propter me, in testimónium illis et géntibus.

Cum autem tradent vos, nolíte cogitáre quómodo aut

quid loquámini; dábitur enim vobis in illa hora quid loquámini.

Non enim vos estis qui loquímini sed Spíritus Patris vestri qui lóquitur in vobis.

Tradet autem frater fratrem in mortem, et pater filium; et insúrgent filii in paréntes et morte eos affícient.

Et éritis odio ómnibus propter nomen meum: qui autem perseveráverit in finem, hic salvus erit».

Verbum Dómini.

SUPER OBLATA

Fiat tibi, quæsumus Dómine, hóstia sacránda placábilis
pretiósí celebritáte martýrii,
quæ et peccáta nostra puríficet
et tuórum tibi vota concíliet famulórum.
Per Christum.

ANT. AD COMMUNIONEM

Mt 10, 27

Quod dico vobis in ténebris, dícite in lúmine;
et quod in aure audítis, prædicáte super tecta,
dicit Dóminus.

POST COMMUNIONEM

Cæléstibus, Dómine, pasti delíciis,
súpplices te rogámus,
ut exémplo beatórum Daniélis et sociórum,
caritátis et passiónis Filii tui
in méntibus nostris signa ferámus
et perpétuæ pacis fructu iúgiter perfruámur.
Per Christum.

Die 12 octobris

S. SERAPHINI DE MONTEGRANARO
religiosi

ANT. AD INTROITUM

Ps. 63, 11

Lætábitur iustus in Dómino et sperábit in eo,
et gloriabúntur omnes recti corde.

COLLECTA

Deus, qui beátum Seraphínium,
multifórmi dono tui Spíritus ditátum,
mirábile testimónium divitiárum Christi nobis reliquisti,
da nos, eius intercessióne, créscere in sciéntia tua,
et secúndum Evangélii veritátem
coram te fidéliter ambuláre.
Per Dóminum.

LECTIO PRIOR

Deus operatur omnia in omnibus.

Léctio Epístolæ primæ beáti Pauli apóstoli
ad Corínthios

12, 4-11

Fratres: Divisiónes gratiárum sunt, idem autem Spíritus; et divisiónes ministratiónum sunt, idem autem Dóminus; et divisiónes operatiónum sunt, idem vero Deus, qui operátur ómnia in ómnibus.

Unicuíque autem datur manifestátio Spíritus ad utilitátem.

Alii quidem per Spíritum datur sermo sapiéntiæ, alii autem sermo sciéntiæ secúndum eundem Spíritum, álteri fides in eódem Spíritu, álii donatiónes sanitátum in uno Spíritu, álii operatiónes virtútum, álii prophetátio, álii discrétio spírituum, álii génera linguárum, álii interpretátio linguárum; hæc autem ómnia operátur unus et idem Spíritus, dívidens síngulis prout vult.

Verbum Dei.

PSALMUS RESPONSORIUS

Ps. 97, 1-4

R. Psállite Dómino in cíthara,
quóniam notam fecit salútem suam.

Cantáte Dómino cánticum novum,
quia mirabília fecit.

Salvávít sibi délixtera eius,
et bráchium sanctum eius. **R.**

Notum fecit Dóminus salutáre suum,
in conspéctu géntium revelávít iustítiam suam.
Recordátus est misericórdiæ suæ
et veritátis suæ dómui Israel. **R.**

Vidérunt omnes términi terræ
salutáre Dei nostri.

Iubiláte Deo, omnis terra,
erúmpite, exsultáte et psállite. **R.**

ALLELUIA

Col. 3, 14-15

R. Allelúia.

V. Super ómnia caritátem habéte,
quod est vínculum perfectiónis.
Et pax Christi dominétur in córdibus vestris.

R. Allelúia.

EVANGELIUM

In nomine Iesu gentes sperabunt.

✠ Lécio sancti Evangélii secúndum Mattháeum 12, 15-21

In illo témpore: Secúti sunt Iesum multi, et curávít eos omnes, et comminátus est eis ne maniféstum eum fácerent, ut adimplerétur quod dictum est per Isaíam prophétam dicéntem: «Ecce puer meus quem elégi, diléctus meus in quo bene plácuít ánimæ meæ; ponam Spíritum meum super eum, et iudícium géntibus nuntiábit.

Non conténdet neque clamábit, neque áudiet áliquis in platéis vocem eius.

Harúndinem quassátam non confrínget et linum fúmi-
gans non exstínguet, donec eíciat ad victóriam iudícium; et
in nómine eius gentes sperábunt».

Verbum Dómini.

SUPER OBLATA

Múnera nostra sacris altáribus offeréntes
in memória beáti Seraphíni,
quáesumus, Dómine,
ut verum nobis spíritum humilitátis
et simplicitátis concédere dignéris.
Per Christum.

ANT. AD COMMUNIONEM

Rom. 5, 5

Cáritas Dei diffúsa est in córdibus nostris
per Spíritum Sanctum qui datus est nobis.

POST COMMUNIONEM

Quáesumus, omnípotens Deus,
ut, qui huius sacraménti munímur virtúte,
exémplo beáti Seraphíni
discámus te super ómnia semper inquirere,
et novi hóminis formam in hoc sáculo portáre.
Per Christum.

Die 19 octobris
S. PETRI DE ALCANTARA
presbyteri
MEMORIA

ANT. AD INTROITUM

Gal. 6, 14

Mihi absit gloriári,
nisi in cruce Dómini nostri Iesu Christi,
per quem mihi mundus crucifíxus est et ego mundo.

COLLECTA

Deus, qui beátum Petrum admirábilis pæniténtiæ
et altíssimæ contemplatiónis múnere
illustráre dignátus es,
concéde propítius, ut eius suffragántibus méritis,
carne mortificáti,
cæléstium donórum partícipes fieri mereámur.
Per Dóminum.

LECTIO PRIOR

Omnia detrimentum feci ut Christum lucri faciam.

Léctio Epístolæ beáti Pauli apóstoli ad Philippéenses 3, 8-14

Fratres: Exístimo ómnia detriméntum esse propter emi-
néntiam sciéntiæ Christi Iesu Dómini mei, propter quem
ómnia detriméntum feci, et árbitror ut stércora ut Christum
lucri fáciam et invéniam in illo, non habens meam iustítiam
quæ ex Lege est, sed illam quæ per fidem est Christi, quæ
ex Deo est iustítia in fide, ad cognoscéndum illum et virtútem
Resurrectiόνis eius et communiómem passiόνum illíus, con-
fórmans me morti eius, si quo modo occúrram ad resurrec-
tiómem quæ est ex mórtuis.

Non quod iam accéperim aut iam perféctus sim, pérse-
quor autem si umquam comprehéndam, sicut et compréhensus
sum a Christo Iesu.

Fratres, ego me non árbítror comprehendísse; unum autem, quæ quidem retro sunt oblivíscens, ad ea vero quæ ante sunt exténdens me, ad destinátum pérsequor, ad bravíum supérnæ vocatiónis Dei in Christo Iesu.

Verbum Dei.

PSALMUS RESPONSORIUS

Ps. 15, 1-2a et 5. 7-8. 11 (R.: 5a)

R. Tu es, Dómine, pars hereditátis meæ.

Consérva me, Deus, quóniam sperávi in te.

Dixi Dómino: «Dóminus meus es tu.

Dóminus pars hereditátis meæ et cálicis mei:

tu es qui détnes sortem meam». **R.**

Benedícam Dóminum qui tríbuit mihi intelléctum;

ínsuper et in nóctibus erudiérunt me renes mei.

Proponébam Dóminum in conspéctu meo semper, quóniam a dextris est mihi, non commovébor. **R.**

Notas mihi fácies vias vitæ,

plenitúdinem lætítiæ cum vultu tuo,

delectatiónes in dextera tua usque in finem. **R.**

ALLELUIA

Ps. 54, 23

R. Allelúia.

V. Iacta super Dóminum cūram tuam,
et ipse te enútriet;
non dabit in ætérnum fluctuatiónem iusto.

R. Allelúia.

EVANGELIUM

Quærite primum regnum Dei et omnia adicientur vobis.

✠ Lécio sancti Evangélii secúndum Lucam 12, 22-31

In illo témpore: Dixit Iesus ad discípulos suos: «Dico vobis, nolíte solliciti esse ánimæ quid manducétis, neque córpori quid vestiámini. Anima enim plus est quam esca et corpus quam vestiméntum.

Consideráte corvos quia non séminant neque metunt, quibus non est cellárium neque hórreum et Deus pascit illos: quanto magis vos pluris estis volúcribus.

Quis autem vestrum cogitádo potest adícere ad ætátem suam cúbitum? Si ergo neque quod mínimum est potéstis, quid de céteris sollíciti estis?

Consideráte lília quómodo crescunt: non labórant, neque nent; dico autem vobis: Nec Sálomon in omni glória sua vestiebátur sicut unum ex istis. Si autem fenum, quod hódie in agro est et cras in clíbanum míttitur, Deus sic vestit, quanto magis vos, pusíllæ fídei.

Et vos nolíte quérere quid manducétis aut quid bibátis, et nolíte sollíciti esse; hæc enim ómnia gentes mundi quærunt; Pater autem vester scit quóniam his indigétis. Verúm-tamen quéríte Regnum eius, et hæc adiciéntur vobis».

Verbum Dómini.

SUPER OBLATA

Oblatióem nostram, quæsumus Dómine,
beáti Petri méritis placátus assúme,
quam puríssimis ipse mánibus contrectávit et óbtulit.
Per Christum.

ANT. AD COMMUNIONEM

Ps. 33, 9

Gustáte et vidéte quóniam suavis est Dóminus;
beátus vir qui sperat in eo.

POST COMMUNIONEM

Præsta quæsumus, omnípotens Deus,
ut fructum quem de cælésti hoc convívio
beátus Petrus percépít,
ipsi quoque percípere mereámur.
Per Christum.

Die 20 octobris

B. IACOBI DE STREPIS
episcopi

ANT. AD INTROITUM

Elégit eum Dóminus sibi in sacerdotem magnum,
et apériens thesáurum suum
abundáre eum fecit in ómnibus bonis.

COLLECTA

Deus, qui in beáto Iacóbo epíscopo
apostólicum evangelizándi spíritum renovásti,
eius intercessióne concéde,
ut Ecclésia tua fidei et sanctitátis
nova semper incrementa suscípiat.
Per Dóminum.

LECTIO PRIOR

*Sicut visitat pastor gregem suum,
sic visitabo oves meas.*

Léctio libri Ezechiélis prophétæ

34, 11-16

Hæc dicit Dóminus: «Ecce ego ipse requíram oves meas
et visitábo eas: sicut vísitat pastor gregem suum in die
quando fúerit in médio óvium suárum dissipatárum, sic vi-
sitábo oves meas et liberábo eas de ómnibus locis, in quibus
dispérsæ fúerant in die nubis et calígini.

Et edúcam eas de pópulis, et congregábo eas de terris,
et indúcam eas in terram suam, et pascam eas in móntibus
Israel, in rivis et in cunctis sédibus terræ; in páscuis ubér-
rimis pascam eas, et in móntibus excélsis Israel erunt páscua
eárum: ibi requiéscent in herbis viréntibus, et in páscuis
pínguibus pascéntur super montes Israel.

Ego pascam oves meas et ego eas accubáre fáciam, dicit
Dóminus Deus.

Quod perierat requíram, et quod abiéctum erat redúcam, et quod confráctum fúerat alligábo, et quod infírmum fúerat consolidábo, et quod pínque et forte custódiam, et pascam illas in iudício».

Verbum Dei.

PSALMUS RESPONSORIUS

Ps. 22, 1-3 4. 5. 6 (R.: 1)

R̃. Dóminus pascit me, et nihil mihi déerit.

Dóminus pascit me, et nihil mihi déerit.

In páscuis viréntibus me collocávit,

super aquas quiétis edúxit me,

ánimam meam refécit.

Dedúxit me super sémitas iustítiæ propter nomen suum. R̃.

Nam et si ambulávero in valle umbræ mortis,
non timébo mala, quóniam tu mecum es.

Virga tua et báculo tuus

ipsa me consólata sunt. R̃.

Parásti in conspéctu meo mensam

advérsus eos qui tríbulant me;

impinguásti in óleo caput meum,

et calix meus redúndat. R̃.

Etenim benígnitas et misericórdia subsequéntur me

ómnibus diebus vitæ meæ,

et inhabitábo in domo Dómini

in longitúdinem dierum. R̃.

ALLELUIA

Io 10, 14

R̃. Allelúia.

Ṽ. Ego sum pastor bonus, dicit Dóminus:

et cognósco oves meas, et cognóscunt me meæ.

R̃. Allelúia.

EVANGELIUM

Bonus pastor animam suam dat pro ovibus suis.

✠ Lécio sancti Evangélíi secúndum Ioánnem 10, 11-16

In illo témpore: Dixit Iesus: «Ego sum pastor bonus: bonus pastor ánimam suam ponit pro óvibus; mercenárius et qui non est pastor, cuius non sunt oves própriæ, videt lupum veniéntem et dimíttit oves et fugit — et lupus rapit eas et dispérgit — quia mercenárius est, et non pértinet ad eum de óvibus.

Ego sum pastor bonus: et cognósko meas, et cognóscunt me meæ, sicut novit me Pater, et ego agnósko Patrem: et ánimam meam pono pro óvibus.

Et álias oves hábeo quæ non sunt ex hoc ovíli, et illas opórtet me addúcere, et vocem meam áudient, et fient unus grex, unus pastor».

Verbum Dómini.

SUPER OBLATA

Hóstias, quæsumus, Dómine,
quas in commemoratióne beáti Iacóbi
sacris altáribus exhibémus,
propítius réspice,
ut, nobis indulgéntiam largiéndo,
tuo nómini dent honórem.
Per Christum.

ANT. AD COMMUNIONEM

Cfr. Lc 10, 1. 9

Misit Dóminus discípulos, qui nuntiárent civitatibus:
Appropinquávit in vos Regnum Dei.

POST COMMUNIONEM

Huius mystérii virtúte
confírma, Dómine, fámulos tuos in fide veritátis,
ut eam ubíque ore et ópere confiteántur,
pro qua beátus Iacóbus epíscopus
laboráre non déstitit et vitam suam impéndit.
Per Christum.

Die 20 octobris

B. CONTARDI FERRINI

III Ordinis

ANT. AD INTROITUM

Mal. 2, 6

Lex veritátis fuit in ore eius,
et iníquitas non est invénta in lábiis eius;
in pace et in æquitáte ambulávit mecum,
et multos avértit ab iniquitáte.

COLLECTA

Deus qui beátum Contárdum
in sciéntia cum pietáte sociánda mirábilem effecísti:
concéde nobis fámulis tuis,
ut te, verum Deum, cognóscere
et super omnia dilígere valeámus.
Per Dóminum.

LECTIO PRIOR

Induite armaturam Dei.

Léctio Epístolæ beáti Pauli apóstoli ad Ephésios 6, 10-13. 18

Fratres: Confortámini in Dómino et in poténtia virtútis eius, indúite armatúram Dei ut possítis stare advérsus insídias diáboli; quia non est nobis colluctátio advérsus sánguinem et carnem sed advérsus Principátus, advérsus Potestátes, advérsus mundi rectóres tenebrárum harum, contra spiritália nequítiae in cæléstibus.

Proptérea accípите armatúram Dei, ut possítis resístere in die malo et, ómnibus perféctis, stare; per omnem orationem et obsecrationem orántes omni témpore in Spíritu, et in ipso vigilántes in omni instántia et obsecratione pro ómnibus sanctis.

Verbum Dei.

PSALMUS RESPONSORIUS

Ps. 130

R. Non ambulávi in magnis.

Dómine, non est exaltátum cor meum,
 neque eláti sunt óculi mei;
 neque ambulávi in magnis,
 neque in mirabílibus super me. **R.**

Vere pacátam et quiétam
 feci ánimam meam,
 sicut ablactátus in sinu matris suæ,
 sicut ablactátus, ita in me est ánima mea. **R.**

Speret Israel in Dómino,
 ex hoc nunc et usque in sáculum. **R.**

ALLELUIA

Cfr. Phil. 2, 15-16

R. Allelúia.

V. Lucétis sicut luminária in mundo,
 verbum vitæ continéntes.

R. Allelúia.

EVANGELIUM

Vos estis lux mundi.

✠ Lécio sancti Evangélíi secúndum Mattháeum 5, 13-16

In illo témpore: Dixit Iesus discípulis suis: «Vos estis sal terræ; quod si sal evanúerit, in quo saliétur? Ad níhilum valet ultra nisi ut mittátur foras et conculcétur ab homínibus.

Vos estis lux mundi. Non potest cívitas abscóndi supra montem pósita; neque accéndunt lucérnam et ponunt eam sub módio sed super candelábrum, ut lúceat ómnibus qui in domo sunt.

Sic lúceat lux vestra coram homínibus, ut vídeant vestra bona ópera et gloríficent Patrem vestrum qui in cælis est».

Verbum Dómini.

SUPER OBLATA

Hóstias ad altáre tuum offeréntibus, Dómine,
da nobis illum pietátis afféctum,
quem beáto Contárdo infudísti,
ut pura mente ac férvido corde rei sacræ attendámus,
et sacrificium tibi plácitum nobisque profícuum celebrémus.
Per Christum.

ANT. AD COMMUNIONEM

Io 8, 12

Qui séquitur me non ambulábit in ténebris,
sed habébit lucem vitæ,
dicit Dóminus.

POST COMMUNIONEM

Tríbuat nobis, omnípotens Deus, reféctio sancta subsidium,
ut, exémplo beáti Contárdi,
et fraternitátis caritátem
et lumen veritátis in corde exhibeámus et ópere.
Per Christum.

Die 23 octobris

S. IOANNIS DE CAPESTRANO

presbyteri

MEMORIA

ANT. AD INTROITUM

Hab. 3, 18-19

Ego autem in Dómino gaudébo,
exultábo in Deo Iesu meo;
Dóminus Deus fortitúdo mea.

COLLECTA

Deus, qui ad pópulum fidélem in angústiiis confortándum
beatum Ioánnem suscitásti, præsta quæsumus,
ut nos in tuæ protectionis securitáte constítuas,
et Ecclésiam tuam perpétua pace custódias.
Per Dóminum.

LECTIO PRIOR

Iusto ostendit Dominus regnum Dei.

Léctio libri Sapiéntiæ

10, 10-14

Iustum dedúxit Dóminus per vias rectas, et osténdit
illi regnum Dei, et dedit illi sciéntiam sanctórum, honestávit
illum in labóribus et complévit labóres illíus, in fraude cir-
cumveniéntium illum áffuit illi et honéstum fecit illum, cus-
todívit illum ab inimícis et a seductóribus tutávit illum et
certámen forte dedit illi, ut vínceret et sciret quóniam ómnium
poténtior est sapiéntia.

Hæc vénditum iustum non derelíquit, sed a peccatóribus
liberávit eum descendítque cum illo in fóveam et in vínculis
non derelíquit illum, donec afférret illi sceptrum regni et
poténtiam advérsus eos qui eum deprimébant, et mendáces
osténdit qui maculavérunt illum, et dedit illi claritátem
ætérnam.

Verbum Dei.

PSALMUS RESPONSORIUS

Ps. 33, 8-9. 16-17. 18-19. 20. 23 (R.: 9a)

R. Gustáte et vidéte quóniam suavis est Dóminus.

Vallábit ángelus Dómini in circúitu timéntes eum,
et erípiet eos.

Gustáte et vidéte quóniam suavis est Dóminus;
beátus vir qui sperat in eo. **R.**

Oculi Dómini super iustos,
et aures eius in clamórem eórum.

Vultus autem Dómini super faciéntes mala,
ut perdat de terra memóriam eórum. **R.**

Clamavérunt, et Dóminus exaudívit,
et ex ómnibus tribulatióibus eórum liberávit eos.
Iuxta est Dóminus iis qui contríto sunt corde,
et confráctos spíritu salvábit. **R.**

Multæ tribulatióes iustórum,
et de ómnibus his liberábit eos Dóminus.
Rédimet Dóminus ánimas servórum suórum,
et non puniéntur omnes qui sperant in eo. **R.**

ALLELUIA

Ps. 58, 17

R. Allelúia.

V. Cantábo fortitúdinem tuam,
et exsultábo mane misericórdiam tuam.

R. Allelúia.

EVANGELIUM

Misit illos prædicare regnum Dei.

✠ Lécio sancti Evangélii secúndum Lucam

9,1-6

In illo témpore: Convocatís Duódecim, Iesus dedit illis virtútem et potestátem super ómnia dæmónia et ut languóres curárent, et misit illos prædicáre Regnum Dei et sanáre infirmos, et ait ad illos: «Nihil tulérítis in via, neque virgam neque peram neque panem neque pecúniám, neque duas túnicas habeátis.

Et in quamcúmque domum intravéritis, ibi manéte et inde exíte.

Et quicúmque non recéperint vos, exeúntes de civitáte illa púlverem pedum vestrórú excútite in testimónium supra illos».

Egréssi autem circumíbant per castélla evangelizántes et curántes ubíque.

Verbum Dómini.

SUPER OBLATA

Sacrifícium, Dómine, quod immolámus placátus inténde, et, intercedénte beáto Ioánnē, ad conteréndas inimicórum insídias nos in tuæ protectiónis securitáte constítue. Per Christum.

ANT. AD COMMUNIONEM

Sap. 10, 20

Decantavérunt, Dómine, nomen sanctum tuum, et victrícem manum tuam laudavérunt.

POST COMMUNIONEM

Repléti alimónia cælésti et spiritáli pócúlo recreáti, quæsumus, omnípotens Deus, ut nos ab hoste maligno deféndas et Ecclésiám tuam perpétua pace custódias. Per Christum.

Die 26 octobris

B. BONAVENTURÆ DE POTENZA

presbyteri

MEMORIA

ANT. AD INTROITUM

Cfr. Ps. 20, 2-3

In virtúte tua, Dómine, lætábitur iustus,
et super salutáre tuum exsultábit vehementer.
Desidérium cordis eius tribuísti ei.

COLLECTA

Deus, qui beátum Bonaventúram obœdiéntiæ virtúte
et próximi dilectióne insígnem effecísti,
concéde nobis, ut eius intercessióne et exémplo,
tuis præcéptis inhæréntes,
in perfectiónis via spírиту gaudéntes progrediámur.
Per Dóminum.

LECTIO PRIOR

Infirma mundi elegit Deus.

Léctio Epístolæ primæ beáti Pauli apóstoli
ad Corínthios

1, 26-31

Fratres: Vidéte vocatióem vestram, quia non multi sapiéntes secúndum carnem, non multi poténtes, non multi nóbiles; sed quæ stulta sunt mundi elégit Deus ut confúndat sapiéntes, et infírma mundi elégit Deus ut confúndat fórtia, et ignobília mundi et contemptibília elégit Deus, quæ non sunt, ut ea quæ sunt destrúeret, ut non gloriétur omnis caro in conspéctu Dei.

Ex ipso autem vos estis in Christo Iesu, qui factus est Sapiéntia nobis a Deo et iustítia et sanctificatio et redemptio, ut quemádmódum scriptum est: «Qui gloriátur, in Dómino gloriétur».

Verbum Dei.

PSALMUS RESPONSORIUS

Ps. 15, 1-2a et 5. 7-8. 11 (R.: 5a)

R. Tu es, Dómine, pars hereditátis meæ.

Consérva me, Deus, quóniam sperávi in te.

Dixi Dómino: «Dóminus meus es tu.

Dóminus pars hereditátis meæ et cálicis mei:

tu es qui délines sortem meam». **R.**

Benedícam Dóminum qui tríbuit mihi intelléctum;

ínsuper et in nóctibus erudiérunt me renes mei.

Proponébam Dóminum in conspéctu meo semper,
quóniam a dextris est mihi, non commovébor. **R.**

Notas mihi fácies vias vitæ,

plenitúdinem lætítiæ cum vultu tuo,

delectatiónes in délixtera tua usque in finem. **R.**

ALLELUIA

Io 14, 23

R. Allelúia.

V. Si quis díligit me, sermónem meum servábit,
et Pater meus díliget eum, et ad eum veniémus.

R. Allelúia.

EVANGELIUM

Domus super petram et domus super arenam ædificata.

✠ Lécio sancti Evangélii secúndum Matthæum 7, 21-27

In illo témpore: Dixit Iesus discípulis suis: «Non omnis qui dicit mihi: Dómine Dómine, intrábit in Regnum cælórum, sed qui facit voluntátem Patris mei qui in cælis est.

Multi dicent mihi in illa die: Dómine Dómine, nonne in tuo nómine prophetávimus, et in tuo nómine dæmónia eiécimus, et in tuo nómine virtútes multas fécimus?

Et tunc confitébor illis: Numquam novi vos; discédite a me qui operámini iniquitátem.

Omnis ergo qui audit verba mea hæc et facit ea, assimílabitur viro sapiénti, qui ædificávit domum suam supra petram. Et descéndit pluvia et venérunt flúmina et flavérunt

venti et irruerunt in domum illam, et non cecidit; fundata enim erat supra petram.

Et omnis qui audit verba mea hæc et non facit ea, similis erit viro stulto, qui ædificavit domum suam supra arenam. Et descendit pluvia et venerunt flumina et flaverunt venti et irruerunt in domum illam, et cecidit, et fuit ruina eius magna».

Verbum Dómini.

SUPER OBLATA

Hóstias ad altáre tuum offeréntibus, Dómine,
da nobis illum pietátis afféctum,
quem beáto Bonaventúre infudísti,
ut pura mente ac férvido corde
rei sacrae attendámus,
et sacrificium tibi plácitum nobisque profícuum celebrémus.
Per Christum.

ANT. AD COMMUNIONEM

Mt 16, 24

Qui vult post me veníre, ábneget semetípsum
et tollat crucem suam et sequátur me,
dicit Dóminus.

POST COMMUNIONEM

Sacraménta quæ sumpsimus, Dómine,
in commemoratióne beáti Bonaventúre
mentes et corda nostra sanctíficent,
ut divínæ consórtes natúre éffici mereámur.
Per Christum.

Die 30 octobris

IN DEDICATIONE
ECCLESIAE PROPRIÆ (CONSECRATÆ)

SOLLEMNITAS

Omnia ut in Communi Dedicationis Ecclesiæ: A. In Ipsa
Ecclesia dedicata.

Die 13 novembris

S. DIDACI DE ALCALA'

religiosi

ANT. AD INTROITUM

Sir. 3, 20-21

Humiliávit se in ómnibus et coram Deo invénit grátiam,
quóniam magna poténtia Dei et ab humílibus honorátur.

COLLECTA

Omnípotens sempitérne Deus,
qui dispositióne mirábili infírma mundi éligis
ut fórtia quæque confúndas,
concéde nobis propítius,
ut humilitátem beáti Dídaci imitántes in terris,
cum ipso ad perénnem in cælis glóriam sublimári mereámur.
Per Dóminum.

LECTIO PRIOR

Stulta mundi elegit Deus ut confundat sapientes.

Léctio Epístolæ primæ beáti Pauli apóstoli
ad Corínthios

1, 26-31

Vidéte vocatióem vestram, fratres, quia non multi sapiéntes secúndum carnem, non multi poténtes, non multi nóbiles; sed quæ stulta sunt mundi elégit Deus ut confundat sapiéntes, et infírma mundi elégit Deus ut confundat fórtia, et ignobília mundi et contemptibília elégit Deus, quæ non sunt, ut ea quæ sunt destrúeret, ut non gloriétur omnis caro in conspéctu Dei.

Ex ipso autem vos estis in Christo Iesu, qui factus est Sapiéntia nobis a Deo et iustítia et sanctificátio et redemptio, ut quemádmódum scriptum est: «Qui gloriátur, in Dómino gloriétur».

Verbum Dei.

PSALMUS RESPONSORIUS

Ps. 91, 2-3. 6-7. 13-14. 15-16 (R.: 13)

R. Iustus ut palma florébit,
sicut cedrus Líbani succrésceat.

Bonum est confitéri Dómino,
et psállere nómini tuo, Altíssime,
annuntiáre mane misericórdiam tuam,
et veritátem tuam per noctem. **R.**

Quam magnificáta sunt ópera tua, Dómine:
nimis profúndæ factæ sunt cogitatióes tuæ.
Vir insípiens non cognóscet,
et stultus non intélleget hæc. **R.**

Iustus ut palma florébit,
sicut cedrus Líbani succrésceat.
Plantáti in domo Dómini,
in átriis Dei nóstri florébunt. **R.**

Adhuc fructus dabunt in senécta,
úberes et bene viréntes erunt,
ut annúntient quóniam rectus Dóminus,
refúgium meum, et non est iníquitas in eo. **R.**

ALLELUIA

Io 14, 23

R. Allelúia.

V. Si quis díligit me, sermónem meum servábit,
et Pater meus díliget eum,
et mansiónem apud eum faciémus.

R. Allelúia.

EVANGELIUM

Qui maior est in vobis fiat sicut iunior.

✠ Lécio sancti Evangélíi secúndum Lucam 22, 24-29

In illo témpore: Facta est conténtio inter discípulos,
quis eorum viderétur esse maior.

Dixit autem eis: «Reges géntium dominántur eorum et
qui potestátem habent super eos benéfici vocántur. Vos autem

non sic, sed qui maior est in vobis fiat sicut iunior, et qui præcëssor est, sicut ministrátor.

Nam quis maior est, qui recúmbit an qui mínistrat? Nonne qui recúmbit? Ego autem in médio vestrum sum sicut qui mínistrat.

Vos autem estis qui permansístis mecum in tentatió-nibus meis; et ego dispóno vobis sicut dispósuit mihi Pater meus Regnum».

Verbum Dómini.

SUPER OBLATA

Clementíssime Deus, qui vétére hómine consúmp-to
novum secúndum te in beáto Dídaco créare dignátus es,
concéde propítius, ut nos páriter renováti,
hanc placatiónis hostiam tibi acceptábilem offerámus.
Per Christum.

ANT. AD COMMUNIONEM

Mt 11, 29

Tóllite iugum meum super vos et díscite a me,
quia mitis sum et húmilis corde,
et inveniétis réquiem animábus vestris.

POST COMMUNIONEM

Per huius virtútem sacraménti, quáesumus, Dómine,
beáti Dídaci exémplo,
deduc nos iúgiter in tua dilectiône,
et opus bonum quod cœpísti in nobis
pérfice usque in diem Christi Iesu.
Qui vivit.

Die 14 novembris

SS. NICOLAI TAVELIC ET SOCIORUM
martyrum

ANT. AD INTROITUM

Ps. 36, 39

Salus iustórum a Dómino,
et protéctor eórum in témpore tribulatiónis.

COLLECTA

Deus, qui beátum Nicoláum et socios
fidei propagándæ zelo et martýrii palma
gloriosos effecísti,
præsta nobis, quæsumus, ut eórum exémplo et intercessióne,
viam mandatórum tuórum currétes,
æternæ vitæ bravíum accípere mereámur.
Per Dóminum.

LECTIO PRIOR

Magnum certamen sustinuistis passionum.

Léctio Epístolæ ad Hebræos

10, 32-36

Fratres: Rememorámini prístinos dies, in quibus illu-
mináti magnum certámen sustinuístis passiónum, in áltero
quidem oppróbriis et tribulatió nibus spectáculum facti, in
áltero autem socii táliter conversántium effécti; nam et vinctis
compássi estis, et rapínam bonórum vestrórum cum gáudio
suscepístis, cognoscéntes vos habére meliórem substántiam
et manéntem.

Nolíte ítaque abícere confidéntiam vestram, quæ ma-
gnam habet remuneratió nem, patiéntia enim vobis necessariá
est, ut voluntátem Dei faciéntes reportétis promissió nem.

Verbum Dei.

PSALMUS RESPONSORIUS

Ps. 123, 2-3. 4-5. 7b-8 (R.: 7a)

℣. Adiutórium nostrum in nómine Dómini.

Nisi quia Dóminus erat in nobis,
 cum exsúrgerent hómines in nos.
 Forte vivos deglutíssent nos,
 cum irascerétur furor eórum in nos. ℣.

Fórsitan aqua absorbuísset nos,
 torrens pertransísset ánimam nostram,
 fórsitan pertransísset ánimam nostram
 aquæ intumescéntes. ℣.

Láqueus contrítus est,
 et nos erépti sumus.
 Adiutórium nostrum in nómine Dómini,
 qui fecit cælum et terram. ℣.

ALLELUIA

Phil. 1, 29

℣. Allelúia.

℣. Vobis donátum est pro Christo,
 non solum ut in eum credátis,
 sed ut etiam pro illo patiámini.

℣. Allelúia.

EVANGELIUM

Si me persecuti sunt, et vos persequentur.

✠ Lécio sancti Evangélíi secúndum Ioánnem 15, 18-21

In illo témpore: Dixit Iesus discípulis suis: «Si mundus vos odit, scitóte quia me priórem vobis odio hábuit.

Si de mundo essétis, mundus quod suum est dilígeret;
 quia vero de mundo non estis, sed ego elégi vos de mundo,
 proptérea odit vos mundus.

Mementóte sermónis quem ego dixi vobis: Non est
 servus maior dómíno suo».

Verbum Dómini.

SUPER OBLATA

Clementissime Deus,
múnera hæc tua benedictióne perfúnde,
et nos in ea fide confírma
quam beátus Nicoláus et socii mártýres,
effúso sáanguine adseruérunt.
Per Christum.

ANT. AD COMMUNIONEM

Mc 8, 35

Qui perdíderit ánimam suam propter me et Evangélium,
salvam eam faciet, dicit Dóminus.

POST COMMUNIONEM

Uníus panis alimónia refécti
in commemoratióne beatórum mártýrum Nicolái et sociórum,
supplíciter te, Dómine, deprecámur,
ut nos in tua iúgiter caritaté confírmes,
et in novitáte vitæ concédas ambuláre.
Per Christum.

Die 17 novembris
S. ELISABETH HUNGARIÆ
patronæ III Ordinis

FESTUM

ANT. AD INTROITUM

Gaudeámus omnes in Dómino, diem festum celebrántes
sub honóre beátæ Elísabeth,
de cuius sollemnitáte gaudent Angeli
et colláudant Fílium Dei.

In Missis votivis per annum

Cfr. Prov. 14, 1-2

Ecce mulier sapiens, quæ ædificávit domum suam,
et timens Dóminum, ambulávit recto itínere.

COLLECTA

Deus, qui beátæ Elísabeth tribuísti
in paupéribus Christum cognóscere ac venerári,
da nobis, eius intercessióne,
egénis et tribulátis iugi caritáte servíre.
Per Dóminum.

[Tres proponuntur lectiones si uti *Sollemnitas* celebratur; si
uti *Festum*, eligitur prima vel secunda, ad libitum.]

LECTIO PRIMA

Gratia super gratiam mulier sancta et pudorata.

Léctio libri Sirácidæ

26, 1-4. 16-21 (gr. 13-16)

Mulíeris bonæ beátus vir;
númerus enim annórum illíus duplex.
Múlter fortis obléctat virum suum
et annos vitæ illíus in pace implébit.

Pars bona mulier bona,
in parte timéntium Deum dábitur viro pro factis bonis;
dívitis áutem et páuperis
cor bonum in omni témpore,
vultus illórum hílaris.

Grátia mulieris sédulæ delectábit virum suum,
et ossa illíus impinguábit disciplína illíus.

Datum Dei est mulier sensáta et tácita,
non est immutátio erudítæ ánimæ.

Grátia super grátiam mulier sancta et pudoráta.

Omnis autem ponderátio non est digna continéntis ánimæ.

Sicut sol óriens mundo in altíssimis Dei,

sic mulieris bonae species

in ornaméntum domus eius.

Verbum Dei.

PSALMUS RESPONSORIUS

Ps. 30, 2a.-5. 8-9b. 20. 24-25 (R.: 4a)

R. Fortitúdo mea et refúgium meum, Deus.

In te, Dómine, sperávi, non confúndar in ætérnum.

Educes me de láqueo quem abscondérunt mihi,

quóniam tu es fortitúdo mea. **R.**

Exsultábo et lætábor in misericórdia tua,

quóniam respexisti humilitátem meam;

agnovísti necessitátes ánimæ meæ;

statuísti in loco spatióso pedes meos. **R.**

Quam magna multitúdo dulcédinis tuæ, Dómine,

quam abscondísti timéntibus te.

Perfecísti eis qui sperant in te,

in conspéctu filiórum hóminum. **R.**

Dilígite Dóminum, omnes sancti eius:

fidéles consérvat Dóminus.

Viríliter ágite, et confortétur cor vestrum,

omnes qui sperátis in Dómino. **R.**

LECTIO SECUNDA

Honora viduas quæ vere viduæ sunt.

Lectio Epistolæ primæ beāti Pauli apóstoli
ad Timótheum

5, 3-10

Caríssime: Víduas honóra quæ vere víduæ sunt. Si qua autem vídua filios aut nepótes habet, discant primum domum suam piè régere et mútuam vicem réddere paréntibus, hoc enim accéptum est coram Deo.

Quæ autem vere vídua est et desoláta, sperávit in Deum et instat obsecrátióibus et oratióibus nocte ac die; nam quæ in delíciis est vivens, mórtua est.

Et hæc præcipe, ut irreprehensíbiles sint. Si quis autem suórum et máxime domesticórum curam non habet, fidem negávit et est infidéli detérior.

Vídua adscribátur non minus sexagínta annórum quæ fúerit uníus viri uxor, in opéribus bonis testimónium habens, si filios educávit, si hospítio recépit, si sanctórum pedes lavit, si tribulatióem patiéntibus subministrávit, si omne opus bonum subsecúta est.

Verbum Dei.

ALLELUIA

Sir. 26, 21-22

R. Allelúia.

V. Sicut sol óriens mundo in altíssimis Dei,
sic mulieris bonæ species
in ornáméntum domus eius:
lucérna splendens super candelábrum sanctum.

R. Allelúia.

EVANGELIUM

*Quamdiu fecistis uni de his fratribus meis minimis,
mihi fecistis.*

✠ Lectio sancti Evangélíi secúndum Matthæum

25, 31-40

In illo témpore: Dixit Iesus discípulis suis: «Cum vénerit Fílius hóminis in glória sua, et omnes ángeli cum eo,

tunc sedébit super thronum glóriæ suæ: et congregabúntur ante eum omnes gentes, et separábit eos ab ínvicem, sicut pastor ségregat oves ab hædis, et státuet oves quidem a dextris suis, hædos autem a sinístris.

Tunc dicet Rex his qui a dextris eius erunt: Veníte, benedícti Patris mei, possidéte parátum vobis Regnum a constitutióne mundi: esurívi enim et dedístis mihi manducáre, sitívi et dedístis mihi bíbere, hospes eram et collegístis me, nudus et operuístis me, infirmus et visitástis me, in cárcere eram et venístis ad me.

Tunc respondébunt ei iusti dicéntes: Dómine, quando te vídimus esuriéntem et pávimus, aut sitiéntem et dédimus tibi potum? Quando autem te vídimus hóspitem et collégimus, aut nudum et cooperúimus? Quando autem te vídimus infirmum aut in cárcere et vénimus ad te?

Et respóndens Rex dicet illis: Amen dico vobis: Quamdiu fecístis uni de his frátribus meis mínimis, mihi fecístis».

Verbum Dómini.

SUPER OBLATA

Accépta tibi sint, quáesumus Dómine,
múnera nostræ servitútis
pro beátæ Elísabeth commemoratióne altári tuo propósita,
et concéde, ut, a terrénis impediméntis absolúti,
te solo dívites efficiámur.
Per Christum.

Præfatio de Sanctis.

ANT. AD COMMUNIONEM

Io 13, 35

In hoc cognóscant omnes quia mei discípuli estis,
si dilectiónem habuéritis ad ínvicem,
dicit Dóminus.

POST COMMUNIONEM

Sacris mystériis reféctos, da nos quæsumus Dómine,
beátæ Elísabeth exémpla sectári,
quæ te indeféssa pietáte cóluit,
et pópulo tuo imménsa prófuit caritáte.
Per Christum.

Die 26 novembris

S. LEONARDI DE PORTO MAURIZIO

presbyteri

MEMORIA

ANT. AD INTROITUM

Is. 52, 7

Quam pulchri super montes
pedes annuntiántis et prædicántis pacem,
annuntiántis bonum, prædicántis salútem!

COLLECTA

Omnípotens et miséricors Deus,
qui beátum Leonárdum
exímium mystérii crucis præcónem effecísti,
eius intercessióne concéde,
ut eiúsdem crucis divítias agnoscéntes in terris,
redemptiónis fructum cónsequi mereámur in cælis.
Per Dóminum.

LECTIO PRIOR

Habemus redemptionem per sanguinem Christi.

Léctio Epístolæ beáti Pauli apóstoli ad Ephésios

1, 3-14

Fratres: Benedíctus Deus et Pater Dómini nostri Iesu Christi, qui benedíxit nos in omni benedictióne spiritáli in cæléstibus in Christo, sicut elégit nos in ipso ante mundi constitutióne, ut essémus sancti et immaculáti in conspéctu eius in caritáte, qui prædestinávit nos in adoptiõem filiórum per Iesum Christum in ipsum, secúndum beneplácitum voluntátis suæ, in laudem glóriæ grátiae suæ, in qua gratificávit nos in Dilécto, in quo habémus redemptiõem per sanguinem eius, remissiõem peccatórum, secúndum divítias grátiae eius, qua superabundávit in nobis in omni sapiéntia et prudéntia, notum fáciens nobis mystérium voluntátis suæ,

secúndum beneplácitum eius quod propósuit in eo in dispensationem plenitúdinis témporum, recapituláre ómnia in Christo, quæ in cælis et quæ in terra:

in ipso, in quo étiam sorte vocáti sumus prædestináti secúndum propósitum eius, qui ómnia operátur secúndum consílium voluntátis suæ, ut simus in laudem glóriæ eius qui ante sperávimus in Christo;

in quo et vos cum audissétis verbum veritátis, Evangélium salútis vestrae, in quo et credéntes signáti estis Spíritu promissionis Sancto, qui est árrabon hereditátis nostræ, in redemptionem acquisitionis, in laudem glóriæ ipsíus.

Verbum Dei.

PSALMUS RESPONSORIUS

Ps. 84, 2a-4. 7-8. 9. 10-11

R. Osténde nobis, Dómine, misericórdiam tuam,
et salutáre tuum da nobis.

Complacuísti tibi, Dómine, in terra tua,
remisísti iniquitátem plebis tuæ,
operuísti ómnia peccáta eórum.
Contraxísti ómnem iram tuam,
revertísti a furóre indignationis tuæ. **R.**

Nonne tu convérsus vivificábis nos,
et plebs tua lætábitur in te?
Osténde nobis, Dómine, misericórdiam tuam,
et salutáre tuum da nobis. **R.**

Audiam quid loquátur Dóminus Deus,
quóniam loquétur pacem ad plebem suam et sanctos suos,
et ad eos qui convertúntur corde. **R.**

Verúmtamen prope timéntes eum salutáre ipsíus,
ut inhábitet glória in terra nostra.
Misericórdia et véritas obviavérunt sibi,
iustítia et pax osculátæ sunt. **R.**

ALLELUIA

2 Tim. 4, 17

℣. Allelúia.

℣. Dóminus mihi ástitit et confortávit me,
ut per me prædicatio impleátur.

℣. Allelúia.

EVANGELIUM

Discipulus Christi crucem suam quotidie baiulat.

✠ Lécio sancti Evangélii secúndum Matthæum 16, 24-27

In illo témpore: Dixit Iesus discipulis suis: «Si quis vult post me veníre, ábneget semetípsum et tollat crucem suam et sequátur me.

Qui enim volúerit ánimam suam salvam fácere, perdet eam; qui autem perdíderit ánimam suam propter me, invéniet eam.

Quid enim prodest hómini si mundum univérsum lucrétur, ánimæ vero suæ detriméntum patiátur? Aut quam dabit homo commutatióem pro ánima sua?

Fílius enim hóminis ventúrus est in glória Patris sui cum ángelis suis, et tunc reddet unicuíque secúndum opus eius».

Verbum Dómini.

SUPER OBLATA

Præténde múnera, quæsumus Dómine,
altáribus tuis pro beáti Leonárdi commemoratióne propósita,
ut, sicut per hæc beáta mystéria
illi glóriam contulísti,
ita nobis indulgéntiam largiáris.
Per Christum.

ANT. AD COMMUNIONEM

2 Cor. 5, 20

Pro Christo legatióne fúngimur
tamquam Deo exhortánte per nos;
obsecrámus pro Christo, reconciliámini Deo.

POST COMMUNIONEM

Omnípotens sempitérne Deus,
Pater totíus consolatiónis et pacis,
præsta famíliæ tuæ in celebritáte beáti Leonárdi
ad laudem tui nóminis congregátæ,
ut per Unigéniti tui sumpta mystéria,
pignus accípiat redemptiόνis æternæ.
Per Christum.

Die 27 novembris

B. FRANCISCI ANTONII FASANI
presbyteri

ANT. AD INTROITUM

Mal. 2, 6

Lex veritátis fuit in ore eius,
et iníquitas non est invénta in lábiis eius;
in pace et in æquitáte ambulávit mecum,
et multos avértit ab iniquitáte.

COLLECTA

Deus, qui beátum Francíscum Antónium
seráphicæ perfectiónis exémpLAR
et evangélicæ prædicatiónis minístrum exímium effecísti:
eius méritis precibúsque concéde,
ut in tuo semper amóre fervéntes et in ópere effícaces
præmia consequámur ætéRNA.
Per Dóminum.

LECTIO PRIOR

*Unxit me Dominus
et evangelizare pauperibus misit me.*

Léctio libri Isaíæ prophétæ

61, 1-3a

Spiritus Dómini super me, eo quod únxit Dóminus
me; ad annuntiándum mansuétis misit me, ut medérer con-
trítis corde et prædicárem captívis indulgéntiam et clausis
apertiónem; ut prædicárem annum placábilem Dómino et
diem uliónis Deo nostro.

Ut consolárer omnes lugéntes, ut pónerem lugéntibus
Sion, et darem eis corónam pro cínere, óleum gáudii pro
luctu, pállium laudis pro spírítu mæróris: et vocabúntur in
ea fortes iustítiæ plantátio Dómini ad glorificándum.

Verbum Dei.

PSALMUS RESPONSORIUS Ps. 39, 2. 4ab. 7-8a. 8b-9. 10b-ab 11 (R.: 8a. 9a)

R. Ecce vénio, Dómine, ut fáciam voluntátem tuam.

Exspéctans exspectávi Dóminum,
et inténdit mihi.

Et immísit in os meum cánticum novum,
carmen Deo nostro. **R.**

Sacrífícium et oblatiónem noluísti,
aures autem fodísti mihi.

Holocáustum et pro peccáto non postulásti,
tunc dixi: «Ecce vénio. **R.**

In volúmine libri scriptum est de me
fácere voluntátem tuam.

Deus meus, volui,
et lex tua in præcórdiis meis». **R.**

Dómine, tu scisti.

Iustítiam tuam non abscóndi in corde meo,
veritátem tuam et salutáre tuum dixi. **R.**

ALLELUIA

Io 8, 12b

R. Allelúia.

V. Ego sum lux mundi, dicit Dóminus;
qui séquitur me habébit lucem vitæ.

R. Allelúia.

EVANGELIUM

Vos estis lux mundi.

✠ Lécio sancti Evangélii secúndum Matthæum 5, 13-16

In illo témpore: Dixit Iesus discípulis suis: «Vos estis sal terræ; quod si sal evanúerit, in quo saliétur? Ad níhilum valet ultra nisi ut mittátur foras et conculcétur ab homínibus.

Vos estis lux mundi. Non potest civitas abscóndi supra montem pósita; neque accéndunt lucérnam et ponunt eam sub módio sed super candelábrum, ut lúceat ómnibus qui in domo sunt.

Sic lúceat lux vestra coram homínibus, ut vídeant vestra bona ópera et gloríficent Patrem vestrum qui in cælis est».

Verbum Dómini.

SUPER OBLATA

Hóstias ad altáre tuum offeréntibus, Dómine,
da nobis illum pietátis afféctum,
quem beáto Francíscó António infudísti,
ut pura mente et férvido corde
rei sacræ attendámus,
et sacrificium tibi plácitum
nobisque profícuum celebrémus.
Per Christum.

ANT. AD COMMUNIONEM

Io 12, 26

Qui mihi minístrat, me sequátur, dicit Dóminus;
et ubi sum ego, illic et miníster meus erit.

POST COMMUNIONEM

Sacro múnere satiáti,
súplices te, Dómine, deprecámur,
ut, quod débitæ servitútis celebrámus offício,
intercedénte beáto Francíscó António,
salvatiónis tuæ sentiámus augméntum.
Per Christum.

Die 28 novembris

S. IACOBI DE MARCHIA

presbyteri

MEMORIA

ANT. AD INTROITUM

Ps. 51, 10

Ego sicut virens olíva in domo Dei.
Sperávi in misericórdia Dei in ætérnum
et in sáculum sáculi.

COLLECTA

Deus, qui ad animárum salútem
et peccatóres ad viam virtútis revocándos
beátum Iacóbum Evangélii præcónem exímium effecísti,
concéde propítius,
ut eius intercessióne a peccátis ómnibus expiáti,
vitam consequámur ætérnam.
Per Dóminum.

LECTIO PRIOR

Memoria iusti in benedictione est.

Léctio libri Sirácidæ

45, 1-6a

Diléctus Deo et homínibus, cuius memória in benedictióne est: símilem illum fecit in glória sanctorum et magnificávit eum in timóre inimicórum et in verbis suis monstra placávit;

glorificávit illum in conspéctu regum et iussit illi coram pópulo suo et osténdit illi glóriam suam; in fide et lenitáte ipsíus sanctum fecit illum et elégit eum ex omni carne;

audívit eum et vocem ipsíus, et indúxit illum in nubem et dedit illi coram præcépta et legem vitæ et disciplínæ.

Verbum Dei.

PSALMUS RESPONSORIUS

Ps. 15, 1-2a et 5. 7-8. 11 (R.: 5a)

R. Dóminus pars hereditátis meæ et cálicis mei.

Consérva me, Deus, quóniam sperávi in te.

Dixi Dómino: «Dóminus meus es tu.

Dóminus pars hereditátis meæ et cálicis mei:

tu es qui détines sortem meam». **R.**

Benedícam Dóminum qui tríbuit mihi intelléctum;
ínsuper et in nóctibus erudiérunt me renes mei.

Proponébam Dóminum in conspéctu meo semper,
quóniam a dextris est mihi, non commovébor. **R.**

Notas mihi facies vias vitæ,
plenitúdinem lætitiæ cum vultu tuo,
delectatiónes in dextera tua usque in finem. **R.**

ALLELUIA

Rom. 14, 17

R. Allelúia.

V. Non est Regnum Dei esca et potus,
sed iustítia et pax
et gáudium in Spíritu Sancto.

R. Allelúia.

EVANGELIUM

Appropinquavit in vos Regnum Dei.

✠ Lécio sancti Evangélii secúndum Lucam

10, 1-9

In illo témpore: Designávit Dóminus alios septuagínta duos, et misit illos binos ante fáciem suam in ómnem civitátem et locum quo erat ipse ventúrus.

Et dicébat illis: «Messis quidem multa, operárii autem pauci; rogáte ergo Dóminum messis ut mittat operários in messem suam. Ite: ecce ego mitto vos sicut agnos inter lupos. Nolíte portáre sácculum, neque peram, neque calceaménta, et néminem per viam salutavéritis.

In quamcúmque domum intravéritis, primum dicite:

Pax huic dómui. Et si ibi fúerit fílius pacis, requiéscet super illam pax vestra; sin autem ad vos revertétur.

In eádem autem domo manéte, edéntes et bibéntes quæ apud illos sunt: dignus enim est operárius mercéde sua. Nolíte transíre de domo in domum.

Et in quamcúmque civitátem intravéritis et suscepérint vos, manducáte quæ apponúntur vobis, et curáte infírmos qui in illa sunt, et dícite illis: Appropinquávit in vos Regnum Dei».

Verbum Dómini.

SUPER OBLATA

Hóstias ad altáre tuum offeréntibus, Dómine,
da nobis illum pietátis afféctum
quem beáto Iacóbo infudísti,
ut pura mente ac férvido corde rei sacræ attendámus
et sacrificium tibi plácitum
nobisque profícuum celebrémus.
Per Christum.

ANT. AD COMMUNIONEM

Io 15, 4-5

Manéte in me, et ego in vobis, dicit Dóminus;
qui manet in me et ego in eo
hic fert fructum multum.

POST COMMUNIONEM

Súpplíces te rogámus, omnípotens Deus,
ut quos tuis réficis sacraméntis,
tibi etiam plácitis móribus
dignánte deservíre concédas.
Per Christum.

Die 29 novembris
OMNIUM SANCTORUM
SERAPHICI ORDINIS

FESTUM

ANT. AD INTROITUM

Cfr. Apoc. 19, 5-7

Laudem dícite Deo nostro, omnes Sancti eius
et qui timétis Deum, pusílli et magni;
quóniam regnábít Dóminus Deus noster omnípotens.
Gaudeámus, et exsultémus,
et demus glóriam ei.

COLLECTA

Omnípotens sempitérne Deus, qui Ecclésiám tuam
váriis Sanctórum seráphici Ordinis splendóribus
illustráre dignátus es,
da nobis, eórum memóriam sub una celebritáte venerántibus,
ut tam præclára virtútum exéempla sectántes in terris,
corónam iustítiæ in cælis cónsequi mereámur.
Per Dóminum.

LECTIO PRIOR

Nomen iustorum vivit in generationem et generationem.

Léctio libri Sirácidæ

44, 1. 10-15

Laudémus viros gloriósos,
et paréntes nostros in generatióne sua.
Istí viri misericórdiæ sunt,
quorum pietátes non defuérunť.
Cum sémíne eórum pérmanent bona,
heréditas sancta nepótes eórum,
et in testaméntis stetit semen eórum,
et fílii eórum propter illos usque in ætérnum manent;
semen eórum et glória eórum non derelinquétur.

Córpora ipsórum in pace sepúlta sunt,
et nomen eórum vivit in generatióem et generatióem.
Sapiéntiam ipsórum narrent pópuli,
et laudem eórum núntiet ecclésia.

Verbum Dei.

PSALMUS RESPONSORIUS

Ps. 23, 1-2, 3-4, 5-6

R̃. Hæc est generátio quæréntium fáciem tuam, Dómine.

Dómini est terra et plenitúdo eius,
orbis terrárum et qui hábitant in eo.
Quia ipse super mária fundávit eum,
et super flúmina firmávit eum. **R̃.**

Quis ascéndet in montem Dómini,
aut quis stabit in loco sancto eius?
Innocens mánibus et mundo corde,
qui non accépit in vanum nomen eius,
nec iurávit in dolum. **R̃.**

Hic accípiet benedictiόnem a Dómino,
et iustificatiόnem a Deo salutári suo.
Hæc est generátio quæréntium eum,
quæréntium faciem Dei Iacob. **R̃.**

ALLELUIA

R̃. Allelúia.

Ṽ. Hæc est vera fratérnitas, quæ vicit mundi crímina:
Christum secúta est, ínclýta tenens regna cæléstia.

R̃. Allelúia.

EVANGELIUM

Quaecumque habes vende, et sequere me.

✠ Lécio sancti Evangélíi secúndum Marcum

10, 17-21

In illo témpore: Cum egrederétur Iesus in viam, accúrrens quidam et genu flexo ante eum rogábat eum: «Magíster bone, quid faciam ut vitam ætérnam percípíam?»

Iesus autem dixit ei: «Quid me dicis bonum? Nemo bonus nisi unus Deus. Præcépta nosti: ne occídas, ne adulteres, ne furéris, ne falsum testimónium díxeris, ne fráudem féceris, honóra patrem tuum et matrem».

Ille autem dixit ei: «Magíster, hæc ómnia conservávi a iuventúte mea».

Iesus autem intúitus eum diléxit eum, et dixit illi: «Unum tibi deest: vade, quaecúmque habes vende et da paupéribus, et habébis thesáurum in cælo, et veni, séquere me».

Verbum Dómini.

SUPER OBLATA

Grata tibi sint, Dómine, múnera
quæ in Sanctórum seráphici Ordinis festivitáte deférimus,
et concéde, ut, quos iam crédimus
de sua immortalitáte secúros,
sentiámus de nostra salúte sollicitos.
Per Christum.

PRÆFATIO

℣. Dóminus vobíscum.

℟. Et cum spírítu tuo.

℣. Sursum corda.

℟. Habémus ad Dóminum.

℣. Grátias agámus Dómino Deo nostro.

℟. Dignum et iustum est.

Vere dignum et iustum est, æquum et salutáre,
nos tibi semper et ubíque grátias ágere:
Dómine, sancte Pater, omnípotens ætérne Deus:

Nobis enim hódie civitátem tuam tríbuis celebráre,
quæ mater nostra est, cælestisque Ierúsalem,
ubi fratrum nostrórum iam te in ætérnum coróna colláudat.
Ad quam peregríni, per fidem accedéntes, aláriter festinámus,
congaudéntes de Ecclésiæ
sublímium glorificatióne membrórum,
qua simul fragilitáti nostræ adiuménta et exémpla concédís.

Et ídeo, cum ipsórum Angelorúmque frequéntia,
una te magnificámus, laudís voce clamántes:

Sanctus, Sanctus, Sanctus Dóminus Deus Sábaoth, etc.

ANT. AD COMMUNIONEM

Mt 5, 8-10

Beáti mundo corde, quóniam ipsi Deum vidébunt;
beáti pacífici, quóniam fílii Dei vocabúntur;
beáti qui persecutiónem patiúntur propter iustítiam,
quóniam ipsórum est regnum cælórum.

POST COMMUNIONEM

Deus, qui nos uno pane réficis et una spe susténtas,
tua nos páriter grátia corróbora,
ut omnes, cum Sanctis tuis,
unum in Christo corpus et unus spíritus,
ad glóriam cum ipso resurgámus.
Per Christum.

Mense novembri

IN COMMEMORATIONE OMNIUM DEFUNCTORUM
SERAPHICI ORDINIS

ANT. AD INTROITUM

1 Thes. 4, 14; 1 Cor. 15, 22

Sicut Iesus mórtuus est et resurréxit,
ita et Deus eos qui dormiérunt per Iesum addúcet cum eo.
Et sicut in Adam omnes moriúntur,
ita et in Christo omnes vivificabúntur.

COLLECTA

Deus, glória fidélium et vita iustórum,
cuius Fílii morte et resurrectione redémpti sumus,
propitiáre frátribus, soróribus,
propínquis et benefactóribus nostris defúntis,
ut qui resurrectionis nostræ mystérium agnovérunt,
æternæ beatitúdinis gáudia percípere mereántur.
Per Dóminum.

LECTIO PRIOR

Quasi holocausti hostiam accepit illos.

Léctio libri Sapiéntiæ

3, 1-9

Iustórum ánimæ in manu Dei sunt, et non tanget illos
torméntum mortis. Visi sunt óculis insipiéntium mori, et
æstimáta est afflíctio éxitus illórum, et quod a nobis est
iter, exterminium; illi autem sunt in pace.

Et si coram homínibus torménta passi sunt, spes illórum
immortalitáte plena est.

In paucis vexáti in multis bene disponéntur, quóniam
Deus tentávit eos et invénit illos dignos se.

Tamquam aurum in fornáce probávit illos, et quasi
holocáusti hóstiam accépit illos, et in témpore erit respectus
illórum.

Fulgébunt iusti et tamquam scintíllæ in arundinéto dis-

cúrrunt; iudicábunt natiónes et dominabúntur pópulis, et regnábit Dóminus illórum in perpétuum.

Qui confidunt in illo intéllegent veritátem, et fidéles in dilectiône acquiescent illi, quóniam donum et pax est eléctis eius.

Verbum Dei.

PSALMUS RESPONSORIUS

Ps. 22 (R.: 4a)

R. Si ambulávero in valle umbræ mortis,
non timébo mala, quóniam tu mecum es.

In páscuis viréntibus me collocávit,
super aquas quiétis edúxit me,
ánimam meam refécit.

Dédúxit me super sémitas iustítiæ propter nomen suum. **R.**

Nam et si ambulávero in valle umbræ mortis,
non timébo mala, quóniam tu mecum es.

Virga tua et báculo tuus
ipsa me consoláta sunt. **R.**

Parásti in conspéctu meo mensam
advérsus eos qui tríbulant me;
impinguásti in óleo caput meum,
et calix meus redúndat. **R.**

Etenim benígnitas et misericórdia subsequéntur me
ómnibus diébus vitæ meæ,
et inhabitábo in domo Dómini
in longitúdinem diérum. **R.**

ALLELUIA

2 Tim. 2, 11-12

R. Allelúia.

V. Si commórtui sumus cum Christo, et convivémus;
si sustinémus et conregnábimus.

R. Allelúia.

EVANGELIUM

Qui credit in Filium Dei habet vitam æternam.

✠ Lécio sancti Evangélii secúndum Ioánnem 6, 37-40

In illo témpore: Dixit Iesus discíplis suis: «Omne quod dat mihi Pater, ad me véniet, et eum qui venit ad me non eíciam foras, quia descénderi de cælo non ut fáciam voluntátem meam sed voluntátem Eius qui misit me.

Hæc est autem volúntas Eius qui misit me, ut omne quod dedit mihi non perdam ex eo, sed resúscitem illud in novíssimo die.

Hæc est enim volúntas Patris mei, ut omnis qui videt Filium et credit in eum hábeat vitam ætérrnam, et resuscitábo ego eum in novíssimo die».

Verbum Dómini.

SUPER OBLATA

Nostris, Dómine, propitiáre munéribus,
ut fámuli tui defúnti assumántur in glóriam cum Fílio tuo,
cuius magno pietátis iúngimur sacraménto.
Per Christum.

Præfatio Defunctorum.

ANT. AD COMMUNIONEM

Io 11, 25-26

Ego sum resurréctio et vita, dicit Dóminus.
Qui credit in me étiam si mórtuus fúerit vivet,
et omnis qui vivit et credit in me
non moriétur in ætérrnum.

POST COMMUNIONEM

Sumpto sacraménto Unigéniti tui
qui pro nobis immolátus resurréxit in glória,
te, Dómine, suppliciter exorámus pro frátribus, soróribus,
propínquis et benefactóribus nostris defúntis,
ut paschálibus mystériis mundáti,
futúræ resurrectionis múnere gloriéntur.
Per Christum.

INDEX ALPHABETICUS CELEBRATIONUM

Aegidius de Assisi, religiosus, 23 aprilis	pag. 44
Agathangelus et Cassianus, presb. et mart., 7 augusti	» 179
Angela de Foligno, religiosa, 4 januarii	» 18
Antonius de Padova, presb. et Eccl. doctor, 13 junii	» 77
Berardus et socii, protomartyres, 16 januarii	» 27
Bernardinus senensis, presbyter, 20 maii	» 67
Bernardus de Corleone, religiosus, 12 januarii	» 21
Bonaventura de Potenza, presbyter, 26 octobris	» 243
Bonaventura, episcopus et Eccl. doctor, 15 julii	» 100
Cassianus et Agathangelus, presb. et mart., 7 augusti	» 179
Clara assisiensis, virgo, 11 augusti	» 185
Coleta, virgo, 7 februarii	» 37
Commemoratio Omnium Fidelium Defunctorum, 3 no- vembris	» 272
Conradus de Parzham, religiosus, 21 aprilis	» 41
Contardus Ferrini, 20 octobris	» 237
Daniel et socii, martyres, 10 octobris	» 224
Dedicatio Basilicae S.P.N. Francisci, Assisii, 24 maii	» 70
Dedicatio propriae ecclesiae, 30 octobris	» 246
Didacus de Alcalà, religiosus, 13 novembris	» 247
Dominicus, presbyter, 8 augusti	» 182
Elisabeth Hungariae, 17 novembris	» 253
Felix de Cantalice, religiosus, 18 maii	» 64
Fidelis de Sigmaringen, presbyter et martyr, 24 aprilis	» 47
Franciscus Antonius Fasani, presbyter, 27 novembris	» 262
Franciscus Assisiensis, 4 octobris	» 216
Franciscus M. de Camporosso, religiosus, 20 septembris	» 213
Franciscus Solano, presbyter, 14 julii	» 96

Gregorius Grassi et socii, martyres, 8 iulii	pag. 84
Iacobus de Marchia, presbyter, 28 novembris	» 265
Iacobus de Strepis, episcopus, 20 octobris	» 233
Ignatius de Laconi, religiosus, 11 maii	» 54
Impressio Stigmatum S.P.N. Francisci, 17 septembris	» 206
Ioannes de Capestrano, presbyter, 23 octobris	» 240
Ioannes Franciscus Burté, Severinus Girault et socii, martyres, 2 septembris	» 200
Ioannes Jones et Ioannes Wall, martyres, 12 iulii	» 93
Iosep̄h de Copertino, presbyter, 18 septembris	» 209
Iosep̄h de Leonessa, presbyter, 4 februarii	» 31
Laurentius de Brindisi, presb. et Eccl. doctor, 21 iulii	» 105
Leonardus de Porto Maurizio, presbyter, 26 novembris	» 258
Luchesius, 28 aprilis	» 51
Ludovicus, episcopus, 19 augusti	» 193
Ludovicus IX, rex, 25 augusti	» 197
Margarita de Cortona, 16 maii	» 57
Maria Anna Iesu de Paredes, virgo, 28 maii	» 74
Maria Virgo Angelorum de Portiuncula, 2 augusti	» 175
Maximilianus M. Kolbe, presbyter, 14 augusti	» 190
Nicolaus Pick, Wilhadus et socii, martyres, 9 iulii	» 87
Nicolaus Tavelic et socii, martyres, 14 novembris	» 250
Nomen Iesu, 3 ianuarii	» 15
Odoricus de Pordenone, presbyter, 14 ianuarii	» 24
Omnes Sancti Seraphici Ordinis, 29 novembris	» 268
Paschalis Baylon, religiosus, 17 maii	» 61
Petrus Baptista, Paulus Miki et socii, martyres, 6 februarii	» 34
Petrus de Alcantara, presbyter, 19 octobris	» 230
Raymundus Llull, martyr, 30 iunii	» 81
Rosa de Viterbo, virgo, 4 septembris	» 203
Seraphinus de Montegranaro, religiosus, 12 octobris	» 227
Severinus Girault, Ioannes Franc. Burté et socii, mart., 2 septembris	» 200
Veronica Giuliani, virgo, 10 iulii	» 90
Wilhadus, Nicolaus Pick et socii, 9 iulii	» 87

INDEX GENERALIS

Decretum S. Congregationis pro Cultu divino	pag.	5
Decretum S. Congregationis pro Cultu divino	»	6
Decretum Ministri Generalis O.F.M. Conv.	»	7
Praenotanda	»	9
Calendarium Seraphicum	»	10
Ordo Missae cum populo	»	111
Prex Eucharistica I, seu Canon Romanus	»	135
Prex Eucharistica II	»	142
Prex Eucharistica III	»	146
Prex Eucharistica IV	»	151
Ordo Missae sine populo	»	162
Appendix: Formulae salutationis initio Missae	»	170
» Formulae actus paenitentialis	»	170
» Acclamationes post consecrationem	»	172
Benedictiones Sollemnes	»	173
Index alphabeticus celebrationum	»	275

